

ТОБЫЛЬ  
ИСМАГИЛЬ

# Азамат

РОМАН



КЪАРЧА-ЧЕРКЕС КНИГА ГИАЦІЩТЫРТА  
ЧЕРКЕССК-1963

С. Муань

### ТОБЫЛЬ ИСМАГИЛЬ

Тобыль Исмагиль Абубакыр йпа база литература тшауацнарыхра апны йапхъахауата зымч алазцлаквас рыуа дзаджвып. Ауди, база йгьи ачеркес литератураквас рыщата штлацлагив Тобыль Толыстан Закрыя йпа йырхъвыхра дацлата, ауди йглацхърыларала, апычив апхяртаквас рпны арыпхягивта дынхарныс хвитныгла йымата Черкес педучилища дггалгитита, йцри кыт Албырглан дглахъынхивыхит. Исмагиль Абубакыр йпа йымч, йдырра зымгла агывчлвгвыс шла йарыпхяра, йыглар йазынайыркит. Совет власть адахивра дуквала дыргвышхвата, апхягивчвас рлсадгыл, рцри Коммунист партия бзи йырбауа, раба Ленин ду йуасятквас йрызцлабыргта йпадзныргылра ахъазла, Исмагиль Абубакыр йпа лшарата йыму абгата йглайрысабапуа дынхун. Арыпхягив къаймат йгладжвыквцларала, Албырглан апхярта апны йапхъахауа драмкружок гланыршахата йаъан. Ауди ахъазла аргылчлвквас йара Исмагиль Абубакыр йпа йаклвын йызлвыхуаз. Ауат йрыуата ргылчлвкгьи хлпны йгьпладзат, ауаса ахлбачвас йшгларгвалашвахуала, акыт абзазагивчвас глаляматра ду азрымата ауат йырпшуан. Аргылчлвквала арыпхягив къаймат апхъанчлви тынхаражквас лакъырдицлвуан, абзазара апны ашлцыра шайглайуаш йгвылагьи йпсылагьи йрыбагъюн.

Ауат асквшква рагІан ИсмагІиль Абубакъыр йпа йкъалям йгІахъыцІыз Коммунист партия, Ленин ду, комсомол рыхъазла ауысаква дахІвра ду рыман, ауат абазала йапхъахауа апхягаква йрылацІахата акІвын йшаъаз.

Тобыль ИсмагІиль йгватраква цІолан, йуысква щардан, ауаса ауат зныкІ ахъазла йщтІацІара ата-хъхатІ — совет уагІаква райгІайра йгвычІара йта-хъыта анамыца — щажвыгІв дшгІахІгвыквсыз аха-бар зымгІва рпынгы йгатІ. АрыпхягІв йкъалям аб-джярла йпсахра атахъхатІ, ауи йара йахІварала. Абашта айсра Ду дызшытхатІ. Тобыль ИсмагІиль айсра йапхъахауа амшква рпны угІаллагата, ауи ацІыхъвадза далан. Абаза хъацІа, йПсадгбыл даз-цабыргта, къайматта дъайсыз ахъазла, йгвыргъяру ртшхъвара йымата, амамыр бзахаша дазыгІахъын-хІвхтІ. Ауи АлбыргІан кыт апны арыпхягІвта дата-лагахитІ. Ауаъа щарда днымхауата, ИсмагІиль Абу-бакъыр йпа КПСС аХІабаз райком апарткабинет даунашвачпагІвта дрыбагъяхитІ. Араъа ауи арайон анхагІвчва руацІала политика—жвлара нхара гъа-гъата тшауацІнайрыхитІ. ИсмагІиль акыт клубква, анхагІвчва ъажвпІару архъаква рпны алекция гІаляматква дрыпхъитІ, арайон апропагандистква рынхара агъьчІвра йатахъу цхърыгІара айрайдзитІ. Ауи уысдаъа зынгы дгъымчІвузтІ, анхараква мачІкІ дангІарбжышвтрыз алитература дадынхалуан — абаза гІвчви уысагІвчви ркъалям йгІахъыцІквауа цІолата тшрыхайыргІвазун, йара ауыса шыцква гІанйыршун. Ауи апшта Тобыль ИсмагІиль йкъалям йгІахъыцІитІ йапхъахауа йпоэма «Рашид йгІайхра» датшагы йапшым уыса къомкІ. Ауаса агІвы къай-мат йцри абаза уагІа гІазабпа йырхътшаз, ауат раша ду аурышв йгІацхърыгІарала, апаштахІ йпсын-чи ашыпІа баячва ркъамчи йшгІацІыз, совет власть асквшква руацІала бзахаша шыц уыхварала ауат нхарата йакІвдыршауа гІазырбауа агІвыра пхатша шгІанйыршуш азхъвыцра дгягІнамырбузтІ. «Щарда



цлуата абаза уагIа ртурых йшызгIуаш сазхъвыц-  
уш. ЗымгIвагьи хIазырхатI. ЙгIанхахауа — йгIвра  
икIвиI» — хIгIапхьитI Тобыль ИсмагIиль Абубакьыр  
йпа йгIайтынхакваз агIвыраква рыуа закIы апны.  
АгIвы, ауыс далагара апхъала, нхара ду шакIв-  
йыршаз ахъахыла йгIахIырбаз ашвапха бергьлыта  
йгIаначпитI. ИсмагIиль Абубакьыр йпа йхъвыцраква  
шаъазла, абаза уагIа ртурых гIазырбауа, ххъвыкIта  
йалу, абазара ахъатаква зымгIвагьи гIаштIызхуа,  
роман — эпопей йгIуашын. Йапхъахауа ахъвы «Ащ-  
хъаква рпны алащцара» хъзыта ймазлушын. Ауй  
апны ауагIа-нхагIвчва гIазабта йырхътыцIуаз, ауат  
адин йазхъарцIуата, ажвгIванд тыбгIа йайгIвгъауа  
йшаъаз, абазара апны ацапшымзара шаъу, абаячва  
арыцIахъа чIдагIара шрыщтанкъвыргауа гIайырбу-  
шын.

ЙыгIвбахауа ахъвы («Ащхъаква рпны ашахъ»)  
апны абаза уагIа абаячва йырпшIагылата йапхъа-  
хауа ртшгIаштIыхраква, Коммунист партия ауна-  
швала акыт йгIайыз аурышв — большевикква анха-  
гIвчва руацIала нхарата йакIвдыршуз, айщчва уа-  
гIаква райгвара гIайырбара агIвы дазхъвыцуан.  
ЙыгIвбахауа ахъвы Октябрь революция Ду айгIай-  
уата йалыргахушын. ИсмагIиль Абубакьыр йпа аро-  
ман йхпахауа ахъвгьи йгIуашын. Ауй «Ащхъаква  
рпны алашара» хъзыта ймазлушын. Ари апны Со-  
вет власть йапхъахауа асквкIва руацIала абазаква  
нхарата йакIвдыршуз, ауат йшабакIуаз, хIаль-шан  
шыцта йгIарахквуз гIайырбара акIвын агIвы  
дшазхъвыцуаз.

Ауй апшта заман ауыра гIазцIазкIуаз, абазара  
ахъатаква зымгIвагьи гIаштIызхуаз агIвыра ду аба-  
за апхягIвчва йалайыргвыргъяра дахамдзаскIва, То-  
быль ИсмагIиль Абубакьыр йпа пхастала дыздтI.

АнбжягIв цIабыргы йгIвыраква азыкIыхыз, ауй  
бзита дыздырквуз агIвчви ауысагIвчви йшгIархIва-  
хуала, ауй агIвыра ацIыхъва йнайырдатI ухIва  
ауаштI, ауй ахъазла йара йпIвызгьи ауй кянгяшра

гъглауыланацлахуам, ауаса ауи хIара абгата йхлау-хра гхIылымшатI. Ароман ду йауата йпанхаз «Азамат» — хIва хъыз амата Къарча—Черкес книга глацIштырта йглацIнаштI. Ауи, ага агIвы дшаз-хъвыцуаз апшта йжвIамызтынгI, абаза литература апны гIаншара шыцта йалуаштI. Араба йхIвара атахъыпI, уахъчIвала хIара йхIыцхым Тобыль ИсмагIиль Абубакъыр йпа йроман агIацIштра йз-дрыхIазыруата, анбжягIвчва ХIачвыкъва ЗамахIшари, Цекъва Пасарби, ТхIайцIыхв Бемырза, ЧквIу Микаэль нхара ду шакIвдыршаз.

Ароман уанапхяра, ауи йалу афырква Аслямбакъ, Мадина, МухIарби, аурышв большевик Сергей, абаячва СалыхI, Якъвып, Рашид, айфанд, амуъазин рсуратква, рща-гашаква, уыста йакIвдыршаквауа шардала ухъа йгIатахитI.


АгIвы абая зымгIвала дгвымхата, арыцхIа закIылагъи дбжахымкIва, дымгIващахуата дггIайыр-бум. Ауат дзачIвызлакIгъи йшиквнагу апшта бжара-гъи йылахпI.

Афырква дзачIвызлакIгъи йара йхIаль-шан йы-лапI, йара йыбызшвала дчважвитI.

Тобыль ИсмагIиль Абубакъыр йпа апсабара асуратгъи бзита йзыгIарбитI. Ауи дызквчважвауа агIаншара глаугвынгIвра апны апсабара глауцхърыгитI, мгIва райша уыквнацIитI. Ароман абызшва псы-ахъапI, йбаяпI, йцIарапI.

Тобыль ИсмагIиль Абубакъыр йпа йлитература къару акъагIара йшалаз, йагламкIва, пхастала дыдзтI. Ауаса ауи йгIанйыршаз агIвыраква хIара тшырлахIыртшхъвитI. Ауат йрыуата ароман «Азамат» амагIныли агваццпара надзарали абаза литература апны йгIаныршахаз агIвыра дуква йанакIвы-злакIгъи йрыдзхъагылазлуштI.

*Брат Квчыкв*



## 1

Зынгъи йапшымкѣва, уахъа, йгвакъвпрак-  
ква рыцѣа йхътикъярныс ймурадта, Асхѣад  
щажьыта дщѣлалхтѣ. Ауаса Асхѣад йшита-  
хъу апш йгялуам: йгвакъвпракѣва гыхъты-  
цуам, ачѣва дагара гытлакѣуам. Дщѣлапѣ  
ауи хъвыцра ду далата, йгѣвылакѣ гѣахъам-  
суа, ахъышв акѣынхѣлара йгѣакѣылкъяуа  
аиша хъчѣвачѣва гвыр пынцѣлата йлакта  
йгѣлалахуа. Ауи ачѣварта гѣва дызлу  
йѣапѣкъ-тлапѣкъкъва йгѣларанкъѣвакъвитѣ  
йгъи, ауипхядза йпсып хѣлатлата йгѣайщтиуа,  
сахѣлат-сахѣлат тшахъырышвтитѣ. Йайсийыз  
йщапѣква йырггъѣвара йтахъызтѣхѣва, тши-  
кѣлитѣ: дызлу амшѣ чѣвартагъвыжв йуура  
ацкѣыс йайшыспѣ, ауи агѣвахъахъгъи  
мачѣдзакѣ штширыцѣсуа, хъщы згхаз адгя  
уандырыжвта, гврыдзгата йгъзитѣ.

Шарпны надзауа йаналага, Асхѣад ачѣва  
мачѣкѣ дтанахѣвауазшѣва дѣан, ауаса йара  
ауи асахѣлат йщапѣлахъы йщѣлаз Аминат  
лчѣварчѣѣажѣва цѣыр быжъ чѣвыхъ йлѣымхѣла  
йгѣлатгѣын, зынла дгѣлащѣларчѣватѣ:

— Уа-уи-и-и-уи, сара йтачѣвгѣачѣвыз,  
хѣтдзыжв йаласын, йблитѣ. Уа-уи-уи, джя-

магIат, кIас хъыхла снашвыхIвитI, алахI...  
ХIшахитI, хIшахитI!..

Аминат ахъвыцра шарда йгIалылхта ачварчважвара хIальта йшгIалылахаз здыруаз, АсхIад йгвы рыцIагъи швабыжта тшаднакIылтI. Ауи йгвакъвпра, гвакъвпра атагIалахIахтI, дшазымхъвыцуа гъям, ауаса дызлу ауыс хIатла агIалцIырта гIа-йауырныс гъйылшум.

АсхIад йара йазхъвыцраква ауи аъара цIолата дрыланта, шIас змамкIва йчварчважвауа, ацхърыгIара йахIвауа Аминат ачва дшгIаликъяюш гвы гяйтхуам.

«Йа сынчвата йдуу, ари адуней тыбгIара дуддза, гIына змам адуней, сара сыхъаз йызтшварая? Сара сынасып ари аъара йызцIагъая? Абар ужвыгъи анаспынтшала лыла йгIацIалуа йубитI. Йабзирая ауи? ЧвгIарамызтын, ауи бзирата йалу гъям. ТлакIьныгIва зму, йзаджу алахI, зымгIва зхауа уара уакIвпI. Уара йсхъухIвалыз сара сакъразпI. Ауаса снауыхIвитI, сынасып кIара кIыддзахта, уаргъи ари адуней апны гвчIагIвкI сзучпадзахуашта йаъазтын, ари атажв лыла йгIацIалуа амцаблыра тIакIв хIхъга», — дазхъвыцитI ауи.

АсхIад, алахI дызлайыхIвуз йажва ацIыхъва днамдзаскIва, йарма ла йакърыдзца йхъапалуа йаналага, йгвы швабыжта йхъшвашвахатI, йауа ухIварыквын, ауи йарма ла анхъапалра, гвасракI, кянгяшра

амкІва, данюшта йпхядзун. Араѣа  
 АсхІад дгІахъымчІвалкІва тшгъизымчхІатІ.  
 Ужыы, йбжыы чкІвынхара дацтахымкІва,  
 йчъачважвара атаджвыквцицІахтІ: «Йтышв-  
 ныз ала, ачІвыя йутахъу? Гвакъвпрата сыз-  
 лу уымамачІума: АчІвгъыщяя гвасрата  
 уачІвы сатазынйахуаш? Атажв наспсыз лы-  
 ла йыцІсыз нийта, стдзыжв мцаблыра ахы-  
 суашма, я йгІайуаш аквашуа амцтахъ ад-  
 гыыл аныршауа, чІвы дрышвта, йѣамудзауа  
 къварда-бардакІ апны счІвы гІатыцІуаш-  
 ма? МомкІва анартыхв пщырхІа Мурадин  
 псарчІвыта йгІаситырныс сызлайыргвыгъаз  
 дайгІваджьхта, жвладѣа, сгвѣаджьюа, сгІа-  
 нхушма?»

Араѣа хъчІвачІвата АсхІад йгвы йгІа-  
 ташвахтІ: хсквша апхъала акыт адгыыл  
 ршауата, чІвы дрышвуа йаналага, «араѣа  
 саквымшванда» — хІва зымгІва зчвыкІязы-  
 зуаз ахІакъвара оса, агъ ангІасра сахІат  
 апш, йызквпсаз адгыыл къварда-барда ап-  
 ны йчІвы шгІатыцІыз йгьи, ауи асквш  
 атшыгІвра анбажвха, йара йадгыыл жвлата  
 йаквипсаз аѣара шизгІаквымгахыз. Арыз-  
 кыы ауысла ауи асквш АсхІад гІазабта  
 йбая? ПсарчІвы гІайахвуа, ауи апсарчІвы  
 шапхдзыла йшвахуа, йтгІачва мпсы-мбзах-  
 та агІылахІва йыцІигатІ.

ЙгІайтгвалашвахтІ: сквшыкІ, агІапын  
 швабыж йѣас-тласта, жвлата йаквипсара  
 нартыхв пщырхІакІ йызгІамаууа йгьи ауи  
 йгІалцІла йыничвагъванкІ тшынла дчвры-

сыгІвта, уахъынла дчвыхчата йъайгаз ахъаз  
йзырчвагъваз йадгъыл тшйт жвла ламылуа-  
та йшичвыгІанхахыз.

Йпвы рахІа йызрыкІаызыхуаз, гвымха-  
шІымхазтынги, йхъа ъацІайкІуата йыму  
йтдзыжв чкІвын акІвын.

«Сыла мыжда ахъапалр ужвыги ацІы-  
хъва йгънадзум. АлахІ йымхІватІ, гвасрата  
йызбуш атажв лпхыз нийта, стдзыжв мцаб-  
лыра ахъысра акІвхара — АсхІад йыла  
хъапалпхядза дыгвъаджыуа йатайхІвахитІ.

АсхІад йыла йгІацІалхитІ, дызхъгвыр-  
гІвауа атдзыжв чкІвын шІазабта йтнахыз.  
цІгІан ауи йыхъвда гІахъчІва апш гІа-  
Жвыхвсквша апхъала, уагІара абна зчІвыз  
пын гІамтата, ауи АшІын

Морыкъва Али дйызцатІ. алахІ бзи йбаз  
— Салям алейквым, турыхІ чпара йцуз  
Али! — йхІватІ АсхІад, турыхІ чпара йцуз  
Али тшишІайыршван.

Ауаса Али, АсхІад йсалям джяуап гІа-  
йымтуа, дгІацампшуа йгІва дихъимрыдзауа,  
йыпкъ зырхІатлауа йымгІва йапхъа йгыла,  
дымгІвайсуан.

АсхІад ауи джящахъварата йзалтІ. «Ауи  
шпаъу! Уца, сара срыцхІапта, дгІасмачва-  
жварныс, хъачвамшара сзычпарныс ауаштІ,  
ауаса анчва йсалям йасхІа йартги джяуап  
гІайтхра атахъын. Абдаз уыма, турыхІ чпа-  
ра уцауата, анчва йсалям гІауыртта, йан-  
наумахвра, ауи гІасырапІ. Сара йшазыз-  
бауала, анчва йхІакъ хІара арыцхІачва

рыца таразта йнах'ырх'ыт'і», — х'іва йгвы йг'анагуа, асалям йт'йыз Али й'анаймахвыз швх'лак'іва дута йзалуа, Асх'Іад к'юмрак'І дымг'Івайст'І. Ауи гвы йчпат'І, Али тшихьирьдзан, тшатайзынайырхат'І.

— Уа сызх'ътныхыз Али, хымшк'І цит'Іта сузалырныс г'стлак'Ібуам. Уылпха саут'І. Тдзыжв чк'Івынк'І сыр'гвагвап'І сх'Іван, сымч г'яквх'ъум. Сна...».

Али ауасах'Івагы Асх'Іад дг'Іайымпшуа-та, йажва йш'ік'ъят'І:

— Знымк'Іва йызг'Іат'І ауат аг'ънанараква. Зак'Ігы, уара йуапшкву быж'ыладзык'Іла ач'Івыуара швазычпап'І, уара бага лок'Ів г'Іауымрахауата, йутах'ъу ласы-лас йх'Івата, уак'ъвыщ'Іх.

Ари апш гвауата данг'Іайачважва, Асх'Іад йх'ъагвы швабыжта дащ'ыт'І, йх'ъа рыцх'Іаг'Іа ду азибахт'І. «Чви бжи абадырума, йабасх'Іваз» — йх'Іван, швабыжта дайг'Іваджьхт'І, ауаса ауыс г'Іаджвыкквиц'Іах'ян, дызлайых'Івушыз йажваква йрайшысын, ац'Іых'ъва йнайыр'дзахт'І:

— Тдзы чк'Івынк'І г'Іазлыц'Іуаш баца ч'Івг'Іван г'Іасурых'вг'Іара стах'ъын.

Асх'Іад Али, йг'Іаййрых'вг'Іаз абаца ч'Івг'Іван ах'ъазла, йапымш'втуата, цымызк'І абгата дизычрынт'І. Йызлаг'Іайг'хра уандыр, ага днах'ъ-г'Іах'ъызтынгы, йг'ымаут'І. Ауи Аш'ынг'Іара аг'Івада ч'вг'я йг'Іатгата, мг'Іва айшыс дазымшг'Іауа, акытдза ж'вг'Івах'ъала, г'Іазаб ду йбауа, йг'Іайгт'І. Амш'Іайдза х'Іа-

тла ащтыхра йуацІа арыцІста, дзымпІа-  
тІаухуа ачварта йызнымкІва дыланацІатІ.  
Йара йкІвагъа заджвыкІи бру уагІаракІи  
рахІа ъама-псыма йыдгаламкІва, йпчІваз  
йагъьма напІы йшитахъу апш йымхъвауа,  
чІвгІванкІ йыщтІихырныс аджвгъи цхъры-  
гІагІвта дизамылуа, гІазаб ду йыквта,  
йыргвагватІ ауи йтдзы.

Абар ауи атдзы, жвыхвсквша цІитІта,  
йыбачва ама акыт лагъьбырг йгылапІ, гва-  
рала йкІвыршамкІва, апхынла ахъваци  
ацыцаранчІви йгІарылпшуа. Къыта йакву  
ахъыб бгІагъи, апша чвгя гІаспхядза йары-  
цІагъумца, ужвы абар къвахІв-чІвахІв цын-  
хъвыта йадгалу апсахъвалыцІ чІвгІван  
хъвахъвакв узыпхядзуштІ, атшамлага  
ачва шакІвыршу шузыпхядзауа апшта.  
Хъышв цынхъвыта апахъ бльын апны  
гІвкІынхІара гяжъыкІ кІылшІапІ. Ауат  
ахъязыкІ чІвыца бжаптшквкІ рылащыхпІ.  
Швыта йлу сгІачвапІта, тшынауыркъвкІва  
угъызнашылуам. Аминат лнапІ ъазаква  
йкІыдырцІауа анышв ауи чвакІ гІахъана-  
цІитІ акІвмызтын, атдзыжв чкІвын рахІагъи  
йуам-чІвымхарын.

АсхІад жвыхвсквша апхъала, дкъвыцІра  
анатахъха, млыквта йгІайадзас йкІвагъа  
йкІыпкІкъ йкІыларпа, йхъвынчІв шІа кІя-  
гва йжвгІвахъа йыкв, Аминатгъи хсквша  
зхъыцІуа рпхІа ФатІимат чкІвын лкІалта  
дамгва, пхІвыс унагІва ъамапсымата йгІа-  
ладзас кІасыжвкІ йамгвата, лгІвыцІара



йыцIа, ахшам лабыдж амштахь, агвара  
 гыцIара рымгIвата, йадзыргылуаш ауна-  
 гIва дзачIву рымдыруа, хьацIи пхIвыси  
 йацтагыла йшымгIвайсуаз азаман йгIа-  
 хьухырквын, зунашва гIахIчпаз атдзыжв  
 чкIвын, ага йкьвардазтынгьи, ауат рыхъаз  
 ауи апш хвду амата адуней закIгьи гы-  
 квым. Йчвгя йбзийызтынгьи, рынцIра ари  
 жвыхвсквшата ауи атдзы апны йгIвнар-  
 гитI. «ЙалахI, ари хIтдзыжв хIыгIвнар-  
 псых» — хIва алахI йыхIвитI. Ауи атдзыжв  
 чкIвынла лгIва дырчуата, ауат акыт уна-  
 гIвала йрылапхядзапI. АсхIад млыкв уыс-  
 ла дызквчважвушта йыму ари атдзыжв  
 чкIвын акIвын, йауа ухIварыквын, ауи  
 йчкIвынхъа уалагата йажвынтахъадза аба-  
 ячва рырахви руази йхчауамца дгIамгIвай-  
 сызтIхIва, «сара йсчIвыпI» — азихIвушта  
 йкIядыгв рахв гьгIатшкIарамылсызтI. Щта,  
 ауаса йанаъазара, йынцIра апхъа йыргы-  
 луашта ауи йымаз йтдзы акIвын. Аминат  
 йлапшбыргта йаргьи щардала пхызта йба-  
 лун, ауи йгвырбзига, йтдзыжв чкIвын, зны  
 амцаблыра ахъысуа, зны адзыр гIагIвна-  
 луа. Ауипхядза йгвы цхIашв хьшвашвата  
 дгIашIыхун, ауи апшта йыла йзыцIсыз  
 гвасра ду гIайпыралныс акIвта йазибун.  
 Абари акIвын Аминат лчварчважвабыжь —  
 «хIтдзы блитI» — АсхIад швабыжта хъвыцра  
 ду дзаланаршваз.

ЙцIхъвахаз, АсхIад, йымдырдзакIва,  
 ачва дыланахIвахтI.

Амара апхъа дгІагылра пщашта йыззалыз, АсхІад ачва зынла дгІалкъятІ йгЫи йара асахІат ахъышв цагІв чкІвын йгІакІылпшуаз агІапын мара йлакта йгІатаккІан, йгвы арыхъгІатІ.

Рыца щажы йгІагылыз Аминат щымта шей лыршра ацІыхъва дтагылаң. Ауи ауахъ йхъвалалкІыз атезакъ мца гыгІахъваламхазтІ, дгвжважвитІ. Йанамудзах, дджвылцІын, днапшы-гІапшитІ, рыца зылгІва дута йчуа йпны мца гара дцара ахъазла. Абар ауи лыгвлакІ лпны йгІатылган, йжягацаз къанджял тшыткІ йыквта, хпыргъа бжачвкІ гІалгитІ. Ауат, апша йджвыквнамгара ахъазла, лпахъ кІяпхын рхъакІыпІ. Ауи ащтанчІвыта йхъванчуа аурам тшва дгІабжысхитІ. Ауаса ауахъ йхъшвгІаз адгЫл гЫмсаcистІта, хвитта дгЫзныкъвум, лчІвырхъаква агІылахІва йатылпитІ. Лара лацкІыс рыца йхІагІу лахщайцІба йгІалылтхыз аъахвтан лчваучвапІта, лыщхъва йтасуа, лкІалта адгЫл йыквлырххІвитІ. ЙагІамкІва агвптшра йпнатшызтІхІва, ужвыгЫи зны швабыж йпшдзаз адамыгъа эквыркІву алакта, йызлатаххІваз зхаркІасыжв ахъаз йгІанымхауа, ащымта йгІасуа ангІара хъчІвачІва йдзанаршвитІ. Ауаса ауат рыуа закІгЫи Аминат йгЯлалхІвум. Ауи йылзымчІахуа, апыргъаква йдыршыз акъанджялыжв йабылуа лымачвква ддрыгвъаджытІ. Ауи дгвжважвазтІхІва, лща-

хпаква ласы-лас йылзатымпуа дгІамгІвай-  
ситІ.

Аурам тшва дгІамыгІвхъыцІта, лтдзы  
йазцауа амгІващ цІагІв даныквылх, араса  
лгвы йгІанагитІ: «Ари адуней йсамалья  
щта? Къвыд-къвыд йсрыпуз, сзайгьдзуз  
анартыхв шыла йапыжвац салгатІ. Ауи ам-  
щтахъ нартыхв гІважъ сйакъкІ йайхІата  
ацІгІва йгІадхалта йаъан, ауыгьи ахъыхв  
йалазлаган, жваци йаци атгІачва ауыла  
йскІытІ. Ари адуней уахъчІва йсамалья, са-  
бадпалуа, амаль чпартата йсымая? ХІуна-  
гІва уахъчІва уысда рызкъы ахъызта йыгІв-  
ну хІатыкъкІи бжакІи ракІвпІ».

Аминат, лтдзы дгІашылхын, атезакъ  
мца аквылцІатІ. КІягІваса жвпІала  
йхъгІвахаз арахчына гІаналыркъвытІ,  
хвуакъвакІ зташвауа агІва бжа жягаца  
аъарагІвшарадза дзы талчватІ йгьи шейта  
йгІацІнахра ахъаз йгІвачвата йакъвпІла-  
хыз чІвацІла быгъь къомкІ алалцІан, йгІа-  
налыркъвыз арахчына йхъылдатІ.

Ауахъ гвыгІв-мыгІвта йычвта, зхъагвы  
хянтата йгІашыхаз АсхІад, дагІщауа,  
ачварта дыларкІван. ЙцІхъвахуз, ауи дгІа-  
гылра ймурадта дгІахъчІвалтІ. Ауи зуаз  
узымдырхуашта, зхъкъя ккрышвыз ахъыз  
гІайхъирышвтын, тшигІвычахырныс ачІвы-  
ла хъчІвачІва дгІаквгылтІ. Аминат, ауи гвы  
аналт, амшІ швындыкъваражв йыквыз йам-  
гІа-мсква гІайылттІ. АсхІад сквш гІвын-  
гІважви жвабакІ ахІа дгънамдзасызтІ,

ауаса лактала сквшы хынгІважви хвбакІ  
йутрын, йлакта гІва айджын. Хъвыта йы-  
квыз зымгІва, йхъабра цагъа апны уала-  
гата йыджьымса жвпІа алажжква рпны  
йыцІшвтхуата, асы апш йшлатІ. Гапсара  
щарда йацагылаз, йызнымкІва абаячва  
ркъамчы аудын зчхІаз йыбгъа хъвахъва-  
хауа йалагатІ. Зынъабарала хвпуткІ эта-  
швуз амашакв ду злацтІихуаз йнапІква  
ужвы йкІязызуа йганхатІ, жяйкварата  
йрыквыз ратытІ. Ачва йрыкІвыршаз цагъа-  
дзахан, аща этаныкъвауа йнапІы ада дуква  
уыла рыквшварквын, агвы йгІәлахуа, йма-  
хъаква йгІарылккІьитІ. Атана цыжв да-  
щталырквын, дахьдзата йзыгІахънырхІв-  
хуа йцагараз йщахваква, йабабаху, ужвы  
агІылахІва чІвырхъа атырпитІ, акъвыра  
апш йцагІвхатІ.

АсхІад дымгвжважвауа тшигІвычитІ,  
йчгІвычаква ащарда гІазлыцІыз уасчвапІ  
йгыи ауат ауи аъара йажвчван, агІвычІв-  
гІвыс йыхъва йхъидарныс магІны рыма-  
хымзщтара кІара цІуан. АсхІад йгІайахвыз  
ашарбал айква, йакъвтІан, зджяра закІы  
гІакІылжварма-хІва дазсакъуа, йшвицІитІ.  
АцІгІыпІа гІвабджяжв йгІалырхыз амсква  
цагъахан, йсакъатхаз йщахваква гьдыр-  
пхауам, пша гьыркІыхуам, амгІас цагъа  
йгІалырхыз йамгІаква йагърагІвиттІа,  
абар, ужвыгыи дзырпхала йырпсан, агІыла-  
хІва йщапІква йрыщайцІатІ. ЙшвицІаз  
йхъамы йыщхъва йтасуан, гьырдыта йал-

сѣт ѡагъранаргІватІ, ѡацІанарпан, ѡайшыс-  
хѣтІ. Акв кІышвдза ѡхъайцІаз ѡхъамчва  
хыллпа хъвыта ѡаквыз чвкІврын.

АсхІад, ѡчгІвычара ацІыхъва даннадза,  
дыквчІвалуз агІвна рымдза сгІа чкІвын  
гІаѡахвын, ѡылгІварчуаз атезакъ мца дадз-  
хъачІватІ. Ауи ѡгІахъыцІуаз алгІва апша  
гІашІасуанта, хвитта ауарджакъ ѡгътнам-  
щгуазтІ. АсхІад, ауахъ ачва згхата ѡкъапщ-  
хаз ѡылаква цІнаргІвауа, алгІва ѡтачыз  
дызгІалымпшуа дылачІван.

Аминат АсхІад ѡайшва шылгІвычущ  
ацІыхъва дтагылапІ. Ауи, кІас бгІадза  
гшыткІ гІалахвын, зхщапІыкІгъи цІкІыыз  
ѡйшва сгІа мацІкІ ѡылрыцкян, ѡгІайыдлыр-  
гылтІ. АсхІад дызтачалуз амшІ квпІи хъа-  
гъагъа азнадза шей квайчІва гІаталчван,  
гІвазта ауи ѡгІахъыцІуаз алгІва жвпІа  
ѡалалауа, ѡйшва ѡгІаквлыргылтІ. ХІатыкъ  
къачІвахыртата ѡлымаз агІв бжа агІвырпа  
дтапшын, ѡтахыз хІатыкъкІи бжакІи ра-  
кІвын, абга гІалахвын, хІваспа дзагвакІла  
хвыцквата ѡылххын, АсхІад ѡызгІаквыл-  
цІатІ. Ыара ауи агІв ѡтаз агІвмышІ квпІи-  
гъвакІ дрылапшын, ахва кІягвазтІхІва ры-  
цІа зщцара мацІыз джъкІа пхатша мацІ-  
кІгъи тата ѡгІайылттІ.

Аминат арыла АсхІад ѡайшва агІвычара  
далгатІ. Ыаргъи ащей ѡыжвра джвыкви-  
цІатІ. Ауи ѡпхачву ащей квайчІва дачв-  
хІвауа ѡыжвитІ, ѡнапІыцІакІу ахІатыкъ  
ххыра сакъ-сакъ дацХитІ. АсхІад ѡайшва

ашапІква щІкІьыз йыла йангІацІашвара,  
йгвыла араса йхІвІтІ: «Сайшвагы гяудза-  
хуам. Щта, йаурыя? МачІ цІума ари айшва  
садзхъачІвауищтара, счкІвынхъа йгІашІа-  
рышвта сшлахынцІкІяра. Ауаса сынцІра  
аура апны зынгы йгъсыздырам, ауи йайшва  
сгвы йшахІвауа апш рызкъыла йчвыта  
садзхъачІвата, ауи йапш быргта йгятаздыр-  
хуам, сымгва азна ауи айшва кІаразын  
йгІаквсхта».

АсхІад йгвы йгІанагуаз йнахъатā ца-  
быргын. Ауи йынцІра аурала пхдзы йры-  
чІвауа, гІазаб ду йбауа, агъныла асы йы-  
хъвда йгІатасуа, апхынла амара мчы йхъа  
ъадзатанаршуаз аъара аквашуа дацІана-  
кІхуа, йыуахъгы йытшынгы апщыла дын-  
хазтІхІва, йпхдзы йгІанагуа абаячва рпыкв-  
ла хвша аладрадзауа, йара айшва дадзхъа-  
чІварквын, йымгва азна аквйымфуа дгІам-  
гІвайстІ.

Ауи йайшва бзиддзата йангІвычахузгы,  
ужвы уахъчІва дыздзхъачІву шгІвычу дукІ  
йзлагъьхуз гъамызтІ. ЙынцІра айхІара  
абари уахъчІва апш ащей квайчІва йади-  
кІылуаш анартыхв хІатыкъла йымгва йзы-  
мырчвуа йгатІ. АсхІад йайшва йыквыз  
ахІатыкъ ххыраква данрылга, «АльхІым-  
дурыляхІ, йалахІ ауи ацІыхъва уара сум-  
ган», — йхІван, айшва дыздзхъачІваз тла-  
ныкъвакІла йыргылтІ. Таразта йухІвушыз-  
тын, йымгва азна гымфастІ, йтахъын ауи,  
ага йщей квайчІвазтынгы, йымгва азна

йыжвра, ма ауи акывызтхива, «йглахвст  
ужвыгы, тажв, хлатыкь тлакв» — хива,  
йымам йдырхитта, йгызыхивум.

Аминатгы, йлактала, закйгы йымхива-  
рыгы, Асхлад йымгва шнамхъаз таразта  
йылдыритт, ауи акывызтхива, «углай, лы-  
гажв, ужвыгы тлакв узынатасчвапт, ласы  
уызгладымгылхуазтын, уымлащикпт!» —  
хива гылзыхивум.

Асхлад айшва данглахъыцх, йрасачив  
лаба, ашвымгыцара йыцлагылаз, глай-  
хвын, йшлаз йжактя цлагъа йщшуа,  
аджвылцара тшазичпауа далагатт. Ауи Ами-  
нат данглайыщтахъпш, йуабчва мъа шйыб-  
гъамыз лбан, йглайыщталгахтт.

Асхлад агваны дангладжвылцт, квыш-  
лыкъв ду надзахян. Аглапын мара, тшзыр-  
гачивауа, йглахъыцуаз апхара адуней  
арыхъагун. Акыт аурамхъа апны уыс ду  
змам ахъачвакв шарда мцуа йганшаз  
ахабарквa йрыквчважвауа, аглапын мара  
тшандыршуа, йалагылан. Асхлад ауат дрыз-  
царныс мурадта йчпатт. Хьтарцажв зму  
йагъма щапты йшитахъу апш даквнамыр-  
гылуа, йгы ауи йгалцтла йчвырхъаквa  
агылахива йатипуа дымглавайсуамца, агвып  
дрызнайтт.

Атшын хвашан. Акыт шабгу аквта  
маджыгыт апны джюмагла чпара йайззара  
атахъын. Гвып-гвып аурамхъаквa рпны  
ахъачваквa тшадыркылитта, акытквта  
маджыгытла агвадахъквa лбгитт, алагъ-

ква глахъалитІ. Ауат, йъадзамгІвайсуа, акыт хабарта йгІатшаз зымгІва йрылачважвун: зпхІа йылтахъымкІва, быжьладзыкІла дчІвыуа, йгІалтныцІуаш ачма ахъаз дызтйыз, йанкъвакъвуа агІвбаячва рыуа зчаражвра рыцІа йбзихаз, гІвыма кыт гычра йцата, ймурад гІайдамыхІвуа, ауаса аудын ду зквыта йгІайхыз, акыт апны къвлейта я къвлейсызта йбзазауа. Амаджьгыт апны йананя, саям абархкван, рнапІква абадыркІытІ, ауаса араъагыи арыцхІачви абаячви гяламгІващузтІ. Гвып-гвып йгылан: абаячва рдауыш рыцІа йдута, амаджьгыт йаргванта, арыцхІачва, рыцІа угІаскІята, разазайгвыргъяра гвыхътІыла йырчвыта йалагылан.

Амуъазин Дадым, йшвалауат гІагра далгата, аминара дангІакІныцІх зымгІвагыи амаджьгыт йнашылтІ. Апхъала — рыцІа йбаякву чІватІ, аштахълагыи—арыцхІачва. АджюмагІа йаналга, айфанд Мырзабакъ, йажваква аквйырчІвауа, гІарып бызшвала йхІвауа, хІыбызшвала йатарайхІвхуа, йгІайззаз уаз ритуа далагатІ.

— Анчва йпахъ йахыла йгІалбгІаз акъвыръан йазхъазымцІахуа, анчва йыдцІуа рпхядзара рыцІа-рыцІа йалахІитІ, — йхІватІ Мырзабакъ, йхІвауа йацыркІуата зхъа зчпуз абаячва хъвдашвлІаква ргвырбзига йымата. — ШвапшыстІ уагІата ари анчва йджюмагІа йгІадгылыз — акыт аъара гІвшара гяам. Ауат гяуырхарныс йрымаху



мачІдзакІ акІвпІ. Намаз анимчпахра,  
ачІвья ауи мсылманыгІата йылаху? АлахІ  
йгІайшаз абзазаща пытшырныс йашту  
Россия анчвадаква йырхІвауа хъазцІауагьи  
даъзапІ? Сара аквайчІвара снапыцІапІ.  
Ауи аквайчІвара ахъызла йшвасхІвитІ, ан-  
чва ауагІа адуней йангІаквицІуз бзазащата  
йгІаритыз пытшущаш акъару шгІанымшущ...

Айфанд йуаз йаздзыргІвыта, згвы  
«пшкахаз» абаячва амаджыгыт йангІа-  
джвылцІ, азаджв-азаджв дирайгвахуа,  
гІвуджъ-гІвуджъ, хгІвы-хыгІв йамцІыцІхуа  
йалагатІ. Айфанд шардагІвы ддрайгвун,  
ауаса йгъимуытІ.

— Унайх, сыгвлажв,— йхІван, Мырза-  
бакъ АсхІад тшизынайрхатІ. АсхІад ауи  
джайщатІ, айфанд ауи гІазлихыз гІайгвным-  
гІвуата.

— Унайх, саргьи сгвжважвитІ,— йхІватІ  
АсхІад, айшыста.

МгІва йангІаквылх, Мырзабакъ ймурад  
шхъюшыз дащталтІ.

— Хабар бзикІ уасхІвуаштІ, АсхІад.

— Анчва йквейчІвара знапыцІу уара  
гвымхара шумхІвуш сара йхъасцІитІ.

— Анчва, АсхІад, адуней ангІайшущ  
йацгІайшатІ, ахъацІи апхІвыси руысгьи.  
АпхІвыспа лтахІацагІа аннадзара, дзачІв  
абазлакІгьи ауи лылахъ шщущ даэхъвыцра  
атахъыпІ. Ауи къвлейсызкІ дишІашвары-  
квын, лынцІра лымгва азна, лчва азна,  
лмаууа дпсыхуаштІ. ЙгъцІабыргымма?

— Ауи цабыргып!

— Щта, сара йуасхІвуаш глаугвынгІвхята глацІуаштІ, уара угъхъаца лагам. УпхІа ФатІмат Братыкъва йпа дизигара йтахъыпІ. БратыкъваргІа адуней мгІа амазтын, йхъынзырхІвквуш йрыуапІ, йрыдуцІуш гьям. Уара укъвлейсызпІ, арыцІагІара алахІ адуней йацІайшатІ, ауи гътшпынхІвам. Ауаса Братыкъва чмата йглауитуаш гІваца щта! Йаргыи ауи уйайгвахарквын, хвыта йуымазлуш щта! ЙазухІвауая, АсхІад?

— ЙазысхІвагвыщаря, суыс зкву уара йумдыруата йуасхІвыря. БратыкъваргІа райгвара сара йазысхІваря, ауаса, Мырзабакъ, йыздыруада ауат рмурад...

— АчІвыя рмурад, упхІа тацата дыргуштІ, йара алыгажв йхъатала ауи ауысла суачважварныс сыхъвда йглаквцицІатІ.

— Ауи здыритІ, ауи гякІвым сызквчважвауа. АрыцІа пхІа, Мырзабакъ, абая йунагІва апны тынчра гьлаууам. АпхІвыспа чкІвын длылахъвмарта, дглауиштхырквын, йсамальхя?

— О-о, утдзагвы мышхатІ. Сара йгысызхъауымцІума?

— Уара йзуызхъасымцІауая...

— Уаляхи, АсхІад, уара уызхІвуш йара дшахІвауа, апхІвыспа лынасып уапырамсын. Уазхъвыц, утагвжвагыи улайкянгыш, уачІвы аджяуап гІасытх. Бзила.

АсхІад айфанд данГайкъвыцІх, йхъа  
кІашвата рпны дшІкаралхтІ. «Йыздыруа-  
та, Братыкъва ймурад. Ауаса ауи бзирала  
стыГайымхъвыцтІ», — йгвы йГІанагуан  
лун. 2

ФатІимат лжваГІсквша анылрыцкя,  
йкъаГІуз лыпшдзара рахІагъи швабыжта  
пшхънатІытІ. Лхъабра жвпІа квайчІва  
йцрыцыруа, ала агвы ахвуа лыщхъва йта-  
ситІ. ЛыпІкъ цІаГІв апсахъва ххва апш  
йрейшапІ. Агвыргъяра йязычпу лылаква,  
амызшІа йашІырпшу лыджъмса жвпІаква,  
йдучвам, агвы хънахуа йпшдзу лпынцІа  
цІаГІв, данпшвырхъыччауа, асыха апш  
шкІвоКІвата йГІацІпшуа лпыц ссаква, ща  
щІу, йлашару ллакта гяжъы рахІагъи  
йдрычІарачІун. ФатІимат лыпшдзара акыт  
пшы шардаГІвы хънахуан. Ауи лыкІас ГІа-  
таххІва, дацампшуа, ачІвыла дштІапшуа,  
адзхъа данцуз, аурамхъа дГІакІвшанцІкІя-  
ра йлыщтахъпшуаз ахъачвакка рныбыжъ-  
квалагъи млыквлагъи йгяпшымызтІ. Ауат  
дрыуата йнаскІяхята зыпхІчвакка ФатІимат  
лацкІыс йахІбу, ГІвыджъ ГІазгта, айтІуана-  
та йадзхъазырчІвата «йаллакІгъи йалтІ,  
уаляхи ари АсхІад йпхІа хяпщ дспхІвыс  
айцІбата дсчпарыма шсхІвауа! АсхІад  
йара дкъвлейсызпІ, закІы йшІазгвапІта,  
дГІайшІызгапІ. Йъадза чІащыГІву дсымаз-  
лапІ. ЙанчІащыГІвахымгъи, ашвхІаусыГІва  
хІазырпІ: «айтІуанаква гяГІымбатІ. Уал-  
гатІ. ХІхъацІа-пхІвысра ацІыхъва йнадзатІ.

Дзи хІахъви адырхІвалма! АйтІуана ахІба закІгъи ауаъа сара сгъналырдзарым. Ахъа мацІдзакІ йгІасрыкІапызтын, алахІ-алахІ, закІгъи, амца лшІакІы ацІыхъва йналырдзуштІ. Дшпаъу лара, уаляхи, алмаст ацкІыс дшалмасту! Алгвычдаъа ухъабра шылсуш, махъвдадаъа дгІаушІахуштІ. Ла гІалзысчпазтын, сывгярагъи сбзирагъи аламкІва, агІацапшра гІваца дахалмырдзауата, дшшІкІарылцуш», — хІва згвы йгІанагуаз щардагІвын.

Дрылан ауат ари апшгъи. Йара дбаяпта, йпхІвыс гІаггІа аннадза, йани йаби «хІара хІапш баякІ йпхІа дгІагІгхуаштІ» — хІва, йара йымцІгІауа йызгІаргыз йпхІвыс, бзи дйба ныжъхта, дылпшрыквын, йыла мгъыта дгІацІахуа длыцбзазауа. Зны ФатІимат длынйата, ллакта лашара дтапшрыквын, йгвы араса йгІанагуа: «Ай, саба уихътынхан, ауи сымхІара йыгІвну аблягІва гІвнахымкІва, ауи лтарала ари схъызхуа апхІвыспа дыгІвната снашылхзарквын, ауи асхъан сара шыцшыц адуней сгІаквылхыни! ЛагІчвыкІ адзы йылчвахъватшызшва, лылахъ аквы, чвыргъв гІвычазшва ашвымгъыцІара дыцІагыла сымхІара снашылхра, ауи сылпшырныс ацкІыс, сызтарцІуш амаша стадырпшрыквын, агалагъи рыцІа йгІалсхитІ. Ай, байтамаль йзачІв лахъыдазя сара сылахъ! ЙачІвыта йынасыпя ари апхІвыспа хяпщ зылахъ данылуаш! Млыкв-млыкв рхІвитІ. ПсхъвыкІ алцІтІ амлыкв. Бзи

йшзбауа сылахъ данында, млыквта йсыму  
сымахымкІвагы!»

Арат йрапшызгы шардагІвын: пхІвыс  
глаграла йырзаманыгІвата, ФатІмат ры-  
лахъ данылра швабыж йыргвапата, ауаса  
ауи лаба дъакъвлейсызу ахІатырла ргвы  
йту рзымхІвауа, ажвала рыца йбая тып-  
хІчву йрепсатлхвуа, ауаса ргвы ФатІмат  
дрызтымхуа.

ФатІмат лхяпщри лхІалыи йхъырым-  
хуашта йгяъамызтІ. Ауи, жвагІсквша да-  
ныртал, ланхща Мадина длыдылкІылтІ.  
Ауи, ФатІмат лани лаби гІалырчІвалын,  
йалыргата йралхІвтІ:

— Уа, АсхІад, уа Аминат, ФатІмат са-  
ра дсыдскІылра гІазлысхуа ари акІвпІ:  
цабыргыпІ, арыцхІагІара гытшпынхІвам,  
ауи швара швгъычта йгыгІажвымгатІ, уахъ-  
чІва ауысла йнахъата швкъвлейсызпІ! ХІа-  
нхъахыла алахІ йгІашвитхуаш дахвитпІ.  
АлахІ йбзирала, ФатІмат дукІ днадзатІ.  
АпхІвыспа жвагІсквша даннадзара, лгІвы-  
чара, лхчара кІара атахъхитІ. Ауи швара  
йшвзахъвакымцІырныс ауаштІ. Ауи сара  
йгІасахвитІ. ЗымгІвалагыи швара дгІазри-  
йыз шшвылзалуашыз апшта сылзалырныс  
ажва багъя швыститІ.

АсхІадгыи Аминатгыи Мадина йылхІваз  
ажва гяларымцІатІ, ауат руыс эквыз Ма-  
дина йшылхІвауа акІвын. Дара рчгІвыча  
шаъазлакІгыи йауан, ауаса ауат ФатІмат  
йнахъата йылхъгвыргІвун. Аминат йызным-

кIва ауи лгвы йгIанагхятI, ауаса, ага дла-  
хщазтынги, лхъа йаквылцIата йгьылзым-  
хIвузтI. Йшыртахъдзас апшта Мадина ргвы  
дгIатачважватI. Ауат бзита йгIаргвын-  
гIвуан, Мадина йги ауи лхъацIа Къадыжв  
Аслямбаць, зджяра йгIанымхауата, йшхIа-  
ляльыз йги йыртлакIуашта ауат ФатIи-  
мат закIги шлыгримжьюашыз.

Аслямбаць йпхIвыс Мадина дпхIвыс  
мхян, ауаса, саби дрымамызтIхIва, ауат  
йнахъата швабыж бзи йабабун. Аслямбаць  
шардала йгвы йгIанагуан: «Ари адуней ап-  
ны сара закIы гьстахьымызтI, пакI я пхIакI  
дсымата, ауи сара сгвы йшахIвауа апш  
дбжята дызбарныс ахIа». Ауат ажваква  
йызнымкIва, йалкIагIата, рахIа бзи йбауа  
йынбжягIвчва йрайхIвуан, ауат ргIариква  
рбжяра апынги шардала мгIва рейша  
йыквицIун.

Аслямбаць йаба Быда йнахъата дхъацIа  
тларыхIта, дгвыбзыгъата, къару ду йыла,  
йунагIва апны ъадаби адыгя хабзи гIвным-  
цуата акIвын дшаъаз. Аслямбаць жва-  
гIсквша рахIа дтамкIва Быда дызгушыз  
азгIва гIайыдсылтI. АхъацIа гвыбзыгъа  
дамуыхуашта йанидыр, йпа йхъазыта дгIа-  
йыдйырчIвалын, уасят гIайзичпатI.

— Уа, сычкIвын, спсы йапшу Аслямбаць,  
адуней псы зхъата йыкву зымгIвадзугьи  
аджяль рымапI. ЗымгIвадзугьи псыхуаштI,  
ауаса йанаъазара, йшутахъдзу йучпарыги,  
апсра тшачвыкъаучIвах гьутлакIуашым.

Сара суыс, ужвы сшалапшуала, сынціра  
штыхъва йнадзата гІацціпі. Сызкву ахрат  
мІвані. Ауаса йанаъазара, сычкІвын, уа-  
сига гІвба-хпа ажва уызгІанызжъра  
стахъпі. Йшудыруа апш, сара млыкв ду  
тыластынхум. МлыкврхІара хІарам чра  
штыцылан, ауагІа рпхдзы фара атахъын.  
ШІасахвпі рахІа млыкв ду зырхІата хІкыт  
шты йту Мсрыкъва Али йпачва. Ауат ртшан  
шарта йызталуа акІвар дырчвитІ, рырахв  
быжъ хІамачкІ йгырташвум, руаса рхъи  
рщыхъви гябабум. Ажва аламкІва, ауат  
баяні. Ауаса хъара йпшуа ауат рбаяра  
штыхънахрым. Ауат абаяра йызлазцаз ам-  
гІва шпаъу? Ауи амгІва гІвщра, щарычІва-  
ра, мцхІвара, пхдзы фара, хІарамчра, гы-  
чра датшагы гвымха-шІымха шардала  
йырчвыпі. Арахв ахъазла ауат ахІарамчри  
штыщарычІвари йащцан, ужвыбырг рымлыкв  
ршауа йалагата сыскІ гІачІыдахазтын, ауи  
штыжыхта, хІваспа тыхла йабаккъюштІ.  
УамайлахІан ауи апш уысла йырхІахаз ам-  
лыкв, йгыи йсырхІитІ-хІва ауи апш ацІы-  
хъва утамгылын. Чвгя зхата бзи йанйа  
дгяъам. Пхдзы чІыда гІаламылуа, сара  
сымч йгІанагыз амлыкв тшыт йузгІаныз-  
жъуа зунашва узысчпаз арахв шарда рац-  
кІыс уара уыхъаз йрахв дупІ. Адуней апны  
йбаю рахв зшарду гыйакІвым. Щта дза-  
чІвыя? Згвы бзира ту, амцхІвари ачвгяхари  
апсра ацкІыс хъарата йырчвгылуа, ауагІа

Ёзира рзихара ахъаз йамайчуа, ауат рына-  
 сып хчахара ахъаз зынцІра йамайгьдзауа,  
 ауагІа шардала. Ёзира ззырхІвауа, зыхъыз  
 ахІвахІвра ахъа йаларцІауа, дзынбжягІвхаз  
 цІабыргыта йырзалуа, йара йапш цІабыр-  
 гыра ззылшущ анбжягІвчва дымгІващауа  
 йыззгІаууа йакІвпІ. Ауаса йаъу, сычкІвын,  
 адуней дъадзакву чІвырхъата йатипуа  
 абзира хара йаквйыргІапситІ, ауыла йгвы  
 йалахІитІ. Ауи хІарамчрала млыкв ду зыр-  
 хІаз абаячва рырахв дгъхънахуам, дара  
 лацІыхъвала дырпшитІ. Ауаса йанаъазара,  
 уынцІра апны зынги гІвыма пхдзыла  
 йырхІахаз амлыкв уыкІядыгв йгІатшкІара-  
 лырныс уамайлахІан, гІвыма пхдзы зфауа  
 дгъбаям, зынги ауи пчагІвта думчпан, сара  
 аджвыла адуней съадзаквыз ауат ахІыта,  
 гІамстата тшырчпитІ-хІва мшкІы ауат  
 рпахъ схъа гънасмьркъвытІ, ужвы, ахрат  
 амгІва саныквылги, алахІ сйыхІвитІ «ауи  
 апш аджвы ншвынтара гвлата дсумтын» —  
 хІва.

Аслямбаць, зчва тшахІваджъыз йаба  
 дипшыпхядза, йыладзква йзымкІуа, ачІвы-  
 уара йтамаць акІуа, йгвы рахІагьи йыз-  
 рычкІвынуаз абжягъажваква дрыздыр-  
 гІвуан. Быда мачІкІ тшпсищатІ, дгІахъчІва-  
 лын, адуадзы этаз ачІат ахыла йнапІы  
 йраутІ. Аслямбаць дгІащтІчІватІ, ачІат  
 дамцІасын, йара йнапІыла пщын-хвынкІ  
 дайырхватІ. Дшымбзихахуаш здыруаз  
 ахъацІа гвыбзыгъа бзичва йбуз йпа



аджвыкІ йнапІсыргвыцІа йхъапахъ йангІа-  
кмыл, ага ахъацІара тшайтызтІхІва, йын-  
шра апны зынгы йызынмискІва, йыладз-  
ква глахъххылуа йалагатІ. Ауди, йпа йбара  
йтахъымкІва, ахъызала тшхъигІватІ. Ас-  
лямбакъ йгвы тыпсегІатІ, йчпуш йымдыруа  
шнытракІ дгылан, уацІыхъван йгвы тІакІв  
йІайаухын, «Даду, уа Даду, йучпа ачІвыя?»

йхІван, ахъыза йхъа йгІаквихтІ. Быда  
йкъайчІвахра ахъазла, йыладзква йрыц-  
кызтІхІва, йпа йгІайгвынгІвытІ, гвмачІра  
шгІайылашваз, йгыи «Даду, спсы йапхъу  
Даду, сара йшазызбауала, уарыгвмачІуата  
мкІыла угвы сзыбжапІ. СуыхІвитІ, Даду,  
йцІауымкІуата, угвы ззыбжу атІакІв гла-  
саухІвырныс», — йхІван, йаба дйыхІватІ.  
Луралагыи хъгІата йгІайпшуаз, йаба йгІвы-  
лакІ, ужвы, зынгы йапшымкІва, хъгІадзата  
йгІайпшуан. Йаба йгІвылакІ ажвала ац-  
кыс рыцІа таразта йгІаугвынгІвуашта  
араса йгІайархІвуан: «ЙзачІвыта йхъгІая!  
ЙзачІвыта бзи йубауая агІвычІвгІвыс  
дуыцта адуней лашара уыквызларныс! Йза-  
чІвыта йхІатлая, ауди бзи йубауа агІвычІв-  
гІвыс йбзибарала угвы намхъауа адуней  
уыквцІхырныс...»

Быда гвы йчпатІ, Аслямбаць йчІварта  
дйырчІвахын, йбжягжваква атаджвыкви-  
цІахтІ: «СцІыхъва йгІанхауа спа заджвыкІ,  
уарала сара гвбжара гсымам. Ауаса сара  
шардала мчыта сузалтІ. Спсы йапшу, мчы-  
та сузалра глазлыцІыз ари акІвпІ. Адуней

апны йпа дичвымгъта абакІгъи дыквта  
йгъІацІуашым. Сара уара заджвыкІ  
уакІвын йсымаз, сара йстахъын, быжъІв-  
пачва урыхвта уцара. Ауди апш хъацІара,  
гІвыра гІауылцІра, шан бзи гІауылашвара  
ахъаз цІабыргыта йанакІвымгъи ухъа  
гъсымщщытІ. Сара йстахъын, уара ауыс  
уазычпата, анхара йанакІвызлакІгъи уагІв-  
зата, пхдзы хІаляльла убзазара. Уыздгылу  
ауыс цІыхъва амайаукІва угвы мчІвауа,  
уахъчІва йучпара атахъу ауыс уачІвы йа-  
зыщтІауымцІауа, ауыс майра ацкІыс абар-  
гвы рыцІа унапы йакІуа уызбара.  
СычкІвын, анхара хъара йачвгылуа йына-  
сып цІагъахитІ. Сара йгъстахъымызтІ, уара  
уынасып цІагъахара. Ауди апш быргта сара  
бзи йызбун, уара хІальта йуылазара абаза  
уагІа цІас бзита рынцІра йацІамгІвайсуа:  
мцІвара хъахъыхрата йубауа, хъартш-  
хъвара техІагІва чвгыта уачврыхІауа, уа-  
хІба чІахІ ду йзучпауа, ауди йчІварта, йгы-  
ларта удыруа, ацхърыгІара йазыбжу агІвы-  
чІвгІвыс дуыднагалырквын, уицхърыгІара  
ахъазла укъару уамайгъдзауата, бзирамыз-  
тын, гвымхара шырхауа уымдыруа, гвып  
урылалырквын, уарала йпшдзахауа, уажва  
кІынхІарамкІва, йцІабыргыта, ауагІа рхъа-  
хвитра, ауат рынасып, цІабыргра рыхъаз  
уабакІра анатахъхара тларыхІра уылшауа,  
азальымхачва уырпшІагылырквын, ауат  
йщахъчІвалнацІкІяра уабджяр атара  
йтауымцІауа, ауат ркъару рыцІа йайхІа-

пхІва штахъла чІвырхъа гІатумпуа. Ауи  
 кІвын сара ауаса сзузаъаз. Ауаса, абар,  
 ури сари пасата хІакъвыщІтІ, млыкв ду  
 атрала арат сажвакв уызгІаныз-  
 жытІ», — йхІван, адуадзы ахъыла йнапІы  
 атайраухтІ. Аслямбакъ, апхъа апшбырг  
 йІайахвын, йара йнапІыла гІван-хын дайыр-  
 хатІ, йхъа йацІаз ахъчы бгІадзахан,  
 цсакъдзауа датша хъчыкІ атагІаквицІахын,  
 цсайдза йаба йхъа ауи ахъчы йыкви-  
 шатІ. МачІкІ йгвы йырбзира йтахъыта,  
 цшзынайырхан, араса йайхІвтІ: «Уа, Даду,  
 цвы уымрыдзын, апсра ужвыгъи уара уп-  
 ны йгъгІамдзастІ. УзихапІ. Уара угІазри-  
 квиз ужвыгъи адуней йыквыркІвапІ».

Быда, йпа йажвакв анйагІа, йхъа  
 мачІдзакІ йгІащгІихтІ, йщгІайцІахын, амш  
 црыхъвашуа апстхІва квайчІвакв, зны  
 йрыларымхІвадзакІва, амара штшырчвгІа-  
 цІнарышвтуа апш, ауи азгІва йыкву йала-  
 намхІвадзакІва дачвпшвырхъыччан, араса  
 лжяуап айтхтІ: «СычкІвын, кІара уалма  
 уара ауаса? Уалныс закІы гызхІвам. Амш  
 цхагІвыта тшкІвабара уанцара, тшуртІлаз-  
 тхІва зынла адзы уталныс уагІщитІ. Амара  
 гшануыршуа, адзы атшпы уъачІву, учгІвы-  
 чаквa рыдзхъа йгылу акъараба хъаджяджя  
 нщдза уыла йгІацІашвитІ. Гвы учпатІ. Адзы  
 уталын, тшукІвабатІ, угІатыцІхын, тшу-  
 гІвычакитІ, ауаса учгІвычаквa таштІу йгы-  
 лаз акъараба аджяджяра гъахым: тшъа-  
 дзаукІвабуз пшакІ гІасын, йхънарпІлатІ.

Абауи апшбыргта агІвычІвгІвысгы йы-  
 лайымхІвадзакІва йынцІра ацІыхъва йан-  
 надзауа щардадзапІ. ЙзынкІва сара сад-  
 нагалхятІ, агІвычІвгІвыс тшикІвабарныс  
 адзы дталта, дахъварата дгІамырххуа,  
 ажвгъыр чвгя йашІу арахв гІахъынзырхІв-  
 ныс йашІалыз, йщапІы йыцІгІвзта, абыхъв  
 хІагІа дташвауата дхъвашауа, ауахъ турых  
 йхІвата дщгІалхта, цІыхквта йгІайахвыз  
 азгІва йыквнамыршауа. Ауаса йанаъазара,  
 агІвычІвгІвыс йаджяль йыкІва йта дны-  
 къвитІ. Ауи апсра ахІба-айцІбарала  
 йгъйызгІайуам. АгІвычІвгІвыс йынцІра  
 шайшысу йдыруазтын, ауи адуней дъадза-  
 кву йынцІра хвагата йщтира гятахъым,  
 йыцбзазауа ауагІаква бзира рыщтанкъви-  
 гара, дызкву адуней шпщдзахуш дазаба-  
 кІра—ауи акІвпІ агІвычІвгІвыс даъазара  
 шатахъу. Ауи йапшу йгъынцІракІым йыму.  
 ЩардапІ. Ауаса ауи ауагІа чвгярала дры-  
 щтаныхъвазтын, хІарамчра, зальмыгІахара  
 хъара дачвымгылуата даъазтын, ауи йни-  
 цІыз анцІра гъынцІрамызтІ, дуней рыхъва-  
 щган. Ауи йапшу агІвычІвгІвыс йакІвпІ  
 адуней хвагата йыквыз, йпсра ангІадзагъи  
 йпсдзас. Сара, сычкІвын, адуней съадза-  
 квыз, мачІ-щардазтынгыи, снапа квайчІва-  
 рата йазалуашта чІвырхъа гятысымптІ.  
 ГІвычІвгІвыс бзира йзысхара ахъаз кІара  
 стлакІуашта скъару сгямайгъдзатІ».

Быда йпсып цІолата йтайган, дгІалала-  
 гахтІ: «Сара ужвыгыи щарда уасхІвра ста-

хын, ауаса ауыла салгитІ. ЙуасхІвызгы, ауасхІвуашызгы, йзуасхІвызгы, сара пствыгъапІ уара йгІаугвынгІвырныс»...

### 3

Быда, йпа йапшдзата, йпхІвысгы йыл-  
хызыта дгІайырчІвалын, уасят лзичпатІ.  
АммгІва йрапшымкІва ауат рпазаджвыкІ  
шарда йналымгуа унагІвара дшалалжьюа-  
шыт, йылтацахауа лпхІакІ лацкІыс рыцІа  
бш дылбауа, дылбжярныс, дылхчарныс,  
чш лтаци нцІрата йрыму амгІва тараз  
лаццыргуш йыквылжъра. «Баргы саргы  
лдуней апны хІыла гІахъхІтІрыквын, йы-  
гІбушта йхІыму ауи азаджвзаджвыкІ йа-  
кІвпІ. Сара абар, ужвы йшббауа апшта,  
хІызгІвымсхуаш анышвынтара амгІва  
сыквпІ. СашІпогІауа йзгазтІхІва, сара ауи  
йыхайыр салапшуашта йгъгІаццІрым, ауаса  
бара быхъвда багъята йнахъасцІитІ, гІвы-  
сквша-хысквшакІ рахІа ахъымцІуа, ауи  
унагІвара далабжъярныс. Ауыс ауи апны  
йаннадзара, рахІаггы сызлабыхІвауа, бара  
бхъылхитІ-хІва, йара йпсы бзи йамбауа  
аджвы дгІайбымрыгын. Абазаква йнахъата  
цІас пшдза бзи шарда хІымапІ, ауаса, ауат  
пбзиква ракІвымкІва, йхІылапІ йамуа цІас  
кьомкІ. Ауат йамуа ацІасква йрыуа за-  
кІыпІ — бзи йабамбауа гІвыджъ хъапщы-  
лата йазучпарныс. Сара йшазызбауала, ауи  
иш уыс ухара аъара гвнахІ ду зпщылу аъа-  
га йгъгІаццІрым. ЙшпакІву ухІварыквын,

ацха щцхугъи, агІвычІвгІвыс йымгвапхары-  
квын, йтамакъ йгъизкІылгум, бзи йымбауа  
агІвычІвгІвыс дйыцбзазара, — йабаъу! —  
агалагъи рыца йхІатлапІ. Сара сынцІра  
апны щардагІвы срыднагалтІ: бзи йаба-  
бауа ачкІвыни апхІвыспи рылахъква ан-  
швалта, ракъыль аквшвауа, мшкІы ацкІыс  
мшкІы рбзибара шыцхауа, ауи къару дугъи  
гІарнатуа рынцІра апны баргвырата йыз-  
шІашвалакІгъи, рбзибара акъару ауи йа-  
пшІагылырквын, хІатлата йырзамылуа,  
агІвыджь рхъыгІагъи, ргвыргІварагъи аза-  
кІыта, йрызбжю абзибара йгІалцІла, йахъв-  
лапшрыквын, ргвы йту ажвадаъа йабадыруа,  
хІвапсагІвата рынцІра ацыртауата. Ауат  
йрапшымкІва датшагъи срыднагалтІ: зына-  
сып аларцІушыз ачкІвыни апхІвыспи зын-  
гъи йабамбаскІва, йгъи, йрымцІгІауа, раба-  
чва адгылта, рнакяхІква ргІвуа. АчкІвын  
датша пхІвыспакІ бзи дибауа, апхІвыспагъи  
датша чкІвынкІ бзи дылбауа. Дара ауат  
агІвыджь бзи йабамбауа ацырцІата, мчы-  
ла йацдырбзазауа. Йшпацбзазауа ауат?  
Ауат аджв йхъыгІа аджв хъыгІата йзамы-  
луа, рагІа намдзаскІва йшлауа, адуней ала-  
шара лащцарата йырзалуа, насып зыр-  
хІвауа рымдыруа, рынцІра хІатлата йыр-  
гауа йацбзахитІ.

ЙсгвыгъапІ, йбдырырныс арат збас-  
хІвуа. ЙстахъыпІ сара, адуней йгІаквыз-  
жъуа сычкІвын заджвыкІ бзи йбауа йгъи  
дгІазбахуа апхІвыспа бырпырамсырныс.

Ыда йуасят, йара йшихІвадзас апшта,  
 йнхІвыс Фаризат йлырхъйатІ. Аслямбаць,  
 сквш гІважви хпа даннадза, йара бзи йбаз  
 йгы бзидза дгІазбахыз Мадина дизІалгтІ.  
 Мадина лаба Қъази Фаризат лапш,—«млы-  
 кыла акванайква сгыІархъшвушым»,—  
 йхІвушта йуыс ауи бырг йыквта йгыъа-  
 мызтІ. Зынціра чрынламца йгІазгта, жвыкІ,  
 гІвба-хпа уаса агІылахІва йадызкІылта,  
 шахъ-гІахъуа, йбжадзамкІва зхъа зырбза-  
 уз аджв йакІвын. ЦІабыргыта, йара йгІвы-  
 ща гІауахвырквын, хІарамыгІа дукІ дгящ-  
 тамызтІ. ГвыпкІ зны дрылашваргыи, йара  
 йгІайзынарху ажва дпхащауа джяуап айт-  
 ара акІвымкІва, агвып рквта йгІаталуа  
 ажва щарда йара йчІвыта йрылалуаз ма-  
 чІдзан. Ауаса ауи йпхІвыс КІвына шІала  
 лара лапш жвагІвыкІ дрызхъарын. «Лац-  
 кІыс хабар нкъвгагІвы акыт дгътам» —  
 ухІварыгыи, мцы уымхІвушта акІвын  
 дшаъаз. АпхІвысква, зджяра йалачІвата,  
 мьартшхъвара джвыквырціазарквын, аба-  
 раць лара йырчвгІатылгун, ауахъ акыт  
 йгІатшаз ахабар ащымта зымгІва рапхъа  
 йлымдыркІва амаль гямамызтІ, ауи,  
 чІвгІва ахъалыргылта, зджякІы йралхІв-  
 хынцікІяра, лгвы гымчІвузтІ. Ачвгяра  
 ауыслагыи дгхъвыдамызтІ. Акыт ауацІа  
 чаражвра, таца надылрата йгІатшузгыи  
 айхІара лара дырхъвылахун. Ауатква рпны

йылхІвуш ажваквa рыхъазла хъара дгы-  
 мъабузтІ. Цабыргыта йухІвушызтын, ага  
 ауаса даъазтынгы, унагІва пхІвыс уысха-  
 ралагы лапхъа лыгвлачва рыуа шардагІвы  
 гылмыргылуашызтІ. Қъазии КІвыни хгІв-  
 пхІчва рыман: Щарифа, Аминат, Мадина.  
 Щарифи Аминати рлакта квпшыралагы  
 рхІальлагы раба йапшхатІ. АгІвыджьгы  
 Қъази йапш йгІвиквахатІ, рыпккъва сгІа  
 алачпата, ачважвара ауи аъара йазычпам-  
 кІва, ахъвмарра-хъыччараква ауи аъара  
 йхъырымхуа, ауаса ауыс хІатла ахара апны  
 раба ащайцІбакІ йапш йыцІагыла йыцын-  
 хун. Ауат йгърымдырхуазтІ, унагІва йна-  
 шылнацІкІяра хъвмарракІ апны йалата  
 йгІахІвырныс шапІы гІаквыргата. РхІабля  
 быжькыткІ йгІатыцІыз сас зднагалуа  
 хъвмарра ду гІаншарыквын, ауи йхънам-  
 хуа, — «ачІвыя ахъвмарра йгІахІнатуаш,  
 ауи ацкІысгы хІщтІалхта тшпсхІщары-  
 квын рыцІа йагъьпІ, уачІвгы щажьыта  
 хІаба БалтачапгІан чвагара хІйыццуштІ»—  
 хІва йщтІалхуан. Ауат ргвы шардала йгІа-  
 нагуан: «Асаразйан, ауи шпаъу, акыт рхъа-  
 чва ЧІаушІапшуа, уымпхашауа, ауатыкв,  
 угІаталта угІахІвырныс». КІвына шарда  
 Қъази йымалжІуан: «Нхара, нхара ухІвум-  
 ца, акыт рыхІвса йрылухтІ. МычІвта йгІа-  
 нужьтІ, рылахъ йгІацІуаш щачвпынцІала  
 уапыраситІ». Қъазигы йара йхІвауа дгы-  
 квымцІуазтІ. КІвына дйыркъванчауа, ла-  
 жваквa араса джяуап ритхуан: «ГІазим-



кирим, апхIвыс лхъабра ауызтIхIва, лакыль шайшысу» зхIваз йахIа аджвы ажвацабыргы шимхIва. Ужвы бара йшгIабгвынIвуа ауи акIвпI. Акыт рхъачва ршIагвалIвара йгIатапшуа, ауатыкв йтагыла йгIахIвы-йкIвашарыквын, рыцIа ласы рылахь IаццIуашшва. Мо-мо. АгIахIвра йязычпуннымхахъаква, агвшIыгъбра зхъа тнацауа ахIчви агIымстачви ракIвпI. Сара сгIазлыцыз атлапIкъ анхара йязычпата, рпхдзыла ичухуа йгIамгIвайстI. Ауат ауи ахIа тшпынхIва рмауыргIатI. Сара бара бшпагIазг? КIара сбыцгIахIлма момкIва бгIасрыкIвашама, «бсыцгIай» — хIва йбасхIлма? Чвагара саъата сшгIайхуаз, сашайцIба СагIид днаспыралтI, акыт гIвына сгIамдзаскIва сгIашIайрысын, йгIасайхIвтI: «Уа, Къази, ужвы акыт... ЙымхъвлакIва унаталх гяуашым!.. ПхIзыс дузгIаргатI. Течара уъацушгьи Муса йпны акIвпI. Лара атаца КIвынагьи хIахщапачва ДубабргIа дадыргалтI». ЗакIгьи сымхIвауа, йсхIварагьи зымдыруа, къомракI сгылан. ЙцIхъвахуз, гвы счпан, сицIгIатI: «Дзапш КIвыная йсызгIаргыз?» — «Йауа МысхIваджь Къамбот йпхIа КIвына дгъумдырхума?» — йхIван, джяуап гIаситтI. ЦIабыргыта, хIани хIаби йырхIвауа йгIасгвыквыгIвхян, унагIвара саларжъра шырмурадыз, ауаса ауи атшын даргьи закI рхъымгауа саргьи закIзаджвыкIгьи сгвы йтамкIва щажъдза сгылын, чвагъвара сцатI, амгIва сшыквыз

сылахъ гІацІын, бара аңціра ажва басым-  
хІвскІва бсызгІаргатІ. Ауатгыи ауи йапш-  
быргпІ рылахъ шгІацІуаш!»

Щарифи Аминати рылахъква раба Къа-  
зи йшихІвадзуз апшта йгІацІтІ. ЙахІба-  
дзас Щарифа ацІгІара гІваца «тахІа бцара  
бразума?» — хІва длымцІгІауата, гІвыч-  
чІваракІи гІвжвчІвыскІли ХІатыжвкъвай  
дауата черкес хъаца кванайкІ, апхІа  
йгІайгыз йпхІвыс дпсыта гІвысабичва  
гІзачІвыта йызмаз аджвы дййтатІ. Щари-  
фа йылхъацІахаз зджяра дгІанымхауата  
дымчын, ауи йнахъата гІазаб лйырчакъуа,  
атшада апшта дацІахІвата дыйырхун,  
лчгІвычала дхІвайдата, лымгва азна лфар-  
ныс дахвитымкІва, ауахъ шагІанцІакІ лхъа-  
ца мчы дгІалабашта, атшын ауи лгвы йгІа-  
тнацахырквын, лыладз къвадамаква лзым-  
кІуа даналагара, ланхъва чвгя, — «ачІвыя,  
абаза лага, бызчІвыуа, йбыцІамдзауа бѣат-  
хаджъчвауа акІвма?» — хІва дгІалыквгІвы-  
дмыдуан. Ауи лпа дгІадгылхырквын, бзы  
йзылгауа, дизгънанауа, — «сара ауралагыи  
амцаблыра апш абаза таца дсаура сачвры-  
хІун. Абар дгІаугын, сунатІва дгІатІвна-  
уырчІватІ. ДзачІвыя йгІатІвнауырчІваз?  
МшкІы лыла хътІыта дгыгІаупшуам. ХІай-  
да учІву, усаугъыщ. УгІапшы, ари хІуна-  
гІва дыгІвната хайыр кІара гІащылуазтын,  
йгыи йубапІ ауи хІштлапІкъ абгу хІылгвы-  
цІлымхуазтын. КІас хъыхла суыхІвитІ, ауи

аула ари сыла даумырбахын я, адзы дыр-  
гата, лабажв дйыкврышвх, мо ухІвума, ауи  
лбжя». Жьыхъ змам атажв дамхІваргьи,  
ша Щарифа лчва дтайхырныс йхъвы гьта-  
музтІ. Щарифа лынцІра шарда гямнам-  
лахтІ. Ауи джванхатІ, дхІатлата, лхягІа  
гІшымызкІ ахІа атахъыхымкІва, агвакъвпра-  
лггатІ.

Къази, Щарифа лапш быргта, Аминат-  
ны жвауасакІ чмата йгІалтнихуа Сасры-  
кьва АсхІад дйыйтатІ.

Аминат йланхъвахаз Бабыщ Щарифа  
ланхъва чвгярала гІвмачвакІла йылхъыл-  
пахуан. Бабыщ, Аминат лыла кІыллырпшта,  
баста гьлымфузтІ. Лтаца дихънылкъялуа,  
ша АсхІад шардала дйайсуан: «УхъацІума  
уара, хъылпа ухъазтІхІва. Момо, йгъхъы-  
лнам уара йухъу, класыпІ, ауи апхІвыс лы-  
класыжв акІвпІ. Йахъа дсырхъвыхын, уара  
чагара уанкІыдыл, йгъымшастІхІва, лара,  
ачварта шыц-шыц дылалхын, дычвхтІ.  
АпхІвыс лхъацІа шарпныдза дгІадымгы-  
лырквын, ауи дгІайхнацІкІяра, лхъа хъчы  
алырба дгяхвитым я йымшаскІва ахъацІа  
уыс йхарныс дгылма—ларгьи далгатІ лычва.  
Ауи алзымцауа ахъацІа йацкІыс класамс  
акласамсква дгърылам». Ауипхядзагьи Ас-  
хІад, Аминат йакІвдзамла дылщагІалуанта,  
ляжядъа длайсуан, ауыс бкъарала йанщтІа-  
цІахузгьи шардадзан.

Ауасамца мшкІы АсхІад, йащайцІба  
Ільяс дгІайыдчІвалын, араса йгІайайхІвтІ:

«Суыс закылагыи йаламкыва йгыи ауи апш  
ажвала айцба ахба дшыдымгылуа зды-  
руата, йауашта йаъазтын, гывба-хпа ажва  
уасхвра стахып. Кыванчагла алата  
йсхивузтын, суыхивит, хлащахба, йакымы-  
рата йсызниуа сзуыргварныс. Сара сызкв-  
чважварныс йсгвыгъу хлтаца Гващъан  
лаквп. (Апхъала атаца лпхвыспа хзыла  
йлымпхяуа хзы лыхырцун, Аминатгыи  
йлыхырцаз Гващъанын). Ауи, зджяра  
йганымхауата, хлангыи уаргыи швылзычв-  
гяп. Лыла кылшвырпшта баста гышв-  
фум. Йакывугыи йакывымгыи рыхъаз швыл-  
щахалит. Хан лхлаль шауу уара йудыр-  
дзахит. Ауи хлтаца лхъабрала хыкыдыгв  
лпсарыглатта, уацыхъвангыи лгвы дгна-  
дзушым. Уаргыи, ауи зак лхивапхядза,  
жыхъра ткъвым уымамкыва, ачв заза уыз-  
ламсуаш абацала улысит. Йшудыруа апш,  
хлара хгьтгачва чкывыным. Хлара, алах  
йбзирала, пщгвайщчва хнадзит, хлан,  
хлаба. Ауат зымкыва хынкъвгара гыуыс  
майрам. Ашыячыва апхъа дгагылитта,  
джясы агвснацкыяра, хъащтых лымам-  
кыва, атаца уыс лхит. Хлаба дхылата  
хвыгв хъачва хламгаква квымрышвуа  
мшкы гыцум. Хъвлапныта айщчаква  
хиджвыквырквын, аджв джясы, аджв ар-  
баква гван йаншырттра я шарпны найгв-  
гъауата хлангладгылхуа ганшит, ауипхя-  
дза лара дхызпшуа дчивап, ауахъ дым-  
чвуа, атшын луыс даналагахуа шардадзап.

Шта, сара йшазызбауала, агІвычІвгІвыс,  
пхІлгІхІва, ауи аъара хІатла йыквуцІар-  
шыс швабыж йрыцхІагІачвапІ. Ауи гІаза-  
та йылбауа рахІагъи йархІатлитІ хІан  
ажва гвауаква, уара, уудын мчы. Суы-  
мІитІ, ари атаца дгІазлыцІыз гълам, гІвы-  
чІвгІвыспІ, хІангъи уаргъи гвчІагІв мачкІ  
тшшвчпарныс».

Ильяс АсхІад йапш быргта йангъи йлай-  
мІвгІ. Ажва гвауа щарда гІайыквылхІва-  
шатІ йгъи ауизжътара, зынгъи йапшым-  
кІва, лтаца Аминат рахІагъи дылзычвгя-  
хІтІ. Ауаса, мцыра аламкІва, АсхІад рыцІа  
Аминат гвчІагІв лзичпауа, дылалысуаз  
йкшага лаба зынзамызадзакІ ахІа йгІа-  
цІимхуа дцатІ. АсхІад йнапІы акшара  
луысла йшляляхаз Бабыщ гвы алымткІва  
йауазма, ауи къазауат ду гІалылщтра  
ацІыхъва дтагылапІ. Ауи, акъвыръан гІа-  
лахвын, ныха лхІвауа, даквсуа далагатІ, —  
сара ауи АсхІад йпхІвыс дылисмырщтуата  
адуней сшгІаквымхара-хІва. Ауаса ауи  
яшыра дшалаз, лаба йаща йпакІ дпсын, ауи  
ахІалябалыкъра даналашва, ныхахІвара  
ззылчпаз рыцІа йылхъткъятІ.

Ильяс ауи швабыжта дахъгвыргІвун.  
«ЙачІврыцхІагІарая, ари апш гІапсара ду  
уыквзара агвахъахъ, ляжя уымамкІва уы-  
лырщтхырныс ныха ахъырхІвгІауа убззар-  
ныс».

ЗакІгъи йапшымкІва ауи рыцІа йгвы  
йыцІалуаз ФатІимат чкІвын лакІвын.

Йлызниуашя ауи асаби, атаца дджвыквыр-  
цахта, лабаргІа длыцылга йамуа, арыла-  
гы ажва хъагІа лазхІвуаш даъамкІва  
дгІанхарыквын?

Ильяс, уахъыкІ. йащахІба йымхІара  
днашылын, АсхІадгы Аминатгы ари апш  
уыс рхарныс йрайхІватІ: «ШвгІадзыргІвы,  
стацагы сацагы. Дыжвбума ани ачварта  
йылу асаби. Ауи йыбата дгІаныжвымжъын.  
Ауысква сшрылапшуала, ауи лани лаби  
шабгу йыбата дгІанхарныс йшварагІварапІ.  
ХІан лабаргІа дъагІайхыз, акъвыръан да-  
квсуа йылхІваз аныха шлымжюш ацІыхъа  
дтагылуаштІ. Айшыста йухІвушызтын,  
йылтлакІбуата швгяцлырбзазушым. Ауаса  
йанаъазара, сара ари апш гІамаль гІа-  
схъвыцтІ: уыхІкъвыцІта, Гващъан лгІазаб-  
гы далугара, асабигы йыбата дгІанум-  
жъра. Ауыгы ауаса тагын угъкъвырцтуа-  
шым. Сара ауи ахІатырла, — АсхІади стэци  
йшакІвымла йсзычвгяпІ, ауат агІвуджъ  
рыуа аджв дтшкІарата, акІядыгв снатшкІа-  
ралх амаль гямам, — схІвапІта, стшкІары-  
цІауазшва тшысчпапІта, гІвымшкІ-хымшкІ  
раъара хІунакъващкІа рпны саъазлапІ.  
Ауи ауакъвыс амца аланацІапІ. «СычкІвын  
айцІба дтшкІарыцІта адуней сгІаквху-  
ма!» — лхІвапІта, Гващъангы уаргы шва-  
цыта швацгварылцапІ. ТІакІв швгІапсары-  
гы, алахІ шшвирбзазауа швбзазапІ. Уара  
йухІвуш здыритІ: «АуагІа злагІаспшуаш  
йамгІан напая?» — хІва акІвпІ. Ужвы ууыс

квула, ауагІа йырхІвауа йгІаунатхра  
тыам. Йудырума абаза ажважв: «АуагІа  
шдыррджята, утгІачва гІза». Ауи акІвпІ,  
саца, уахьчІвала уара ууыс экву.

Ільяс, йтаци йащи йгІартуашыз аджя-  
уи дазымпшуа, згвы мгІвауа ачварта йыла  
шыцта йычваз ФатІимат чкІвын ба лай-  
шын, ласыта дджвылцІхті. АсхІад, ауи  
шыцта далагыла дджвылкъязтіхІва, йа-  
быу, Ільяс антажьгыт йайщчвакви йаби  
шыргІуш апш, — «Уа уии-уи, АсхІад  
пхІвыс ддылалын, гІвимхІвас гІасайхІвтІ!  
АбацІи пхІвыси тшкІарата, сара ари акІя-  
тыгв гІатшкІаралх гьсымахым. ЙуыргІа  
ауи, саба, йшшвыргІа ауи, бзи йызбауа  
шйщчвакв... Ауи уахьчІва сара йсхъазыз-  
ын, уачІвы швара йшвкязупІ!» — дцірын,  
мІварыгІвла аурам дбжялтІ.

Ільяс йшихІвадзаз апшта, гІвымшкІ  
рахІа йнамихуата, АсхІад дкъвырцатІ. Ауи  
шщгІвайщчва рымлыкв ршара анатахъха,  
АсхІад чмата йзыртийыз алырххын, кІва-  
кьакІи хъвынчІвыкІи рахІа гьгІаймадзатІ.

## 5

Къази йпхІайцІба Мадина лахщахІба-  
чва Щарифи Аминати квпшыралагьи хІаль-  
лагьи закІыла дгърапшмызті. Мадина зым-  
гІвалагьи лан дылшІырпшын. ЛшІахъа  
шкІвокІва лан лшІахъа апш йпщдзан,  
лыпІкъ алачпан. Ачважвара ауыслагьи  
дзайгвышхвауа йпны, закІгьи, йгьгІалмыр-

лялюшызтІ. Дызту ахІабля апны хъвмарра гІаншата, далампшуа йаналуаз гышардамызтІ. Акыт йту ачкІвынчва ныжъхта, сасчва псатлыхв лызгІайта, платла ауырала йанджвылылштхуазгыи гІаншун. Ауасамца, Аслямбакыи Мадини аштата ахабар гатІ. Ауи апш хабар анГІага, шІакІ йГІатыцІуа шІашвкІ йталитІ-хІва, ауаГІа ршІа узыкІуазма, Аслямбакь йан Фаризат лпны йнадырдзатІ. Абыз нкъвгара йязычпаз ашардаГІв Фаризат лпахь Мадина ддырджяуа йалагатІ.

— Анчва, Фаризат, Аслямбакь ауи дГІайгуазтын, швабыжта дшГІващауа. Аслямбакь бара дыбпазаджвыкІпІ, аурала дбыргІачІвауа дГІамГІвайстІ. Йаба Ыда йыхъызГІваца зхвыя, жвларакІ дырпсан. Бара ауи атакІвхпІ. Мадина лани лаби байгвархарныс йырмаГІаныя? Къази, Мадина дызпхІу, йамГІа аштхІва таразта йшІайхІвата ауаГІа дрылалуа аджвгыи дгымбатІ. РахІа йайчваху лан КІвына лакІвпІ. ДызшІыся ани ахъачважва? ЛкІалта цкята мшкІы лапш пхІвыскІ дгълыдымгылтІ. Мадина, дГІазрийыз лани лаби дрыГІвста, дабацуш? Ауралагыи ажважвта йырхІвитІ: «Ан уылпшыта, апхІа тацата дГІаг» — хІва. ЙшпасаркІву ари ауыс апкъяра атахъыпІ, — хІва шардаГІвы Фаризат бзы лызгІаргуан.

Фаризат зныкІ ахъаз абыз чвгяква йГІархъыцІуаз ажва гвымхаква лгвы швабыжта йакъвдырпуан. «Йшпасчпауа ужвы,



Аба уасятта йчпаз пстшыта, ари аъара йдырджяуа дгайсымрыгуа дапскъярыма?.. Момо, йшырхъвауа дайчвазтынги, Аслямбаць бзи дйбауата даъазтын, дапскъяра алахІ сачвихчатІ. ДгайсрыгпІ. Самечуа, кІара гІалылцІдзахуашта йаъазтын, сгвы йшахІвауа дызбжяпІ. Йгялрым, агІвычІвгІвыс йшатахъу апш уйыдгылта, йшутахъу апш дузымбжюшта. Амшв шымшвугыи йшыртахъу апш йырбжытІ».

Ауаса, шІас амакІва, аджв лацкІыс аджв рыцІа йацылцІахуа, абыз нкъвгагІвчва лызгІайуан. Аслямбаць Мадина бзи дшибауа Фаризат хІакъта йанылдыр, бзи нкъвгара йлызгІайквас драйсуга далагатІ: «БжаракІ йыламкІва, цІбакІ йыцІбамкІва, гІвычІвгІвыс адуней ахъахъ дгыквым. ХІара хІызлакъванчу ачІвыя? Дасу хІара бжарата йхІыму гІымбауа, йхІыцІбакву гІымдыруа, анахъ рыцІа хъара йгылу йбжаракви йцІбаракви шІа дула хІрыквчважвитІ. Дзапшыя араъа цІбакІ зцІбам, бжаракІ змам? Дасу ауи апш хІбжараква гІахІпхядзауа хІалагарквын, ауи уахъчІва ляжядаъа шІала ахІвынчІвы йылхІхІвауа Къазии КІвыни рцІбаква йгыи рбжараква рацкІыс йымшардахузтын, йгьмачІхарым, ауаса ауат хІара йхІчІвыпІта йгьыгІбум. Йырляжю ачІвыя Къазии КІвыни? Йылляжъая ауат рпхІа Мадина? Ауи ужвыгыи лгІвыра дгьтымцІстІ, дубжярыквын, ужвыгыи йутахъу ахІалъ узлылацІахуаштІ. Аслямбаць

бзи дибузтын, ларгы дгІалбахуазтын, закІгы, йсылапІ, йспсыпІ, дгІайгыргІатІ. Рылахьква ананылрагы, алахІ йадиражвылыргІатІ. Ауат йрыжвуаш адзы гыгІацІымцІстІ. Сара съадзабзу йстлакІуа гІанызымжьюа, йсхчапІ йгы йызбжяпІ».

Фаризат дацІадырсыгыра ахъаз, бзы лызгІазгта, арат лажваква загІуз джясахъвадзата йырзалуан. «Ауи шпаъу, йгІалхъалума. момкІва лакъыль лыжвхма, лара дкІважвамызтІхІва, акъыльли намысли ауат рапхъа дымгылуазтын рцІыхъва дгІаамиуа, млыкв ду лымамызтІхІва, ауи зтенгызу рацкІыс рахІа тшылрычІарацІауа, тхаджъымгІва лымгІвата дбзазузтын, лпа йакІвызтын, дчкІвынызтІхІва, зымгІвагы, — «уай, уай Быда!» — дзырхІваз йаба йтара дтагылхызтын, йгы, напІымдджвала уихъысырныс угвы йамуата, дхяпщызтын — гхІыздырам, адуней ахъахъ Къазийыжв йпхІа тацата дгІалгра гІазлылхуа» — хІва йыззыргари йырхІвари рымдыруа, рхъагвы йашуан.

Згвы цкям агІвычІвгІвыс, ацныхчылра йгІалихта, щардала йгІаншитІ, йара йапшта йаргван йгылу насыпкІ гІайпыралуа йаналагара, хъачІвых йымахымкІва, ауи йщахІарныс дапырахитІ. Ауи акІвпІта, Фаризат абыква лызгІазгыз айхІарагІв рыпхІчваква ауи йылтацахара ртахъын. Йырмаурадыз рзаквшвушшва йанрымбарыз, «уалаъамкІвагы йуызшанда» ахІа рзымхІва-

хуа, чвгярата йынкъвыргаз рхъвыта йгІан-  
хахуан.

АзбжагІв рычвгяхІвара ляжя змамыз  
Мадина лан лахъыла йдыркшатІ. Ауат  
КІвына йылзырымхІвауая: «АнцІра ауи  
ауыс Фаризат дгядымгылрызтІ, ауаса да-  
дзыргылыз КІвына лыхъвшвхъвымгараква  
ракІвпІ, Фаризат лшІа хъвымгарала йыл-  
кІытІ»,—рхІвун. АзджякІгъи ауи кІара ата-  
цырцІахуан: «КІвына хъвымгара хара ахІа  
дгязычпамма, йара лара лхъатала дуыдпІ.  
Ауи йахъа агІвымсарга тшы-тшыта дакв-  
чІва, джясы анагІвс амщтахъ аурам тшвала  
дбжъыкъяуа дырбатІ. Дырдырта йанлыщ-  
тал, цыгв квайчІвата тшылчпахын, лцІы-  
хъва йштагылаз Фаризат лхІахъвгвара  
дырчвкІылсын, ауаъа тшылрызтІ. Ауи  
таразпІ. Ауи апшта дызбаз агІвычІвгІвы-  
сква, адуней йгІаквлын, мцы гърымхІвастІ  
йгъи йгъырхІвушым»,— хІва.

АгІвычІвгІвыс, джягІвагІв анищардаха-  
ра, дызлаъам щарда йызкв йкІыдлитІ.  
АхъязыкІ йгъырхІвум абазаква: «Уызта-  
хъым дзгъычта уичпитІ». Ауи атлахан,  
лпхІа Мадина лхъкъячІвыла, КІвына йлыд-  
мыз щарда нкъвыргазтынгъи, ари азын  
бзи йабабуз Аслямбакыи Мадини рынасып  
гъырзалымхтІ.

Йызбаз йырзиджямщахуата, Фаризат  
лтаца лыхъаз гвыргъяра ду талцІатІ. Акыт  
апны рыцІа кІара нызцІхята йтаз йырхІвун,  
Фаризат лтацанадылра апш сасчва щарда.

йабызшвакым уагла шарда ъаднагалыз акыт апны зынгы йшглатымшас.

Фаризат лтацанадылра йалаз ауатыкв йтагылаз абаза гIвацаква йгьырхъазымызтI. ЙгIаднагалтI ауаѡа черкес кытипхадза дгIатыцIта сасы, ауат йрапшбыргта йгIайтI ймачIымкIва анагIвай сасчва. Йаѡан ауаѡа ауат асасчва рацкIыс йсасчвахта Къабардпщ, Къарча, Ляба, йгIатыцIта. ЗакIгы йапшхымкIва йгыи ауи апшрыцIа мачIта йгIаншауа йалуата, Фаризат лтацанадылра антахъгыт атацанадылраква йгIарылызкIгуз ауаѡа урышв шардагIв ѡагIаднагалыз акIвын.

Цабыргыта, ахагърыяквagyи асасчваквagyи йрыуата ауи ахъвмарра йгIаднагалыз дагIмстата, дахIыта я йахъцата дбаята аджвгыи дыгърыламызтI. ЗымгIва зпхдзыла йынхауа, йчахуа, ауаса знамыслагыи зъадаблагыи, ахI, агIмыста, абая йапхъа йымгылуазтын, йцIыхъва йгIамиуашта шардагIвын.

## 6

ФатIимат лыпшдзара КъасехIабля рпынгыи йбергълын, йшпакIву ухIварыквын ари абаза кыти Къасей йпа йкыти йаргванын, абзазагIвчва аштаныкъвалун. Ауи апш зны хъвмарракI апны ФатIимат дызбаз СолтIан апхIыспа дигвапхатI йгьи тагвжвата дгIайгра йтахъхатI. СолтIан йаба дбаян, йаргыи ауи даладухун. Ймурадын

ауи, йґайшлатымштсківа, Фатимат  
дгвыргъяуа дадгылуашта. Ауаса ауи гным-  
шатІ.

— Хіара Фатимат тацата дыґгарныс  
хґайтІ, — йхІватІ Солтан йґвзачва  
дрыуата рыца йахІбаз ачкІвын хъабыжь,  
Аслямбаць тшизынайырхауа. Аслямбаць  
йунаґІва йызнымкІва йґайхян арат агвып,  
Фатимат йлачважвунта, йцахуан. Ужвы  
ауыс йара йпны йаннадза, Аслямбаць йґай-  
гвынґвытІ, ауыс цІхъва шачпуш.

— АлахІ-алахІ, дара йбзипІ. ДзачІвыя  
дыззыжвгауа? — дазцІґатІ Аслямбаць.

— Солтан. Уаляхи, дъалачважва гІва-  
цауа уайгвыргъушта шакІву аунаґІва  
шау. АлахІ йаґІвикъяхитІ, — йхІватІ  
ахъабыжь, йажваква швабыжта йаквйыр-  
чІвауа.

— Ауат сара йырзысхІвауа гъам.  
АчкІвын кІара гыйдсцІум. Ауаса сара  
Фатимат дъазгара смаууата суыс гы-  
квымта, лара хІылцІґапІ; дылтахъызтын,  
дшвыститІ, лыхайыр жвбатІ.

— ДзачІвыя апхІвыспа лтахъыра йаз-  
цІґауа? АхІбачва йырборчпІ, сара сшаз-  
хъвыцуала, апхІвыспа унаґІва бзикІ, бза-  
зартакІ даквдыршварныс. Ауи акІвхым-  
кІвагы, ачмагы маґІаныкІ амапІ.

— Ціаста йауу саргы йыздыритІ, сыч-  
кІвын. АцІас гІанзыршауа йгы йызрыдзхуа  
ауаґІа ракІвпІ. Ауи уызакІ. ЙаштаґІайуата,  
ауи йґалтнысхуа ачма сара салабаяхара

гьсмурадым. Ужвыгы зны йуасхІвигІ, лара йылтахъызтын, ачкІвын бзи дылбузтын, закІылагы сгылпырасуашым. Ауаса мчыла сара дскІыта дгышвыстуашым, ауи уыгІвба.

— Уара, Аслямбаць, ухъацІа гвыбзыгъапІ. ЙгІасархІвыргыи йгъхъасымцІарызтІ, пхІвыс акъыльла ушалу.

— Сара сбазара уыста уара йазуыму гыам.

— Ауи цІабыргыпІ, ага ауаса йаъазтынгы, ауыс хъацІа-хъацІа уадгыра атахъыта йспхядзитІ. АпхІвыспа лынасып уапыраситІ. Узхъвыц. ЛынцІра атуша-муша дылата, дагІвкъяхуа дбзазуштІ.

— Сара ауи ауыс шарда цІитІ сазхъвыцызщтара. Йутахъу ауи акІвызтын, швара швахІ Къасей йпачва рыуа гІалыщталыргІатІта, длымгвапхузтын, дйысымтырныс йысныхахІварапІ.

— Ей, Аслямбаць, КъасейыргІа рпны унамдзан. ЙхІтахъхарыквын, ФатІмат уахъагы дыгІгапІ.

— Ауи йшшвзаквшвауа. Сара спсы тата—дгыжвгарым.

— УыцІх бзихатІ. Сара ауи ахІата йуасхІвуа гыам. Уджяуап сгІазщтийыз сыгІвзачва йрасхІвхпІ, — йхІван, ахъабыжь дджвылцІхтІ.

— Уаляхи, Мадина, арат хІысасчва рщагашацкв шсымгвапхауа. Бцата, АсхІади Ильяси гІад хвырчвхІва.

Мадина данджвылці, Аслямбақы, йжя-  
гацата, ашвындыкъвара ацігіва йыдыз  
йтабанчы гІатихті, тІакІв дакврыцкян, йы-  
мъа йкІылайырпатІ, йакъамагы йыбгъай-  
цІатІ. «МшкІы сйын, мшкІы спсыхуашті,  
ФатІмат йамыкІв лызниуата йгъзурым.  
Луи ачкІвын дылгвапхарыквныз, ахъабыжь  
уагІвырсыз зынла. йхІварын. Йшаъула  
дгъылгвапхум. Чма йхІвитІ, ахІва нхада,  
йшпакІву сара рахвыла ФатІмат дшстиуа,  
къвырман уылзалті. Атуша-муша... йхІвитІ.  
Уаба йныс, ауи бзи длымбауата лпсы  
штынчра».

— Салямун гІалеквым! — Аслямбақы  
ахъвыцра дгІаликъяті йгІашылыз Ильяс.

— Алеквым салям, Ильяс, угІайгва.

— АчІвыя йгІаншаз?

— ЙгІаншаз ари акІвпі: ФатІмат  
лціыхъва йгІатагылыз акъабардкава рща-  
гащаква гъсгвапхум. Лара дцара гылта-  
хъым. Сара йгІасылагазтіхІва, сгядым-  
гылті, ауи мчыла рахвыла дстирныс. Ужвы  
йлымцІаспІхІва сшвитІ, ауи акІвпі уыз-  
гІадерыдыз.

— Ауи акІвма? Сара балахІкІ гІаншама  
схІван, сщапІква сшрызгІагуаз сгІайті.  
ЙыгІдыритІ ауат рхъацІарагы. Уаляхи  
ужвыгыи сакъама сшгІанамжяс. —

— Акъабардкава гІвыджь ракІвпі йна-  
дзауа. Йара ачкІвын—ХІашвткъвай Сол-  
тІани хъабыжь уагІвырсызкІи. Антахъгыт  
ахыгІв хІара йхІкытпі.

— УымгIапсан, закIгы гыгIаншушым. Ауат абаячва рыхъаз сара шарда цIуата сгвы гIашитI, йамуазтынгы сгвы абампIа тыхпI, — йхIватI Ильяс, тутын алайыр-швауата.

— АщарычIвара алахI хIачвихчатI, ауа-са йамуыхуазтын...

— Саргы йара ауи акIвпI йшсхIвауа, йамуыхуазтын..

Аслямбагы Ильяси йырчпуш амаркIуа апещ йъадзагIвначIваз, ФатIимат, дшым-щIыруаш апшта, лшIа кIара таргван, ахъышвла дкIылыргатI. Акыт йауата йгIа-гIвнахакваз, Аслямбакь йахщапагы дрыц-та, рбжы дута йчважвитI, уыста йгIаншауа хъыргIвара ахъаз.

СолтIан йгвып ахъышв йанкIылс, ала-ква ацIахатI. Йара ауи асахIат АсхIад йбыжьгы гIагатI. Згвы мгIвауа йгIа-тшкIаралыз АсхIад аухIвыспа дызгычта йгварцIуаз дгIарпшIашватI йгы апIа дты-рымштуата дхъваларкъятI. АсхIад йбжы загIаз Аслямбакьгы Ильясгы ахтышвт апшта, йджвылшвтI. ФатIимат дызгаквуз аджвырагIв рыцталта ргвы гымгIватI, ауи ахIатырла йхпахуз аурам апны ртшы уандыр йазпшуа йшгылаз йнаргвыквстI.

Ахъабжы Ильяси акъама тыхла йапшIагылтI. «Уакъама тацIа, алахI угIай-шазтын, щарычIвара гIанумыршан», — хIва Аслямбакь Ильяс тшанйыхъвцIайры-швбырг ахъабыжь йакъама Ильяс йгIайы-



лайцатІ. Ильяс закІгы йзымХІвахуата, йымгва йкІын, дкІахІатІ. Аслямбақыгы ауи йхвырта ъадзашІайхІвуз, СолІан йгвыпцатІ.

Аслямбақы Ильяс дгІаштІихын, йпны дгІайгхтІ, йгы агвашв дангІагваралх, АсхІад дщІлата дибатІ.

— Уа-уи-уии, къабардыргІа хІхъырщгІатІ, алахІ ауат гІайщытІ, — дцІрытІ Аслямбақы.

Щымтанамаз чпара йцарныс шажыы йгІагылквас агвладча лыгажвква Аслямбақы йбжыы рагІатІ, йгы, ауат йаштагылата, ауаѡа йнадзатІ.

— АчІвыя йгІаншаз?

— КъабардыргІа ФатІимат йлымцІасын, дыргатІ. Ари апшта лабагы лаба йашагы хІалякь рыларцІан.

О-о, алахІ йнагІалат рыквшватІ, ша дымрычІвауата апхІвыспа чкІвын дшпарзымга. ДзачІвыя йара дызгаз?

— ХІашвткъвайыргІа рычкІвынкІ, СолІан рхІвитІ, думдырныс ауаштІ, — йхІватІ Аслямбақы.

Ахвчва атдзы йнаргылтІ йгы ацІгІвыпІа кІарышв йыквырцІатІ. АсхІад хвырта гыйыквмызтІ, ауаса тшгымдыруазтІ, йхъаштахъ йаста гІаццІуашын, Ильяс йхвырта хІврахъшв аквырцІан, йаташІархІвахтІ йгы йунагІва дыргахтІ. АсхІад тшгІайдыхтІ, йгы араѡа акІвпІ ауи йгІаншаз ангІайгвынгІвы.

— Фатимат лыцта гымхайырхатІ. Аусы йадыруан. Абаяква лцыхъва йангІа-тагыл, алахІ йаджвра апшта йхъасцІатІ лыцта шымхайырхушыз.

— Ауди ляжята йлымая? АпхІвыспа чвагвымха лхъумрысын, — йхІватІ Аслямбаць, АсхІад дщаквикІра ймурадта.

— Момо, Аслямбаць, ауди ларгыи лыбыз ацІахапІ, ауат ахъагяжъква йрызхъацІа йауума?

— Сынчва йыхъызла ныха узыхІвапІ, Фатимат ляжя шлымам.

— ЛяжякІ дыквнахтІ йлыму аъара. Саща данлыквдзра, ацІвыя ауди ахІа ляжята йутахъу, — АсхІад йгвы акъвпитІ.

Фатимат йлымцІаста дшыргаз йгьи ауди агІан лаба дшырбкъаз, лаба йащагьи дырхвыта дпсхъыхуа дшыкву акыт зымгІва йыргІатІ. АсхІад йара йапшквас ргвы йзычІагІвтІ, ауаса абаячва хабаргьи йгърымбатІ. «ЙквнагапІ. Ауди ачкІвры йхъа зчвайымщаз ауагІва швапшыстІ», — рхІватІ, ргвы дырпсауата.

Йхпахуз атшын щымтадза Ильяс дпсытІ. ДухІа гІахвра йгІайззас райхІарагІв Ильяс ргвы дыцІалуан.

— Сара саща дызквыдзыз спхІа, ныха схІвитІ сыкІядыгв дшгІагваразымжъуаш, — йхІватІ АсхІад, адухІа гІахвчва дрылагылата.

— УашІас, йумхІвуш ухІвитІ. АпхІвыспа рыцхІа йылтахъымкІва дчІваггІуа дыр-

гатІ. Ауди ахъахъгы уара дурыхІарамитІ. Ари зсунатта йсыкву йшщаригІатым, — йхІватІ агвла лыгажв.

— УашІас, ахІварагІвацагы умхІван, йгІагатІ абыжъква.

Араъа АсхІад такІв тшщаквикІытІ. Апсы дыцІарцІата йангІагваралх, гвып-гвыпта йалачІван, къванчагІарала йжвагву абзазара йаквчважвауа йалагатІ.

— Адуней дъадзакву агІвычІвгІвыс рыца швабыж кІара йхътыцІырквын, данпсра джянат дцушта рхІвитІ, — йхІватІ Аслямбакъ йгІайыдзхъачІваз ачкІвын шІа. — Акъвыръан адуней уагІарата ахІвитІ. Адуней уъадзакву уахрат шбзихуш уашталра атахъыпІ—ахІвитІ. Абаячъва ауди йзащтамя, хІарампІштІ йзлабзазауа?

— Уа, сичкІвын, уара ушІаркІванІ ужвыгы. АцІабырг уазымпшгІан йгъуауашым. Ауат зымгІвагы алахІ йара йалиргахпІ, — йхІватІ Аслямбакъ, ачважвара йгвы йгІахъанамгылуа.

— Сара сшазхъвыцуала, ауди ауыс хІара хІхъатала йалхІыргара атахъыпІ, — йхІватІ ачкІвын.

— Аджвы йпхдзыла аджв дбзазауа бзазаща гІахІызтыз алахІ гъйакІвым. АлахІ адуней хІгІаквицІатІ — «швынхата швчах», — йхІван. Уаляхи, адуней зымгІва алазырпІатІауа дара ауагІа шракІву, — йхІватІ Аслямбакъ йхъадзгылаз ачкІвын.

— Анахъ амуъазин джжвбума, шва-  
шасх. Закі йшвыргіапІта, хІпсрыгыи хІы-  
цІарымцІахуа хІгІаныжввымжын,— йхІватІ  
Аслямбаць быжь щІакІыла.

Ари апш зджяра йайззапхядзагыи ауагІа  
абазара йаквчважвун. Ауат йгІаргвын-  
гІвуан ауи псахра шатахъу, рыцхІа-бая —  
хІва алых-алацІа аъамкІва, ауагІа йацын-  
хауа йацбзаза шрылшушыз, ауаса ауи  
йчпара шатахъу аджвгыи йгъйымдыруазтІ.

7

ФатІмат лнакыхІ згІвырныс йцаз, йа-  
ра Аслямбаць йахщапа, атацагагІвчва йыр-  
цхърыгІаз йакІвпІ. Чмата йгІайыртыз атш-  
гыи АсхІад йнайахвырныс йанимуы, йара  
йзыгІанхатІ. ФатІмат лыщта йгІатшакваз  
швхІакІва дута йылбун, йаргыи ланхъва  
анцІралагыи тшпынхІвата йдылтуан.

— Бара буагІвырлызтын, быщта ауи  
аъара гвымхара гыгІатымшарызтІ. Аслям-  
баць йакІвымкІва, баба лага сыхкІвын  
Сбыр ддйыргара ймурадын,— лхІватІ зны  
анхъва, лтаца лгвы дасра лмурадта.

ФатІмат йылхІварызя, атажв дгылачва-  
жвум. Ланхъвагыи ауи гІалрысабапуата  
йлалымхІвуа гыъам. ФатІмат лхъацІа  
бзи длымбара ахъахъгыи, атажв швабыж  
гвакъвпрата дылзалуан. Ауи тамамта йыл-  
дыруан, йкъва-йогІарыгыи, ари аунагІва  
шылбазартам, ауаса апхІвыс, лара-лара  
лхъацІа дкІалрышвта, дылцІхра йамыкІв

дута йъапхядзахуз йгІалціла, тшлырпс-  
уанта, закІгьи гьлымхІвузті.

ФатІимат лхъа амца йалата мызквакі  
йылгаті. Зны лхъаціа чвахра данца, тІакІв  
тшгІабылтті, йлызнийыз зымгІва дрыз-  
хъвыцхырныс дахадзаті. Ауи йапхъахауата  
ауахъ рыціа щажьыта дщІалхті. Ланхъва  
дчмазагІвын, ФатІимат лщажъ щІалхра  
гвы гялымтаті. Ауи ачварта данылалх,  
лхъазы лымхІара дангІагІвнаха, ахъвыцра  
тшалтаті.

«Сабадзагьи пхІвыспа наспынтшата  
алахІ адуней сгІаквиціая? Сани саби сыр-  
зымгІзауата, санхща сылгІзахті. СтахІа  
цара йамына гІахъшахъыціті. Ильяс рыц-  
хла йацкІыс гІвычІвгІвыс тынч, гвхъты,  
пхагІвы дгьумаурызті, сара ауагІвырсыз  
дсыквдзті. Саба йакІвызтын, хІарамта сич-  
паті. АлахІ йкІыдикъяті, йамудзахуазтын-  
гьи, «Ашв знапІыціагІвауа» йпа сйыццар-  
гьи, рыціа йагъын. ЗакІы акІвмызтынгьи,  
Ильяс рыцхла дабгазлушын. Сара лахъыда,  
сара наспынтша. Щта, спсыхнацікІяра, ац-  
хІашвы апшта, сгвы ззыхъшвашву сшпа-  
йыцбзазуш? Санхъва щта? А-а збжьи  
ачІвыла йгІацігІгІаз, атажв нажгІвыршы-  
дза, адуней хІадрыхата йслыргамыгІвитіи.

Щта йшпасчпауа? Йсамалья? Акытла  
хъынхІвыхрата йсыму гьяам. Араъагьи  
базара гьсымам. ЙсыгІанхауа закІыпІ:  
Пынджьиъ тшатхра! ГІвангьи сгям-  
пшырызті, ари сымгва йту йакІвмызтын; дъи-

зятпІ асаби я хІкыт дауата аджвы тІакІв  
слачважванда, рыца сгвы пшыхъ тасрын.  
Араѣа агагІвгы атацапІ, ауаса быжъкѣа-  
баткІла йыцашваз ацІасква, сгварцІырныс  
сгяхвитым. АлахІ йхІватагьи, уачІвы, щым-  
та, Аслямбаць тІакІв дгІайында! Аслям-  
бакъ, зшІа бах гІатымгауа ахѣацІа гвыб-  
зыгѣа, ура бзирата йсурбаз акІвзапІ йыз-  
бахуаш. Субандарыз сщцаквас: сылаква  
танахІватІ, снапІква агвццытІ, сквайчІва-  
лагІшвцахан, йсакІвта йгьудырхрым...»

ФатІимат ахѣвыцра дшалаз ачва да-  
гахтІ. Ащымта йатаркІвах ажвква лхятІ,  
квба дастІ, хІатыкъ лрыдзтІ йгьи атажви  
алыгажви лырчатІ, уадыргІвана—СолтІан  
йащахІбачва ртгІачва. Ауат жвицыгІв йна-  
дзун. Ащымтачара йшалгуз, ФатІимат ама-  
чваква лдджван, щыбжян рыхІазырра да-  
лагатІ. Рыуа згвы днадзарыда: «аджв  
йпхапІ, аджв йцІгІапІ, аджвгьи йгьхѣа-  
гІам», — рхІвитІ, мачІымхума йугвампахуа  
йыдуцІуш.

Ауи апшта, мшкІы ацкІыс мшкІы рыца  
йылчвхІатлахауа, ФатІимат СолтІан дйыц-  
бзасун. Ауи рахІа йылзымчхІуз ансиуахѣа  
лхѣацІа йамгІаква рахѣыхра, ауи йщапІква  
рпхдзы афгІвы гІалыцахІара акІвын. Ауи  
зайчвахугьи, йан закІ гІайалхІвырквын, ба-  
ра ацІапса йпхІа бакІвма сан гвауата йла-  
чважвуш, — дылщыхІалуан.

— Гвауа шпаласхІвуаш, санлмачважва-  
уазара?

— Сара йыздыриті, сбымуата бѣаглаз-  
ныз бѣа бхакиті. Бѣа квпигъвала йсы-  
жып, чвкІвры йглайрийыз. Ужвы закыла  
сан лгвы баста, бпсихъвда пскъып.

— Йпукъытагы, ари глазбта йсыкву  
слуштында, — лхІваті Фатимат, йылзым-  
чхІахуата.

— Ма, йпскъуазтын, ма, ма, агІвлакІ  
рбжяра йглабжышвтыз.

Солтан дглапсанацІкІяра йпхІвыс  
длыстІ. УадыргІвана дгладжвылцын, ачІа-  
шцара дцатІ.

Фатимат тшангалдырх, дчвккъя-  
шккъята аджвахашва дыквын. Аныла-  
арыла лчгІвычажвква щтан, лхѣа шва-  
быжта йхъынхІвуан. Ауи дглагылта, дзы  
тІакІв лыжвра лмурадта, ахІакв лкІуам-  
цара ашвамгыцІарала днаскІятІ йгы  
ахІакв анауылшт датакІахІахтІ. Уадыр-  
гІвана дкІвыруамцара адзы дазцатІ. Фати-  
мат дзы тІакІв анлыжв, рыца тшгал-  
дырхтІ. «Момо, ауи ахІата йгъсзычхІахуам,  
сцапІта адзы тшастхпІ», — мурад багъя  
лчпан, дгладжвылцІтІ.

Ауи данищуаз, ланхѣа лгвы лырчІвауа,  
ахѣышв дкІылпшуан. Ужвы Фатимат дан-  
гладжвылцІ, мурад бзи шлымамыз лды-  
рын, дналцылхтІ йгы ашв агваныла ачІвы  
ахѣалрышвтІ. УадыргІвана дцан, лпахІба  
йпа дгалдатІ, Фатимат дйырхѣвыхра  
ахѣазла...

Адзын цыхъвакѡ рапшта Солтан  
зджяра тшадигалуа далагатІ. Фатимат  
дшван дгъймцІгатІ, ажва алалымцІауа-  
та йхІвуз зымгІва лырхъюн. ЙангІала-  
хъвла, датшагъи хыгІв тшыгІвчѡа гІайтІ.  
Фатимат дгІаджвылырщтын, ауат щарда  
йайчѡажватІ, закІ амаркІытІ. АуагІакѡ  
байаухуа йаналага, Солтангъи дтшыжвы-  
лын, мгІва йыквылтІ.

Атшѡа йгІвахъахуз йъартахъыз ашІна-  
тла йнадзатІ. Ауат ащхъа хъычѡ ауыла  
ухъыста йыквыз абхаз тшан гварта гІарц-  
ра рмурадын. Алащѡара гІадрѡсабапын,  
атшан гварта гІаджвыквырѡатІ. ЙгІарыщ-  
талыз атшѡѡи дари йалахысуа йалагатІ.  
АхакІѡа гѡыбзыгъа атшан гварта тланы-  
къѡакІла йарѡатІ. Агъычѡѡи атшанхѡѡѡи  
йаназгІанха, йтшыжѡѡын, йалахысуан.  
Солтан йгѡып абхазѡа дыршѡата я йыр-  
щыта атшан гварта гІарѡѡашын. Атшанхѡ-  
ѡѡагъи рпсы ѡадзату атшѡѡа гІарырымтра  
рмурадын.

Агъычѡѡа антшыжѡѡІ абхазѡа гѡыр-  
гъятІ. ДзачІѡѡыя ауат раѡкІыс рыѡа бзита  
араѡа ахІѡыртаѡѡа здыруаз! АгІѡыджъ  
хысуамѡара, антахъгъыт агІѡыджъ агъыч-  
ѡѡа йгІарыкІѡѡшатІ. Араѡа Солтан дщхатІ.  
Ауи, йыгІѡѡзѡѡа дгІаджвыквыргѡѡгазтІхІѡа,  
дгъгІаддымрыгтІ: ауат йрыѡата агІѡыджъ  
атахѡхатІ. УадыргІѡѡана дасу йхъа шизы-  
гІатгуз йгІатыѡѡхтІ..



Агвып тшы заджвыкІ ахІа рымахымкІва,  
рѣва рляжята йгІайхтІ. СолтІан дщцхаз  
дѣбар акыт зымгІва зынла йыргІатІ.  
АчІвыуачва шалаз, ФатІмат ланхѣва лпа  
щцхаз лтаца дѣауагІвырсызу акІвта йгы  
лунагІва дѣадзагІвну бзира йашІам-  
шнушта, рынасып гІамиуашта лхІватІ.

ГІвымчыбжякІ анахѣщІ, атажв ФатІ-  
мат лымхІара днашылтІ.

— Бара, факѣра, хІунагІва бангІа-  
шыл, сара зынла йыздыртІ, хІынасып шцу-  
шыз, хІаргыи бгІазрийыз ахѣам гІвартхѣ  
папшта хІшрыцхІахушыз. НапІыштахѣла  
духІа гІабахвуамцара, спа дбгвыцІбхтІ.  
АлахІ бткъвымгыи баргыи швыквихыргІатІ.

— Шваргыи,— дгІахѣнажватІ ФатІмат.  
Луи йгІалгвынгІвытІ, ари йцІхѣвахауа  
шайчважвару.

— ЙшпакІву бара бшгІасачважвауа?  
Уа-уи-уи! Стаца блягІва сылщитІ! Уа, джя-  
магІат, сылшвмырщын, ари акѣанлѣы!

— АлахІ бгІайщытІ, азина нажгІвыр-  
шІыдза, быгѣдакѣа! Сбхѣымсуата, йшпа-  
кІву бшсщуа?..

Абыжѣква духатІ.

— ДзачІвыя бызщуа? — атажв лтаца  
ахІба дгІадзатІ. Ауи йлыщтагыла, апещ  
йшыгІвнашвуз уагІа гІайззатІ.

— АчІвыя йгІаншаз? — ашвхѣымса  
дхѣагылын, дазцІгІатІ СолтІан йаба.

— Ари сыгІвналщитІ..:

— Уаляхи, бара йамназгівагы бшам-  
щра. Йауыпи ари абзытлхвыгіа лчва йты-  
швхыз, пхашара злакта йтам атгіачва.  
Швджвылці зымгіва ужвыбырдзакІ!..

Фатімати лабхъви йрхъазыта йган-  
хатІ.

— Бара бгіасмачважвара йгіабнатра  
гяам. Бчважва сара бсырхвититІ. Сыч-  
кІвынгы данаъахымзара, ари атажв уа-  
гівырсыз бгылырбзазушым. Ауи акІвым-  
кІвагы, бара бшаркІвапІ, алахІ хъапщы-  
лакІ дгіабитхпІ, быгвнахІ сара йгыстахъым.  
Бцахырквын рыца йагыызшва йызбитІ.  
ЙазыбхІвауая?

Фатімат «йауашті» гІаныцуата лхъа  
лчпатІ.

— Сара схъатала Аслямбаць бизысыр-  
цахпІ. АсхІад дбызгвыжвкІта рхІвитІ. Ас-  
лямбакъ дгвыргъяра акІвмызтын, закІгы  
гыхІвушым.

Арыла абхъви атаци райчважвара ал-  
гатІ. Ауи унашва йчпан, ауандыр гІацІар-  
хІватІ, йпа йпагы тшгвыхвта дгіайахвын,  
Фатімат дгіаргхті.

Фатімат шыц-шыц адуней дгіа-  
квылхті. Лтшпсщарагы лычвагы нахъахті,  
Мадина лажва гІатІаква аталгіахитІ, ауи  
насыпрапІ. Ауи дгварымцуа, ауагіа дры-  
ламылуа дбзазитІ. МадинаргІа агвлачва  
рыуа аджвырагІв гІайырквын тшпхялкІитІ,  
тшгьдлырбум. Фатімат йлымхІвазтіхІва,  
лаба йаща Ильяси лхъаца СолтІани

рпсра лара лпны йылбитІ. «Сара суагІвыр-  
сызын, акІвпІ ауат зщхаз», — лгвы йгІа-  
нагитІ.

ФатІмат дангІайх, гІвба-хпа мзы рахІа  
ахъымцІуата, агъын чыля агІан, дукІ рыз-  
бжямкІва, лангы лабагы псытІ. Ауи апсра  
лъарагІвшара лылнардзгІатІ.

Лани лаби анпсы, рыкІядыгвыжв зтшын  
йымцыраказ йгІашІарышвта ФатІмат  
ллакта заджвгы дталмырпшуата дбзазун.  
Ауи атшын йнанаркІыта ФатІмат дхъыч-  
чауа, дымшыркъвауа аджвгы дгымбатІ.  
Ауи апхъала лыпшдзара, апстІа шыквцІх-  
уаз апшта, йыдзтІ.

Агъны ага тшарычвгязтынгы, агІапын  
йтнацатІ. Амара ангІахъалра, адгъыл гІва-  
зырчуан, ашІапхараква рпны, алагІвыдж-  
ква кІышвдза йрылагыла, ахІвра ячІва  
тшгІаштІнахуан. АуагІа рхъамыжвква  
ъакІадрывхыз йайгвыргъяуа, хІайтхІва  
агІапын чвагъвара-кІапсара тшаздрыхІа-  
зыруан. Аслямбаць йунакъващи йари  
хъвлагІанцІакІ акІватани ажжвагакви  
йрыдынхалуан.

ФатІмат абжяндахІвква руарад даз-  
дыргІвуа, ахъышв дкІылачІвата, амара  
анур гвапаква гІалыквлырпхун. «Аслямба-  
кыи Мадини ракІвымкІва, йгъвасыртахаз  
атдзыжв схъазыкІ сгъгІагІвнамхазма. Йар-  
гы сыцІапсыхрын ауаъа, — дазхъвыцитІ  
ФатІмат. — Щта, насыпкІ змам дгяъам,  
сара йсынасыпын санхща слыдылкІылхтІ..

Сара сакІвма йызнасыпу, момкІва ари сым-  
гва йгІасуа амаджян йакІвма?.. Йджяща-  
хъвапІ адуней шаъу. Цыпх уыжвгІаны  
сгвы мгІвауа ахъвмарра салан..»

ФатІимат лахъвдаквыщІра гІаргванхун,  
ауи ахІатырла шІас лымамкІва лымгва йту  
дйызхъвыцуан. Ауи йылдыруан дпсихна-  
цІкІярагыи лсаби дылгІзауата дшчІвазлу-  
шыз. Датша унагІва алалхра ауасахІвагыи  
дгязымхъвыцуазтІ. Ауаса зынза-мыза Му-  
хІарби, лбзибаражв, аурамла дагІвсуа дыл-  
барыквын, лгвы чвгята тшаднакІылуан, лу-  
рала дгІалкІязызгІун. «Адуней къванчагІа-  
рала йырчвыпІ, ауи акІвмызтың МухІарбии  
сари хІацбзаза замуазя? Адуней мыгІва  
сара йсыдунейта сбазарын. Абар ужвы  
адуней схІадрыхапІ» — дылбапхядзагыи  
лгвы йгІанагуан ФатІимат.

Ачвагъвара цІис хъарата ауапчав йа-  
лалуа, уарад ахІвауа йаналага, акыт шаб-  
газ чвагъвара йтыцтІ. Ужвы Мадини Фа-  
тІимати йырхъазхатІ. Ауат ргвы йтула  
йайчважвара, йайкянгышра рылшун. Фа-  
тІимат лани лаби псыжътара, Мадина ра-  
хІагыи дылзыхъагІахатІ.

Хваша уахъта, ачвагъвачва агІвна йан-  
гІаталх, джясква рапшта ФатІимат саби  
длаутІ. Агвла пхІвыс асаби дгІалахвта,  
мачІта йызкв данас, ачкІвын хвыц адуней  
дшгІаквлыз дйырдыруата, мачІта дгІа-  
чІвутІ. Мадина йарасахІат атдзы дджвыл-  
къятІ.

— Анчва пакі дгІахІтатІ, лыгажв! —  
лхІватІ Мадина, дгвыргъяуа.

— АлахІ йщквырпІ, алахІ йщквырпІ,  
бзита йшахъвдаквыцІыз! Асабигъи алахІ  
йынасып дуга дичпарыгІатІ, — хІва дгвыр-  
гъюн Аслямбаць, апахъ йнас-гІасуа йгылаз.

Асаби йан лгвпы анйау, дуадамахатІ.  
ФатІиматгъи агІапсара анылхъышт, ачва  
дтанахІватІ.

Мадини Аслямбацьи рынцІра йызшІпс-  
гІуз саби дъарауыз гІвына амакІва йай-  
гвыргъюн. Ауыс зымдыруа заджвгъи  
ахъышв дкІылпшырквын, — арат уахъа  
акІвма йанабаба, ари аъара йзайгвыргъя-  
уая, — йхІварын. Асаби дщгІызхыз атажв,  
сас балахІдзакІ лапш йылчІархІуан.

— Анчва йныс, дшсаби уагІвырлю, —  
лхІватІ атажв, — рахІа адуней анпшдзу,  
йаргъи йхваша уахъта дгІадрийызтын,  
ачІвыя ауи ахІата йутахъу?

— Асабигъи дшуагІвырлю, баргъи  
бшуагІвырлю. Бпагъи бара дбапшхара ата-  
хъыпІ, — йхІватІ Аслямбаць.

— Щта, асаби хъзы йыхъцІа. ДанчкІвын-  
хвыцзара, ура хъыз йыхъцІа. Ауи ура  
дуцхърыгІагІвхуштІ.

— Сара ауи сазхъвыцхятІ. Асаби Аза-  
мат йыхъсцІуштІ. ЙызйыхъсцІауагъи ари  
акІвпІ. Даъан, рхІвитІ, Азамат-хІва хъа-  
цІа балахІкІ. Ауи арыцхІачва дырквцІан,  
ауат дрызгылуан, абаячва аджяльта дыр-  
бун. Азамат дхІагІата, йыжвгІвымсакъяква

тыбгІата, дтларыхІта акІвын дшаъаз. Ауи арызна фашаква здгалу йкІвдыр аквта йтшы чарахса даквчІва, йчухІа кІвымжвы йышва, йырызна мъа, йхяпщ къама йыбгъа, йбухар хъылпа йыджъымса ауквадза йгІа-таххІва, йтабанчы йымъа йацкІларпа аура-мла данагІвсуаз, абаячва, ахІвынап дуква аддзыц штшачвыкъарчІвахуа апшта, аурам йыквбзахгІун: ахІвссаква, йачвымпхашахуа, ахъышвквала, абацІкъя бжяраквала йыз-кІылпшуан. «Абаячва рыуа аджвы йакІвым швзихузтын, сайщчваква, сара йгІасашвхІв, йхъа швхыта йхъсрышвтпІ», — йхІвун. Ауи йтшы акІвымкІва, млыквкІгъи гъйыма-мызтІ. Млыкв йтахъызтын йгъимауазма ахъацІа шварах, йгъитахъымызтІ. «Амлыкв сахъанакІуаштІ, араса схвитпІ», — йхІва-лун. Ауи йхы ачІвыла йгънамдзатІ, рхІвитІ. ЙкІныхІаз аквтІагъь тадзах зынхысрала йгІакІницІун.

Дабацах шта ауи? — дазцІгІатІ атажв, Аслямбакъ йажва йлыррайшысра лтахъыта.

— АзджякІ Ляба тланыкъвала дхъы-цІхтІ рхІвитІ, азджякІгъи дыркІытІ рхІвитІ. Сара тамамта дыздырхуаз лыгажвкІ йгІа-сайхІвтІ. «Ажва бзи ащтанчІв агІвара йгІа-тнадитІ» — ахІвитІ ажважв. Абаячва ркІа-лтащгІыхыгІв уагІвырсызкІ, Азамат дгІай-райгватІ. Къвакъ зларцІаз абахсыма ауи йзытарчвумцара дадыррлаган, тшыйымдыр-хуата далашІархІватІ. Йгъи йара ауи ауахъ дтыргатІ, ауагІа йыддмырдыруата—йырды-

рырквын, тшгІаштІырхуашын. Ауи апшта, ахъацІа харзына акІалташтІыхыгІв дит-йытІ. Ари асабигъи, йстахъыпІ арыцІаква дрызгылагІв цІабыргыта далра. Ауи агІан анцІралагъи дгъырхъаштылхуашым. БастакІ сфитІхІва ахъазыкІ адуней уыквызла гяуашым.

— Щта, анчва ауи йапшта дичпатІ Азамат чкІвынгъи, хІадгылхырныс йагІапІ, — лхІван, атажв дгылхтІ.

— АлахІ, дыбыразхатІ! Анчва бнапІы шуагІвырлю. Ари анапатлачІгъи, ймачІыз-тынгъи, ауыла йгъІаныгІжърым, — лхІватІ Мадина, атажв дналдасхуа.

— УыцІх бзихатІ, Аслямбакъ!

— ЦІых бзи бызгІайтІ. ХІапхъа алахІ бнимхтІ.

Мадини Аслямбакъи йанырхъазха, ауи цІыхагІвшандза Азамат йхабар далачъа-жватІ.

— Азамат, ауагІа нхагІвчва гІаштІихта, абаячва амцІицара ймурадын. Ауи ахъазла Лябагъи Къабардпщгъи гІамайрысуан, ауа-са йыцштІызхуашыз хъачва гъІанымшатІ. «АуагІа ракІвпІ адгъылгъи абаячва рым-лыквгъи зчІву», — йхІвун ауи. Азамат щар-да ащхъа йыкву арахвхчачва, атшанхчачва дрыцбзазатІ, ауат гІайцхърыгІара ймурадта... Ауи акыт дгІаталхзарквныз, абаячва йырчпуз гъызымчхІузтІ, дбампІун, йща гІашуан. Еей, ауи йапш хъацІа ужвы даъа-хума? ДабагІайыз? Азамат ахъвмарраква

рпны хысрала йананкъвакьвуаз, аджвгьи йаргван дцарныс гьйылымшузтІ. ЙшІаша шпагІвуаз йара. ДшпащтІасуаз?! АгІвхъцІа дшыкву, аршын бжакІ зцІолару амаша йту асом бжа гІаґипгІун. Ари апсихІва шабгу Азамат акІвдырхъа дгІатихырныс заджвгьи йгьйылымшузтІ. Ауи йапш хъацІа абазаргІа ныжъхта, хІКІавкІаз антахъгыт ауагІаквагьи дгьрыламзапІ. АлахІ йдыритІ, дгІаншахуашма ауи йапш хъацІа?

— ЙауыпІ, лыгажв тшпсцах, — лхІватІ, зычва гІайуаз Мадина.

— Ари ахваша уахъ ду сара анчва сйыхІвитІ, хІысаби Азамат ауи дйапшхарныс, йынасып духарныс. ЙалахІ, Азамат йгвы йтаз Азамат чкІвын йыла йайырбатІ!

— АлахІ йуыцихІватІ, — лхІватІ Мадинагьи.

— Амин алахІ!

## 9

Азамат чкІвын адуней йгІаквылра АслямбакьыргІа рунагІва псахра щарда гІаннаршатІ. Асаби йухІвауа гІайгвынгІвуа данца, Мадина дйачважвун, ауи данхъыччара аунагІва йгІвназ зымгІвагьи хъыччун.

— ЗымгІвагьи адзаха хІйырхъыччитІ, уынцІра ауырахатІ, хъацІа чкІвын! — дгвыргьытІ Аслямбакь.

— Ауи хІара дхІымарапІ, хІгвы йыршышитІ! Ауи... ауи... дхъалыршвылуа длымапІ Мадина. ЙачІвытагьи сайгвыргъяуая... Уи-



пшыстІ—тамамта Фатимат лчкІвыңхъа!  
Ла квайчІварата йынкъвигауа уапшыстІ!

Йара йшгІахвитхауа, хъацІагыи пхІвыс-  
гыи асаби йыцхъвмаруан, ддырхъыч-  
чун, даргыи йыцхъыччун.

Зани заби рпсра тІакІв йызхъткъяз Фа-  
тИмат лчва тшарыцкяхтІ, даквыртІта  
пхІвыс лакта гІалахвтІ. Щарда атдзы йгІа-  
джвылымцІуаз, ауи лчва рыцІагыи йшкІво-  
кІвахатІ. Лыбра квайчІва гІауштта, Аза-  
мат чкІвын дйыцхъвмаруа дубарыквын,  
ухъылымхкІва амаль амакІва лыпшдзара  
атагІалаухтІ.

— УачІвы нартыхв рашвара хІымцакІва  
гяуашым, — йхІватІ Аслямбаць, атшага-  
ква адигалуа.

— Йхпахауа атшагагыи рыхІазыр,  
араѣа стшкІарапситІ, йамуазтынгыи, пшыхъ  
тІакІв сыспІ, — дахІватІ ФатИмат.

— ЙбхІвауа ачІвыя, асаби шта?

— ДыгъхІыцгІымгума. Ауыгыи хІырхъа-  
ква йхІырбапІ.

— ДнайыргІатІ. Анчва йшцІабыргу, тІа-  
кІвгыи лгвы пшыхъ таспІ, — лхІватІ МадИ-  
нагыи.

— ЙауыпІ, ауыгыи тамампІ.

УадыргІвана атшын Аслямбаць йтгІа-  
чва рашвара йцатІ. Ачкква анацІишт, ауи  
йапхъахауата хчІвгІванкІ адрабина йа-  
цкІлайырщын, ахъахъы ацІгІвыпІа гІары-  
квирышвтІ. Агягяра апны ахІвра дуква

гІалижватІ, рыца бзита пшыхь гІайысра  
ахъазла.

— Азамат йгара араъа йыргыл. Баргьи,  
ФатІимат, ари аргванква рпны брашва, —  
йхІван Аслямбаць йтшага найахвын,  
анартыхв дылалтІ.

ФатІимат йзнымкІва асаби кІыкІа йлыр-  
чватІ. Ауаса Мадина ауыгьи йлызхъалым-  
шауата, дылцуамцара асаби дихьпшуан.

— СцапІта, ачква сырхьпшыпІ, дзы  
тІакІвгьи сыжвпІта, сгІайхпІ, — йхІватІ  
Аслямбаць.

— Ари атшыт нахІырдарыквын, щыб-  
жян чара хІчпуштІ, йгъузымчІахума, —  
йгъызылуам Мадина.

— Сгвы «уцахІва» гІаснахІвитІ. ХІычв-  
ква аджвы йнартыхв йыламлыргІатІ.

— ЙхІкъычІтІ ари уара угвы, йгІаунам-  
хІвуа гяъам.

Аслямбаць, Мадина дылзымдзыргІвуата,  
дджвыквылтІ. Ауи, ауандыр ажъора йыцІа-  
гылаз ацІыкв гІайахвын, дзы шйыжвуашыз,  
дангІацапш, асаби йгара ащапІы апны зхъа  
хІагІата йщтІыхта. йкІвыруаз ащтанчІв  
йбатІ. Ауи ахъа ащтахъла мачІкІ йгІа-  
хъкІуан, абыз тых, асаби йзынадзара аму-  
радта, ахъа рыца-рыца йщтІнахуан. Ас-  
лямбаць зынла йчвапсаква гІалакІязызтІ,  
йхъабра гІалагылтІ, йчва ахІаш йагІвыза-  
хатІ йгьи лахъвгІахъасракІла ацІыкв кІай-  
рышвын, ащтанчІв дазытрыстІ. Ауи йщтІаз

аклыб дула дкша шаушыз йакъыль азым-  
цахуата, дгвжвайчван, ащтанчѣв ацѣыхъва  
дамцѣасын, йгѣащтѣипгѣатѣ йгъи йкъару  
йшгѣанагуаз дчѣваггѣытѣ. Аслямбаць ащ-  
танчѣв йрыгыятѣ-йрыгыян, ахъала ауандыр  
ачарх йаквикъятѣ. Ауи дшашѣасхуаш йым-  
дырхуа, ащтанчѣв ауандырчарх йакви-  
къытѣ.

Аслямбаць йбжбы згѣаз Мадинагъи Фа-  
тѣиматгъи гѣагѣвитѣ, йгъгѣадзадзахуам. Ма-  
дина лщаквакѣва лыцкѣязызгѣауа, лгвы  
чвгъахауа далаган, дшгѣадзуз дщакъчѣвалтѣ,  
Фатѣимат дымпхашахуа зынла асаби  
тшйкъвлрышвтѣ. Ауи, лылакѣва йрызхъалы-  
мцѣахуа, асаби дылгвыцѣалххѣван, дгылапѣ.

Араъа Аслямбаць, тшгѣайдырхын, ащ-  
танчѣв хъарата йхъылайырцѣыжвтѣ. Ауи  
зын мцѣасрала ацѣгѣвыпѣа зквкѣныхѣаз  
ачѣвгѣван гѣацѣижван, ащтанчѣв дазыт-  
рыстѣ, гѣвангъи хынгъи дкшатѣ, ауаса ащ-  
танчѣв мпѣатѣаууата йаниба, дашѣасхтѣ: ащ-  
танчѣв псхян, ауи ахъа алархчѣын. Аслям-  
баць, ачѣвгѣван кѣайрышвын, Фатѣимат  
длызгѣагѣвтѣ.

— Асаби йзынадзама?! Ласы-лас акѣас  
дгѣамгвых, йгѣайысызтын щта?

— Момо, йгъизынамдзатѣ, сипшхятѣ, —  
ауи Фатѣимат дщаквылкѣытѣ.

— Алахѣ йщквырпѣ! Анчѣва йдуу хѣгъгѣа-  
йымшѣвйысызтѣ, дзыжѣвра сгѣалцѣтѣ, ауи  
акѣвымкѣва, хѣысаби, хѣыхъвшѣ тѣакѣв,  
хѣйылгун, — йхѣватѣ Аслямбаць, йгѣайыкѣв-

начваз апхдз хьшвашвакВагьи йрыцкятІ. Ауи, Мадина дгІайыргылын, ауандыр ажьора апны дштІайжьтІ, уадыргІвана, закІы йчвыдзызшва, днапшы-гІапшуа далагатІ. Аслямбаць йгвы йгъхъанамцІузтІ, датша ащтанчІвгьи гІанымкъвауата.

СахІаткІ аъара анахъыцІ, ахыгІвгьи йадзхъачІвата йчун.

УадыргІвана атшын Аслямбаць ФатІимат рашвара дйырцарныс гыймуытІ.

— СхъазыкІ акІядыгв сгІатахарныс сшвитІ, — лхІватІ ФатІимат, архъа дцара, атажви алыгажви закІыла дырцхърыгІаралтахъыта.

— Момо, момо ауасахІвагьи, анчва йныс бшсмырцара, ды-ды-дыд мыгІва! ЙъасхІвауагьи суацІа хьшвашвахитІ, — лхІвитІ Мадина.

ФатІимат лырхъа цара ауат щарда йамаркІытІ, ауаса йылхІваз рчвщаквлыргылтІ. Ужвы Аслямбаць ауи ахъаз йгаз ачІвгІванква лайрысын, Азамат чкІвын гаракІныхІа йзичпатІ, жьорагьи ахъайчпахтІ.

## 10

Псайспамцара азаман цун, Азаматгьи йылахІун. Аслямбаць, йтлакІырквныз, ауи мшкІыла дацІихварын, дъацалакІгьи дйыцйырцумцара анхара дазибжярын, ауаса ауыс ауи йгьи напІыцамызтІ: ачкІвын аса-

бичва зымгѣва йшрылахѣауа апшта йыла-  
хѣун.

Азамат дгылуа даналага, Мадина гылар-  
гвыгв йзылчпатѣ, дштѣызхыз атажвгѣи дѣла-  
лдын, йылчѣалхѣтѣ. Ауи дныкъвауа данала-  
га, Аслямбаць къвырман йзиштѣ, йынбжя-  
гѣвчва гѣайдын, Азамат дшныкъвауа дѣыр-  
бауа, йара йапш даргѣи айрайгвыргѣяуа,  
йѣйырхѣвахѣвитѣ. Аслямбаць йгѣаѣдквас  
Мухѣарбигѣи дрылан. Фатѣимат лыпѣкъ  
цѣагѣв йазычпата, йдзахыз лѣахвтан лы-  
швата, лыбра алапа ауы, зны лгвтшпы  
хѣагѣа йгѣаквшвауа, йатаркѣвах лыщтахѣла  
йхѣлрышвтуа, айшваква нкъвылгун. Анхара  
йацѣанаршыз Фатѣимат лдзамгѣва хѣаква  
тырасгѣауа, араса баца апш дѣгайуа, ахѣа-  
чваква рыла шгѣалыквхауа гвы алымтуа,  
насыпла дырчвыта днагѣв-гѣагѣвуан. Зны  
баста налгылта дшгѣаджвылцѣхуаз, агѣы-  
цѣарала данпшы, ауи лыла Мухѣарби йы-  
квшватѣ: амцахѣваца гѣалхѣыкъѣяуа дгѣа-  
лашватѣ. Мухѣарби ауи гвы айтѣгѣ, йаргѣи  
аф йашѣырпшыта закѣы, йхѣагѣи йцапѣгѣи  
гѣаланарыкацауа, йылкъятѣ. «Йачѣв гѣаля-  
матя, Фатѣимат дсхѣаштылра зсылымша-  
уая? Ауи гяурым, саргѣи стѣагѣчвахатѣ... Ай  
адуней млыквта йыкву зымгѣва рацкѣысгѣи,  
сквшы заджвыкѣ слыцбзаяндара...»

Фатѣимат, амацѣауырта даннашыл, Ма-  
дина гвы гѣалылтатѣ, лчва штшапсахыз.

— Ачѣвыя йбызкѣашваз?— дгѣалцѣгѣатѣ,  
Мадина дгѣалыдгылын.

— Закігъи, — айшыста джяуап алті Фатимат.

Уадыргівана лара Мадина йгІалгвынгІвыхті, Фатимат дызчышхаз. Фатимат МухІарби дылбарыгъи лтахъын, ауаса, бзибарата йызлыму налыркъвра лмурадта, тшгъипшІалмыршвузті. МухІарби запыгпхызта дылбун, рахІа йлашару, йбзиддзу лазхъвыцраква ауи йыдхІвалан. МухІарби йакІвын ауи акъаз хъчы апшта йтІатІата чварта ззылчпушыз, акъвынчыын фыгІв ахъыхІауата йлырчалушыз, чгІвыча цкяра-ла йынбжягІвчва дгІарылхІвауа йынкъвылгушыз, лажва хъагІала йгІапсара йзылрыласуа йлырбзазушыз, ма рылахъ гянымшвалті. Ауаса Фатимат йара ужвыгъи МухІарби йыхъаз лпсы тулрыхпІ..

Аслямбаць йыгІвзачва анадцІыцІх, Фатимат айшваква нылххта, амачваква алалдджвахнацІкІяра, ацІх аласкІякІятІ. Ауи, ага дгІапсазтынгъи, шагІанцІакІ ачва дгямгатІ. Лылаква шгІахъылтІуа, Азамати лари щІапІ... АпхІвыс шІа лбзибара лызшыцххатІ, ачва дшпагара.

## 11.

Азамат, быжьсквша рахІа дыртамкІва, Аслямбаць дицхърыгІауа далагатІ. Ауат чвагара йцарыквын, Азамат, ауандыр дангыла, Аслямбаць йаквицІуз акъвапа ахъвынчывы гІалайцун, даквгылуанта, йкІуан, мшІгара абна йцарыгъи рыцІа йхвыцу

ámшІква гЫлигун, йанГайхра, ачвкв́а  
адзх́а йырцун. Ауасамцара Азамат паса-  
дзата анхара акв́лейраква йдыртІ. Ауаса  
Аслямба́къ ауи апшта щарда дѓымбза-  
затІ. Азамат йагІскв́ша анирыцкя, Мсры-  
кв́ва Али чва йызГаргырныс йъацаз Аслям-  
ба́къ ах́та йылалтІ, дшуа-дбылуа, зГІвакІ  
ГІайх́ъатачІван, ауи дагатІ. Аслямба́къ  
йпсра акыт нхагІвыта йтаз зымГІва ргвы  
йыцІалтІ. Ауи йджяназы йГІадгылыз акІя-  
дыгв йгябатшкІара́мыршвузтІ. Аслямба́къ  
дгварыргауа йаналага, Азамат чкІвын дры-  
щталтІ:

— Дада, схъязыкІ сГІанужытІи! Дада,  
хІшпабзаза́хуа? — Азамат чкІвын йчІвыуа  
быжъ заГІаз зымГІвагьи йырзымчІауата  
рыладзква гІайтІ.

Аслямба́къ йгьихъазым. ФатІимати Ма-  
дини ауи йпсра зГІва алырхтІ, чагьи-жвра-  
гьи рымамкІва ачварта йылан. Рыжв ацІа-  
бахтІ, Азамат рыцхІа, йчва йхъырпсса, ры-  
гвлачва закІ гІаргырквын, тІакІв дацхІауа,  
йх́а йляжята дтшкІаран. Атдзы унашы-  
лырквын, цхІашв дукІ йГІахъыцІуа апша  
хъшвашва гІауысызшва йаъан, йгьх́ауым-  
цІарызтІ, араъа уагІа гІвнабзаза́хуата.

Аслямба́къ йычкв́ва ртІын, дауырта  
йзыртІыс ршвахтІ, йГІанхазгьи йхатым  
аларчпарныс йщтІарцІатІ. Ужвы Азамат  
дызхьпшуата йымаз ажв нача заджвыкІ  
акІвын.

— Фатимат бзи, бгылхта асаби пхараки йрыф, йчва шцаз гьбымбума, зышла йыба чва йхъыстI, — лхIватI Мадина, лара дгIа-гылра лмурадымкIва. Ауи лхъапщыла йым-штахъ бзазара гьылтахъыхмызтI. «Сара насып сымазарквныз, Аслямбаць мыгIва йа-пхъа сперын», — лхIвалун, дашIамсуа.

Фатимат дгIагылта дмацIауа, атыдзкаваллыргауа даналага, аунагIва пха фгIвы гIвныхIахтI, Азаматгьи йгвы рыцIа йгIабзи-хахтI. Йара ауи асквш адзын агIан Аслямбаць йхатым рчпахтI. Ахатым анырфуз агIан, айфанди амуъазини йайквыцквыц-уан:

— Уаляхи, ари АсхIадыжв йпхIз дыда-гIву, — йхIватI айфанд.

— Уаргьи уылпшума, сара йсхъазума схIвахуан ауи йлызкIылпшуаз, — джяуап айттI амуъазин.

— Анахъ упшыстI, ауи чвацкярата йын-къвылгауа; лыпIкъ сащаква ъадзапшдзу! йачIв лапшдзаквая лылаквa...

— УашIасхс, аджвы закI йуыргIапI, — йхIватI амуъазин, тланыкъвакIла дншуа. — Лпа дшчмазагIвхауа, дуа гIвра дуызнайуа-штI, йгIбахпI йучпауа...

Араъа, акъвыръан йапхюз далган, ай-фанди амуъазини райчважварагьи ашIа-дрысхтI. Ауаса айфанд йпсы-йынцIра Фа-тимат йлылахатI йгьи цхърыгIагIв длы-мамкIва дъагIанхаз гIайрысабапырныс мурад йчпатI.



Акыт шабгаз рчваква гIаргхтI, акъвлейсыздзаква ракIвымкIва. Ужвы Мадинагъи акъвлейсызква дрыуахатI, ауи лчваква кIышвдза архъа йгIаквхатI. ДызхIварыда? Лыгвлачвагъи лара йлапшпI. БаякI йпны дцитIта, лхIатыр гыгIайбушым. Мадина лхъа лхъвыцыртапI.

МшкIы щажьдзата ФатIимат дзгара дщуз, МухIарби йычква глахъайцылхуата дишIашватI.

— ФатIимат, ажагIв йашIагылу агIвчвакIгъи швара йышвчIвума? — длызцIгIатI ауи зынла, длыдзхъагылата ауагIа тшдымырбара даштата.

— Щта, — лхIватI ауи.

— ШвшIа йтыхта шваламчважван, сара аджвгъи тшисмырбауа, уахъынлата йшвзыгIабжъызгахпI. ЗакI швымхъахIвапIта, ахабар арат ачква зчIву йгIахпI..

— ЙгIасгвынгIвытI. Анчва дузыразхатI, анцIра хIгялачважвахрым, — дгIагвыргъятI ФатIимат.

ФатIимат, ауандыр ангIатшкIарал, зынла йылдыртI. Псайспа, аджвгъи дгIалмыршыхара лмурадта, дгIаджвылцIтI. Ауи, хъвынчIвыкI налахвын, МухIарби дицхърыгIатI. АгIвыджь ачвауандыр ласдза йахъдрышвтIтI.

— Бымчвуата бсызпшуазарын, — йхIватI МухIарби ауи лнапIы йымата.

— Суызпшуан. Уахъа йахъазума, ан-  
цІралагыи суызпшмыгІвун, — лхІван, йгІа-  
лымхъкъяз ажвакѡа дгІадрыхІахтІ ауи.

— Сара сакІвма йбзымпшуаз... АлахІ  
хІылахъ гянимцІатІ, йшпаучпуш.

— Ауи акІвпІ. Уцах, аджвы угІайбапІ, —  
лхІватІ ФатІмат.

— Швгвы швымрыдзын спсы ъадзату  
арыцІагІара швхъызгапІ, — йхІван, йы-  
чѡкѡа дрызцахтІ.

ФатІмат ари ауахъгыи лыла ахъвы  
гьгІахъалымрыстІ. Ачѡа шгІагхаз йгыи  
йгІазгыз Мадини Азамати йшралхІвуаш  
дазхъвыцуан. ЙцІхъѡахауата йаквылкІтІ,  
йцІалымкІуата йралхІвырныс.

— Мма, дзачІвыя ари ачѡа хІызгІаз-  
гхыз? — йара йшибуз дазцІгІатІ Азамат.

— Ауи МухІарби йхІызгІайгхтІ. Ауаса,  
уаламчѡажван, ауандыр дызчыну йчІвыпІ,  
чѡа шхІызгІайгхыз йдырыркІвын, скѡшыкІ  
йгІайчыныз йчѡикІуаштІ.

— ЙгІасгвынгІытІ, мма.

Щымта шей рыжвырныс йангІачІвал,  
ФатІмат йалыргата ачѡа ауыс ралхІвтІ,  
йгыи МухІарби йтлакІѡуала дгІарцхъры-  
гІарныс шихІѡаз ргвынлыргІытІ, ауи йа-  
ламчѡажѡахырныслагыи йлрыбагъятІ.

— Анчѡа дызыразхатІ! ГІвыра злудгІвы-  
чІвгІыспІ. АнцІра хІалачѡажѡахума? —  
лхІватІ Мадина.

МухІарби, рахІа йцІх лашцару гІайры-  
сабапуата, анахяни ачѡакІгыи рыз-

гІайгхтІ. ФатІмат ачва, Азамат дгІалцлыр-  
хърыгІумцара, хІаджвта йшаквырцІуз ам-  
гІвала йагІвсуаз тшыгІвкІ гвы айттІ. Ауи,  
агвашв днадгылын, дтшыжвцІтІ.

— Ари ачІвья? — йхІватІ ауи, ФатІ-  
мат длыдгылуа.

— Йшубауа акІвпІ йшаъу. Уайгва! —  
джяуап алтхтІ, ФатІмат ахъацІа ймурад  
гІалгвнымгІвуа.

— Ди хІахща, чвымлакІ гІаута ачва  
бхъалстІ, сара йнабыстпІ. Ауаса рыцІа ла-  
сы хІалгапІ.

— Момо; алахІ дузыразхатІ. ХІара  
йаквхІцІапІ псайспадза.

— ЙшпакІву, занаджя, сара сгябаза  
хъацІамма? Бцата ачвымла гІагхІва бас-  
хІвитІ, — йхІватІ амгІвайсыгІв. — АпхІвыс  
йылхъвым лхауата ахъацІа длыгІвсра гя-  
тахъым, ауи бхъбымраштылын.

— ЙгъзымдыртІ, йсзыргІва, — лхІван,  
ФатІмат ачва дхъалтІ.

СахІаткІла ачва аквцІара йалгатІ. Ам-  
гІвайсыгІв тшидджватІ, дтшыжвылхын,  
мгІва дыквылхтІ.

### 13

АсрычвхІва анынкъвнагуз уахъыкІ Му-  
хІарби, МадинаргІа дцан, рборагъи рбакъ-  
гъи гІамидатІ: мшы былчІвыкІгъи анимба,  
йгвы тшаднакІылуа йгІайыхтІ. Ауи, аджв-  
гъи тшйймырбауата, дцахтІ. УадыргІвана  
ауахъ джнянахкІ йшазарцІсуаз мшы рыз-

гІайгті. МухІарби, ащымта асрычвхІва ам-  
гІваква аланапсата йаниба, дайгвыргъятІ.  
«Ужвы аджвгъи сыщта гъаухуашым», —  
йгвы йгІанагті.

ФатІиматгъи Мадинагъи МухІарби рна-  
мазуахъты дгялрымхуазті, шІас рымамкІва  
ауи йызхІвахІвуан.

Ауасамцара асквшква цун, Мадина ры-  
цІа-рыцІа дкъарусызхун, ФатІимат ллакта,  
ага йпасаркІвазтынгъи, айджъыртаква гІа-  
науахвуа йалагатІ, ласы-лас йылахІара  
шатахъу йдыруазшва дкІылчІвыруан Аза-  
матгъи.

Ауат адгъыл чвагъвачІвыта йрымаз ма-  
чІдзан, ажагІвква рпынгъи рыжв ахъаз чва  
тІакІв рхуан. Азамат, ауи адгъыл тшыт  
йзырчвагъвара ахъазла, чвагъвара йшты-  
цІуа уалагата Али йычвква йхчалун. Дара,  
рчвагъвараква йанрылгара, Азамат йа-  
дгъыл йзырчвагъвун. АцІагахра, ачва  
гІагхра рпынгъи, ауи дашІамсуа ауат дыр-  
зынхун. Ауи апшта, Азамат дшхвыцыркІваз  
абаячва дырзынхара атахъхатІ.

Азамат жвыгІв сквшва даныртал, йатар-  
кІвах гвакъвпра ду далашватІ: шарда  
мцІуэта ачварта йылаз, хІатлата йчмаза-  
гІвыз Мадина дпсытІ.

— Сара мыгІва, сара гвыща, сысаби йы-  
би сари йхІхъазхатІ. Сара лахъыда, сара  
йтачв-гвачвыз... — дашІыпхядзауа дчІвыуан  
ФатІимат. Азамат йпсыз йанхща, абыхъв-  
ква гІазыршыхушта йчІвыуа йан ауи аъа-

ра йымарыцхІахан, йгвы йыцІалуанта,  
йгвы гІачытІ. Ауыгы дчІвурa, гвыргъяра-  
кІгы зламыз йчкІвынхъагы алайцІата, йа-  
нхща дичІвурa йтахъын, ауаса ахъацІара  
тшайыргун.

Араъа агвлачва гІайззатІ, йатахъыз уна-  
шва рчпан, апсы дыцІарцІатІ. Йрымаз ажв  
заджвыкІгы Мадина дауырта йылзыртихтІ.

АзаматыргІа рбзазара рыцІагы йхІа-  
тлахатІ: Мадина лпсра амщтахъ, ФатІимат  
сквшыкІ ачварта дгІалымцІуа дылан...

Азамат, дшІазтІхІва, бзазаща хІатлата  
дызлашваз, швабыжта дарыгвыбзыгъатІ.  
Ауи ужвы МухІарби дйыцта Мсрыкъва Али  
йпны дчынуан. Азамат йгІайгуаз атІакІв  
акІвын йангы йаргы злабзазуз. Йырфуш  
адыркІылырквын, йыршвырцІуш рмаухуа,  
йчІва-йгылыргы, абжара акІвымкІва, за-  
кІгы йаламчважвауа, йбзазун ани апи.

Азамат ащахІбата, абата йпхядзуз МухІарби йакІвын. Анхара апны йанакІвызла-  
кІгы МухІарби Азамат дицхърыгІун, пакІ  
йапшта дихъпшуан, йгвы йырбзиуан. Аза-  
мат, ага дхвыцыркІвазтынгы, МухІарби  
рпны дангІайра, ФатІимат рыцІа дшкяхвха-  
уа, лылаква шгвыргъяуа гвы айтуан. Йан  
лгвыргъяра дакъикъаква рыцІагы йраура  
йтахъыта, МухІарбии йани гІагІвнайжьюан-  
та, швхІаусыгІвакІ гІайауанта, дджвыл-  
цІуан. Йанырхъазхара, агІвыджыгы закІ-  
гы рымхІвауа, рылаква шарда гІархІвауа,  
йахъвлапшуан. УадыргІвана МухІарби Фа-

тІмат лнапІы йщщуан, ажва хъагІа лай-  
хІвуан, рылахъ аквшварыквныз, адуней  
йара йынасыпта дшбзазушыз лайхІвуан.  
ФатІмат ауат ажваква йзнымкІва йылгІа-  
хян, азбарла йлдыруан, ауаса йхІвапхядза-  
гьи, йлызшыцхун, лгвы йахъвун. Уадыр-  
гІванагьи йджвылцІыз асаби йгвы закІ  
гІанагуашшва дазхъвыцуанта, дъачІаз  
дгъымзагъуазтІ. Ауи гвы анайтра, МухІар-  
би, цІолата йпсыцхІа йщтиуанта, дгылхван.

ФатІмат, лпа рыцІа дандуха, дичвым-  
пхашауата дицІгІатІ:

— Азамат, спсы йапшу, МухІарби дан-  
гІайра уызджвылцІлауа гІасахІв...

— МухІарби йанакІвызлакІгьи йцриква  
рапшта дгІахІцхърыгІитІ, хІъачрынуа ап-  
ны ауи йахІа гвырбзига гъсымам. Ауи дан-  
гІайра, баргьи рыцІа бгвакъвпра бхъаш-  
тылитІ. Гвакъвпра былабымхІвауата бьа-  
дзачІву азаман рыцІагьи йсраура стахъы-  
птә акІвпІ, — йхІватІ Азамат.

Ари атшын йнанаркІын ФатІмат лпа,  
згІвыра йнадзас аджвы йапшта, дйайкян-  
гяшлун, дйачважвалун. Ужвы ФатІмат ла-  
ра дшабгу лпа заджвыкІ бзазащакІ йаура  
лтахъыта дазхъвыцуан.

#### 14

РыцІа щарда нызцІхята йыъу алыгажв-  
кви атажвкви йшырхІвалауа, сынчІва апш  
гънычвгя сквш щарда цІуата ари ахагІагз  
апны йгъгІанымшасызтІ.

Адзын аъарагІвшара бырг йшнадзуз, ацІх гІалапІатІан, асы уапІажв-уапІажв йгІасуата йаквшатІ. ЙшдзынквтаркІаз адуней гъын чыля сурат гІанауахвтІ.

Агъны, мадза-мадза, уахъынла гъычкІ йапш, йрыларымхІвадзакІва йгІазгвыквсыз ауагІаква зныкІ ахъазла ргвы дырбзиуа арса йырхІвун: «АцІх, зынла йгІахъвласта, сыжвпІа гІащгІанацІазтІхІва, ауи гъсыцІ-гІвахушым. Ужвыгъи пхын чкІвынкІ гІайхра заман аъапІ». Агъны пасата йгІайра зтахъымыз, ргвы дырбзийызтІхІва, амш ала зынгъи йхънамтІуамца, октябрьгъи ноябрьгъи цан. декабрь, рахІа тшарычвгяуа, йгІаталтІ.

МачІдзакІ асы гІасра шашІасуазбырг, жъыхъ змам абаштоу гІаджвыквлын, адуней пнатшума ухІвауата къвышлыкъв ду йгІалагата амара ташвамтадза чІвыли жвгІванди сылгІвала йабанаркІуа, йгІаситІ.

Цабыргыта, амара анташвара амщтахъ, абаштоу мачІкІ йтосынхитІта, псы зхъу рыла мачІкІ йпшра рылшитІ, ауаса ауыгъи гвырбзигара дута йырзгІанагуа гъам: амш атарала йгІаталуа ацІх чвцитІта, удджвы ачІвыла йнамдзаскІва, йшвитІ.

Акыт псы зхъата йту ахъта агвауара йнахъата ргвы йалстІ. Ауат амш хъдзахта, адуней хвитта йыквпшхра йазыгвжважвитІ. ЗымгІвадзугъи йрапшымкІва, ари амш ахъдзахра ФатІимат дазыгвъаджьюан. Ауди лгвы йгІанагуан: «Сара аджвыла съауыхуа

гяѡам, ауи сара сыхѡаз, адуней ѡадзаща-  
квгылу, ажвГиванд хѡахѡхата, адгбыл зын-  
гыи йшымѡахѡхуш апш йхІакѡпІ. Ари азын  
йГІасыдсылыз азГІва швабыжта йзГІва  
мчпІ. СщапІы сыѡІнахизщтара ари ГІвы-  
мызкІта йнарылалтІ. Ужвы ауи спсы ГІан-  
нажѡпІ-хІва сара сѡагвыгѡахуа гяѡам, ауа-  
са, насып сымадзахызтын, ари амш ала  
хѡнатІыхнаѡІкІяра саджяль гыГІадзарым,  
ауи акІвмызтын, ари апш амш анптшуа дза-  
ѡІвгыщая сара сджяназы йГІадгылуаш?»

Йдзышыз. амГІвайсыГІв адзыхѡ данйар-  
ныс дшазыгвжважвауа апшта, агІвыѡІв-  
ГІвыс чмазагІв, апсра йзыГІаргванхаз шйы-  
ГІвымсуаш анидырра, йхѡвыѡра йнахѡата  
йѡІолахитІ. Ауи йыла шІыѡ-шІыѡ йыѡІсхитІ,  
йынѡІра зымГІва шГІамГІвайсыз. Дазхѡвы-  
ѡитІ, ауи йаргванта адуней йГІаквижѡуа  
йара йымщтахѡ ѡбзазащтата йымазлуш.

ФатІимат лыла апахѡ йГІагылхитІ, лын-  
ѡІра айшыс атурых. ЗымГІва рапхѡа ауи  
йГІалгвалашвахитІ, лаба АсхІад йунаГІва  
апны лчкІвынхѡа шакІвшаз. Йылбая ауи  
лчкІвынхѡа апны ѡзирата? Ђзи дызбуз лан  
Аминат, лажва хѡагІаква уымпхядзузтын.  
датша ѡзирата йылбаз гяѡамызтІ. Лурала-  
гыи йылгвырѡзигаз ауи лан лажва хѡагІа-  
ква ракІвын.

ФатІимат сквшы ГІважви жвыхв ахІа  
дыртамкІва, лгвы анымчвГІауата лынѡІра  
далгатІ. Баргвырати швхІакІвати ауи лы-  
ла йыѡІсыз дрыкѡва щарда лызГІаныржѡтІ.



Абар ауат, жыхъ рымдыруа, лкъаругъи  
лзгIвадарагъи рфатI, йылшлагIамкIва  
дшлата, лынцира ацIыхъва пасата днадыр-  
дзатI...

Апсра аъара йхIатлата адуней закIгъи  
гъыквым. Ауи хIатларата йзамылуашта ан-  
цира гIвычIвгIвыс дгъгIанымшастI, дгъгIан-  
шарым.

Ауи йалу знымкIва йызчакъхяз ФатIи-  
мат ауи таразта йгIалгвынгIвуан. Ауи лпа  
тшизыналырхатI:

— Азамат! Сыла йапшу сычкIвын хъа-  
гIа, сара сынцира ацIыхъва, ауаса., — ауи  
лажваква йылчвалапIатIауа, дашIасын,  
йкъарусыздзахаз лагъьма напIыла йлыквыз  
ахъыза бжакврышв гIалхъылхтI.

Азамат, ачва йакIыз йгIвылакI йыр-  
къвчIуа, дгIагIвыцIкъян, йан йгIалхъылхыз  
ахъыза лхъигIвахтI. АчкIвын йан лгIвы-  
лакI гIахътIыта йаниба, лажваква йлым-  
хIа йангIатасх, адуней млыквта йыкву  
йпахъ йгIащгIалыргъи, ауи аъара дгямай-  
гвыргъярызтI.

— Уа сара сымма хъагIа, йзхIвузда  
араса была гIахъбтIыхпIхIва. Йахъа зны  
швабыждзата сбрыгвжвайын. Ужвы, алахI  
йбзирала, бгIахъынхIвытI, — йхIван, йан  
лшIахъа йщцуа далагатI. ГвжважвагIва  
ду йылата, мачкI йан лыла гIахъылтIра  
швабыж йаргвыргъяз Азамат йыладзква  
гъызымкIуазтI йгъи ауи йгIвыладзкI, арыц-

кярá дахамдзаскíва, йаштацауа Фатíмат  
ллакта йтаккíватí.

Щта, аладз аъара ладзы ласы йгíазшти-  
уа гяъам. Азамат йыладзка, Фатíмат  
ллакта йтаккíваз, лыладзка гíаршти  
ныжьхта, швабыж зджяра йгíанымхауата  
хъара ддырхъвыцтí.

Фатíмат дшуа-дбылуа, апхдзы гíалы-  
квначвауа, даталагахтí. Ужвыгíи датала-  
нахíвахуазшва йанылба, къарута йылзы-  
гíанхахыз азылкíын, лгвы йтата Азамат  
йалхíвуашыз ажваква налырдзахра лта-  
хъыта, ачважвара джвыквылцíахтí:

— Угвы уымрыдзын, Азамат. Йбзу зым-  
гíвадзугíи хíпсыхуаштí, ауаса апсрагíи  
уазыхíазырзара атахъыпí. Сара рыцíа сыз-  
хъгвыргíвауа уара уакíвпí. Адуней апны  
ажва пшдза гíауайхíвуашта, ухъа йщщуа-  
шта аргваныкíгíи дуымамкíва, йыбадзата  
угíанхитí. Спсхъа ащтíыхра апны цхъры-  
гíагíвта дгíаузалуашта гíвычíвгíвыс арг-  
ваныкíгíи дгьюымам. Спсхъа шпащтíух-  
гвыщущ? Дауырта йсзургылуашта мхíвыр  
аквта кíапíикíакí я кяхвынта йсыдугалуаш  
асхъа мачкíвыршакí хíунагíва йгíыгíв-  
нам. Амаль чпартата йуымая?

Фатíмат лапш быргта, Азаматгíи йгíай-  
гвынгíвуан, ауи швабыж йшуыс хíатлу,  
йан дчмазагíвхизщтара дызхъгвыргíвуз  
ауат шгíайауашыз акíвын. Ауаса ауи, ачы-  
мазагíв лгвы йырбзира ймурадта, арса  
йхíватí:

— Мма, бызхъымгвыргІвуш щарда ба-  
хъымгвыргІван. Ахъязыкі бгвыргІвитІ, ауи  
акІвмызтын, бшбзихахуаш, абан йгІа-  
хъбтІыз была лашараква йгІархІвитІ.  
Йгъбдырхуам, ауи акІвмызтын, ужвы ац-  
кІыс аган бчмазагІв хІатлата ббзихахтІ.  
Ужвыгы бшбзихуш сара хІакъта йгІас-  
гвынгІвитІ. Анахяни, сара сабгата, закІы  
бахъымгвыргІван. Скъару тапІ. Анхара са-  
зычпапІ. Бымшван бара, мма, гІапсарата  
йсыдббалыз аъара бсыртынчхпІ.

ФатІимат Азамат йхІвауа лгвылагъи  
лпсылагъи даздзыргІвра, дазыгвъаджытІ,  
ауаса лакъыль азгІва йарылащцаритІта,  
ачва цІола даланахІвахитІ.

АгІвычІвгІвыс йчкІвынхъа апны бжяга-  
жва бзита йгІаз, йыхъыз шихъмаштылуаш  
апш, зынгы йхъмаштылуа, абаргвыра мгІва  
даныквшвара асхъангы гвырбзигата йза-  
луа дпсыхнацІкІяра, ацха апш хъагІата  
йгвы йгІатахитІ.

ФатІимат лынцІра апны зынгы йгъыл-  
хъмаштылтІ ан лажва хъагІаква.

ФатІимат лабагы, лан лапшдзата, лыла  
дгІацІалитІ. ЦІабыргыта, ауи лаба зджяра  
йгІанымхауата ймачІпІ ажва хъагІала дан-  
гІалачважвалуз.

РахІа лашарадзата уахъчІва ФатІимат  
лпахъ йгІагылуаз Аслямбагы Мадини ра-  
кІвын. ЙшпагІалымгвалашвахрыз ауи ауат  
агІвыджь! Лара анасып лчвухъарата лын-  
цІра лгазтынгы, ауи адуней дшыкву лзыр-

дырыз ауат агІвыджь раківпі. ЙзлалхІва-  
хыря ауат бзирата дыззырбжяз! Зъара  
бжягажвая ауат ргвы ацІолара йгІатыцІуа-  
та ауи йгІалархІвыз! ЙачІвыта йылтахъы-  
зя, ауат абзираква зымгІва уахъчІва йыба  
гяшвата йгІанылжьюа, лпа, Азамат, дыр-  
зылбжяра, Аслямбаць намыста, ъадабта,  
бзирата, гІвычІвгІвысыгІата йылаз зымгІва  
Азамат йылата дылбара! Ма, ауи акІвызтІ-  
хІва, йабоу, дызгушта йгІалыдсылыз аз-  
гІвамч лынцІра шІначІварныс йгІанхаз  
сахІатпхядзарапІ...

Азамат, Азамат — йачІв хъыз тлапІазя  
ауи ФатІимат лыхъазла! ФатІимат адуней  
гягяра апны ауи ажва апш ажва лашара  
аъата йгълымпхядзузтІ, ауи зтшын дгІалри-  
та, Азамат-хІва йыхъырцІижьтара угІала-  
гата уахъчІва йъагІадзаз ауи ахъыз йана-  
кІвызлакІгьи лгвы йыгътымшвтуазтІ. Ауи,  
ага гвакъвпра цІола далашваргьи, баргвы-  
ра ду данйарыгьи, ауи ахъыз лгвы йангІа-  
ташварыз, зныкІ ахъаз зымгІва лхънараш-  
тылхуан, адуней апны ауи ахъыз ахъаз  
йлымчпушыз баргвыра гыквмызтІ.

Абар ужвыгьи ФатІимат азгІвамч да-  
шІанахъата, лынцІра ацІыхъва йнанардза-  
хята, лакъыль анзымпшгІахуагьи, ажва  
заджвыкІ — Азамат — ауасахІвагьи лгвы  
йгътышвтуам.

ЙцІхъвахаз, йычвхуа . амца, йгІалахаз  
ачІвец заджвыкІ, къарута йалахыз зымгІва  
азнакІыта, мацІдзакІ ахъва йгІалккІгІата,

йшычвдзахауа апшта, Фатимат лпс тыцымта бырдзакI, — А-зама..!-хIва быжь къару-сыздзала дхъачважван, лгIвылакI, зынги йхълымтIхуашта, йхъылгIватI.

Фатимат цIхагIвшанква рапш дпсытI. Ауи лпсы мцаскIва, Азамат дангвжвай, йгIайдыз агвла тажвква ХIанифи Маряни йшахабзас апш дандыргIалтI.

Ауат ауи дызлаз ачварта дгIалырхын, аджвахашва йштIаз аджяргян дггъвата дыквырцIатI. ЗхъвакIяква аъарагIвшара шахым лхар кIасыжвла дхъыргIватI.

Азамат мара гIатшкIарыцIымтадза дымпIатIаууа, гвмачIыгIва ду дала, зынги йымбахуаш, йхъа ацкIыс бзи йбуз йан лпсхъа дахъачIван.

Азамат, йзымчхIауата, дасакъдзауа аласа кIас гIалхъихта, йан ллакта ужвыгы зны дантапшых, ауи йахъа, дымпсыскIва, йгIайалхIвыз ажваква гIайгвалашвахтI. «Щта, йбхIвуз цIабыргын. Йсамалья ужвы? БшпакъасчIвахуаш, сан рыцхIа, туманкI гIазтныцIуаш млыкв сунагIва йгIвнамыз-тын?»

...Фатимат зуахъ дпсыта йлыквшаз ахабар ласы йгымгатI. Азамат, йыладзква кIажжуа, щымтадза аджв данпсра шваляуат гIазглуз амуъазин йгвашвхъа дгылын, дызыцIыртI. Ауи йцIырбжбы ахIабля лаква ацIанархан, адуней ахъыржвауа, йшитI. Амуъазин дгIагварцIуашма-хIва Азамат, тшхъайгылитIта, ахIахъв гвара хIагIа

дхъпшылитІ, ауаса аджвы йпІатІаугъи йы-  
ла йгъгІацІашвум.

Ащымтахъа йнахъата йхътапІ, ахъвыжъ  
хъчІвачІва йгІвлымхІакІ шІнабылгІитІ, ам-  
гІажвква зхъашвыз йщапІква ахъта йар-  
цитІ, ауаса ачкІвын ауат дгъырзымхъвыц-  
хуазтІ.

— Да-ды-м, уа Да-ды-м!-хІва къарута  
йымазла датацІырхтІ.

Азамат йбжбы йгІанаршІыхата, ауаса  
ащымтахъа хъшвашва ачварта пхара дгІал-  
цІырныс йагІшуз амуъазин, йанамудзах,  
дгІагылтІ, йхъамы гІайхъайырпатІ, тІакІв  
йчвдучву йкъатырквагъи дыртагылын,  
абыгъъ жакІя йашІырпшу йжакІя ащым-  
тахъа пша йаркашвауа, йгвашв дгІагвар-  
цІын, йызшІызтуа Азамат йакІвта йаниба,  
йлашарачвам йлакта рāхІагъи йрыхъва-  
щын, дицІгІатІ:

— Улакта гвымхадза, йуыквымшахуа,  
щымтадза йутахъу ачІвыя? Ашвагала  
уджвыквырцазшва, уызцІыруая?

Амуъазин йажва гвауаква Азамат хІам-  
пІладжъта йзалтІ. Йпсы алаххытІ, йыладз-  
ква йзымкІуа, ачІвыуара йтамакъ акІытІ.  
«Йстахъу гъсзыхІварым»—хІва дшвун, ауа-  
са лачвгяла йгІайпшуаз Дадым йлакта  
йгІайнахІвуан: «йутахъу ласы-лас йгІа-  
сахІв!»

— Сан рыцІа дгъяхым! СуыхІвитІ,  
Дадым, ауи лыхъазла шваляуат гІаугыр-

ныс!—йхІватІ Азамат, ажвакѡа йгвы амцѡа-  
быз апш йырбылуа.

Амуѡазин, ласыта дхъынхІвыхын,  
гвыжвкІ чІвырхъа атипуа, йгвашв дтшкІа-  
ралхтІ.

— ДзачІвыя ащѡажъ апхъа йуызшІыз-  
туа? — лхІван, Дадым дшнашылбыргхуаз  
йпхІвыс Срыма дгІайцІгІатІ. Ауи йылды-  
руан, ари апш щымтадза йанйызшІыртрыз,  
перакІ шгІаншаз йгъи лхъацІа дгІамшылх-  
скІа лгвы йгІанагуан: «Йараби, йпсыз  
тІакІв зцракІу аджв йакІвма момкІа ауи  
агІапын хІвынап апш дчвкІврума». Йпсыз  
тІакІв йазаѡу я йбаю аджв йакІвызтын,  
хъацІи пхІвыси гвыргъюн. Срыма лхъацІа  
дгІахъынхІвыхнацІыкІяра йылзымчхІахуа,  
йыцІайцІарныс дыззцаз апсы дшщтІаркІваз  
далагунта, ауи йхІадатепхва шаѡу даз-  
хъвыцуан.

Ари ауысла Дадымгъи йпхІвыс йыл-  
хъимцузтын, закІылагъи дгъгІалхъым-  
швузтІ.

Ауи йпсыз тІакІв закІ гІайцрыцІуашта  
я дбаята йанидыррыз, шапІ ласыла  
амаджыгыт днадзунта, йбжыы йтхгІаз да-  
майгъдзауата, йшыжвлару йыргІара йта-  
хъыта, дцІыруа шваляуат гІайгуан. Ауи  
амщтахъ, гвжважвамгІа йыкв, мгІвары-  
гІвла, апсы дызчІву рунагІа йнайырджун.  
Ауат ргвы тшынайырджара ахъаз, апсы  
йынкъвгара йапшылу ауысква напІ ласыла  
дырзынадзитІ. Ауи йгъихъаштылуам чвала

штширынашхыюшгы. Ауаса Дадым йгвыла  
дгвыргъячІвІтІ, чхІара азйымахымкІва да-  
зыгвжважвІтІ: айфанд, аджняязычпачва  
алайыргылта, апсы дауырта зъара сом йы-  
квырчпуш гІагылайхІванацІкІяра, ауи  
йхъыргІвушгы йджъып йгІаталнацІкІяра.

ФатІмат йлапшу арыцхІа данпсрыз,  
ауи дызлагвжважвуз гъаамызтІ. Апсы йын-  
къвгара йапщылу ауыоква бжанардзата,  
напІыштахъла йчпун.

Къвышлыкъв дуква рапш акыт рмуъа-  
зин, йугІарныс агвы йалахуа, быжь цІагІв  
ауырала йпсыз лшваляуат гІайгтІ.

Агвы зрыкІязызуа ауи амуъазин йшва-  
ляуат—акыт апсра шгІатшаз йахабарнкъв-  
гагІву—щардагІвы азнарцІгІатІ:

— ДзачІвгвыщая уахъІва йпсыз?

— АлахІ джянат ахъгІара литтІ ачвза-  
ба рыцхІа. Йпсыз АсхІад йпхІа ФатІмат  
лакІвгвыщапІ.

— АлахІ, алахІ йгямудзагвыщатІи щта!  
Лыдуней гІазабла йылгагвыщатІ.

— Ауи йнахъата дгІвычІвгІвыс тынч-  
гвыщан, рахІа сызлалзыраззахызгы,  
дчвзабапІхІва лхабар мшкІы гвымхата  
йгылмыргатІ, дыздчІвалаз лычкІвын йа-  
кІвын-рахІа тшзырхъацІа бзиуа йпа дши-  
зымбжюш дылбжятІ.

— Щта, ауи йухІвауа садгылитІ. Дыз-  
бжяз дчвзабазтІхІва гІвпсыкІ уымазтын,  
азакІы йызтухуашта шакІву дшаъу. УгІа-  
пшы, ауи ачкІвын, йыгІа днадзарыквын,



йапш быжкыткІ дгыртам, — ухІварыгы, мцы уымхІвушта, дымцузтын.

Абаза нхачва-бзазагІвчва хІаль бзита йрылу йауу закІыпІ — ага уыс ду йымаз-тынгы, йкІайрышвта, апсы дыцІазцІуш дрылалра.

Щарда мцІуа ФатІимат лыкІядыгв уа-гІала йчвытІ. Аджняязычпара йгІайхыз ахъачваква башлыкъ зму рхъаква йры-кІвырша, йзмамгы, рхъамчва хъылпаква, рлымхІаква цІанакІнацІыкІяра, йгІатах-хІва, рщанІква ахъта йтанащыпхядза, йнас-гІасуа, апахъ йалагылан.

ФатІимат лтдзы чкІвын чІвыуара йгІа-йыз апхІвысква гыгІвнашвум, ауат рыб-жагІв, рхар кІасквала тшхъвацІарххІвауа, ашв йкІылагылапІ.

Азамат, гвжважвамгІва йыкв, днагІв-гІагІвитІ. Амальта йчпуш гыдырам. Дшпа-цІайцІуш ауи йан? Ахчата кІапІикІакІ, асхъата мачвкІвыршакІ я асату йалсуаш закІы йунагІва йгыгІвнам. АщардагІв Аза-мат ауи дшазыгвжважвауа рдыритІ, ауат ауи йцхърыгІара гвылагыи псылагыи йырта-хъын, ма ауи акъару даргыи Азамат йапш быргта, йгырымам. ЗымгІва рапхъа МухІар-би Азамат йпны дгІадзатІ, анышвынтара рыцижтІ, йымаз азакІы-гІвба сомла дицхъ-рыгІатІ. Ауи рыцІа щарда йымазаргыи йынбжягІв далайбарын, ма...

Амара, щыбжян найгвгъауа йаннадза,

акъару рыца йглаталын, пхарата йглахъы-  
цуа рыца йшардахитІ.

Аджняязычпачва, амара йглахъыцуа  
апхара ргвы йтадырпхауа, апсри абзасари  
йрыквчважвауа, апсы лхлазырхара йазпшуа  
агваражв йкІыдчІвалтІ.

— Ласы дхлазырхушмиштІ? — йхІван,  
хъам квайчІва ккрышвкІ йышва, пца хъыш  
хъаца алачпа сгІакІ дазцІгІатІ.

— Уаляхи, Хангяри, ужвыгы ласы дхла-  
зырхушта йшгІацІымцІра, йшгІасгвынгІвуа-  
ла ачкІвын йан лпсхъа йадигалра ймаууа,  
дгвъаджъуата акІвпІ йшаъу, — йхІван, Хан-  
гяри дызцІгІаз Джямбот джяуап айтхтІ.

Агвара йыцІачІву ахъачва унашвата  
йырчпан, Азамат йызшырттІ. Рыца ахІба-  
та йрылаз Къвырча Тембот дангІагыл, ан-  
тахъгыт зымгІвадзугы тшйыцІаштІырхтІ.

— Уа, сычкІвын, — йхІватІ Тембот,  
ймахъа цІагІв ауыраквала, зыладзка  
зымкІуа, гвмачІыгІва ду йалу, Азамат  
багъята дгІайгвыцІайххІван. — Абазаква  
ажважвта йхІымапІ: «АгІвычІвгІвыс йчва  
жвпІапІ, ауи йтамдзуш гяъам». Ауи ажва  
йнахъата йажва цІабыргыпІ. Щта, уахъчІва  
араъа йалагылу зымгІва углахІылапш!  
ЙхІылуда араъа, апсра хъчІвачІва йунагІва  
йгІагІвнымшаскІва? ДзачІвызлакІгы, уахъ-  
чІва ура уапш, дхІчвыдзтІ бзи йыгІбауа,  
«дпсрыквын сгыгІайцхарым» зыхІвуз  
агІвычІвгІвыс аргваны. Ауи хІатларан,  
ауаса ага йхІатлазтынгы хІчва йтадзитІ.

Ауаса йанаъазара, Азамат, угвы рыбагъя. Агъны амш айшыспІ, абар амара ъанадзаз убитІ. Арыла арат анбжягІвчва гІауцхъры-гІитІ.

Алыгажв йджъып йгІатихыз ахча, абля-такв йшамгваз, ачкІвын йзираутІ. Ауи Аза-мат йгвы хъагІата йадсылтІ.

Азамат амш ъахъвлауа дгвжважвитІ. Ауи йтлакІъзарквын, аркъан дукІла амара ъанадзаз йзатымпахуа йкІыдихІвалрын.

Дышпамгвѣаджъра Азамат? Щымтадза гІван-хын дызцаз акыт райфанд Мырза-бакъи амуѣазин Дадыми рыуа аджвгъи уыжвгІандзара йгъызгІамистІ. Ауат агІвы-джъгъи ацылын ФатІимат дпсыта дшщтІаз шырдыруз, ХІатыгІвжвкъвай хатымфара йцатІ. Азамат йгвы йасдзахуаз ахІвссаква рпскІвабагІвы Ханыщ йгІайзылхаз акІвын. Ауи Азамат лцІыхъва дштагІлаз, швхІау-сыгІва лчпумца, дизгІамиуа, атацанадылра дцатІ.

АджемгІат йгІайззаз, айфанд, амуѣазин, апскІвабагІвы йшрызпшуазымцара, апсы дырзыцІамцІауа йхъвлатІ. АгІвычІвгІвыс, ага дчкІвынызтынгъи, гвжвайымгІва цІола даналашвара, закъыль чІваз йапш хъара дхъвыцитІ, ачвгъи абзии закІылагъи йалай-мыргІващауа йалицитІ.

Азамат, йпсыта йщтІу йан дизщтІымхуа, гвжважвагІва ду дшалугъи, йгвы арса йгІа-нагитІ: «Дабо айфанд Мырзабакъ, дабо ауи йыгІвза амуѣазин Дадым. Ауат ркыт апсы

дшцІаз йылхъыцІын, датша кыткі хатым-  
фара йцатІ. Ауат арыцІа йыкІядыгв  
йтшкІаралуа амгІващ йгъузыквылуашым,  
ауаса абая йыцта, йхІвынчІвызтынгы, бзы-  
ла йдырбзуштІ. Уапшы Ханыщ хъасысгы  
йылчпауа. УацІыхъвангы ауат адин хъакв-  
тала йацІагылата йырхІвуштІ, дара рыцІа  
гвчІагІв рымата, адин таразта йадынхалуа-  
та рхІвитІ. Момо, ауат ракІвпІ ъимангы  
дингы змам, рахвыла знамысгы зъадаб-  
гы зтийыхуа».

Азамат йапшыз амчымхъаквагы ша  
хътыла йырзымхІвазтІхІва, ацардагІв  
уахъчІва тынчта йгІаргвынгІвытІ: Адин  
кшага лабата йызрымаз, дара ргІаляматра  
рхчата, ауи дара рхъа афайда гІалырщтра  
шакІвыз.

## 15

Азамат йан атшын дзыцІамцІауа  
йшлыквхъвлаз ахабар Иван Петровичи  
Сергей Александровичи, ауахъ акыт йтаз  
зымгІва рапшта, йыргІатІ.

— Йудырхума, Сергей, араъа мшкІы  
пхІвыс чмазагІвыкІ лхабар уасхІвтІи? —  
йрымцыраз астанан шей гІатайчвауа, Иван  
йынбжягІв дицІгІатІ.

Ауи атлахан Сергей шей йыжвра дал-  
ган, Пушкин йгІвыраква ъазкІу акнига гІа-  
йахвын, апоэма «Кавказ гъар» дапхярныс  
тшазирыхІазыруан.

— Щта, йылуа ауи? — йхІван, йхъитІыз

акнигагы хыгІвахын, дызлагІайцІгІаз аз-  
цІгІара джяуап айтхтІ Сергей.

— Ауи, йахъа дпсгвыщатІ. ЙхъауцІуз-  
тын, Сергей, ари акыт стабзазауижътара  
хвысквша цитІта, ауи апхІвыс лаъара  
аджвы сгвы дыцІалуата дгъымпсытІ.

— Ауаса йанаъазара, ауи гІвычІвгІвыс  
бзиддзакІ лакІвын,—йхІватІ, Сергей акнига  
атагІахъитІыхын, йтахъыз анапа гІайаутІ.

— Сара йшазызбауала, сгІващауата  
йгъІацІрым, ауи агІвычІвгІвыс «ари  
ахІаль гвymxa тІакІв лыламында» —  
ухІвушта закІгъи лылата гъІацІымцІрызтІ,  
ма, ауи акІвызтІхІва, лынцІра пасата  
далгатІ, — йрыбагъяхтІ Иван.

Иван йстакан йымжвуа тланыкъвакІла  
йнайрыскІятІ.

— Щта, йшпаучпуш, Иван, адуней апны  
щардала ауаса йгІаншитІ, ари дзачІвгІвы-  
чІвгІвыс бзия, гІвычІвгІвыста йыъу рхІа-  
льквалагы хабзата йрылулагы ари йапш-  
хазарквын, адуней пшдза рахІагы йпшдза-  
харын—ззухІвушта йаъу агІвычІвгІвыс ра-  
хІа паса йзгІайитІ апсра, — йхІван, Сергей  
йхътІыта йнапІыцІакІыз акнига хыгІва-  
хын, астал дыздзхъачІваз йыквицІатІ, йыз-  
квчважвауа ауыс рахІа-рахІа йщцІолахауа  
аниба.

— Ауи цІабыргыпІ. Ауаса рахІа гва-  
срадзата йсзалхуа, ауат йрапшу ауагІаква  
рынцІра бзи йайшысхауа агвахъахъгы,  
рпсхъа швабыж йанпудхауа гІаншитІ. Абар

ари хІызквчважвауа апхІвыс дгІахІахвыр-  
квын, йубума лквлейсызыгІа йгІалцІла  
уахчІва дырзыцІамцІауа йлыквхъвлатІ.

Сергей, арат ажвакв аняагІа, йлакта  
лашара лашцарахауа йалагатІ. ЙгІайа-  
хвырныс дазыгвжважвауата йхъаштылыз  
закІы йгвы йгІаташвахызшва, ласыта дгІа-  
гылын, апещ аурала, йчІвырхъакв псай-  
спата, бжбы рхъимыргауа, йатипуа дала-  
гатІ. ТшытракІ йаквкІыта закІы дазхъвы-  
цын, астал дазгІайхтІ, дызквчІваз арымдза  
йыгІвнапІыкІлагы даквхІауа, ачважвара  
джвыквциатІ:

— ЙуасхІвуаш удурума, Иван? Адуней  
динта йыкву закІы-закІ хъыз рымапІ. Ауаса  
ауат, аныкІ йгІалрийыз агІвазакв шапш-  
хауа апшта йапшыпІ, рмурадквagy азакІыпІ.  
Ауат рыуа закІгы адуней йгыквым,  
аквлейсыз йуыс ахчушта, ауи цхърыгІа-  
гІвта йзалуашта.

— ЦІабыргыпІ йухІвауа, Сергей, сара  
аджвыла кянгышра аламкІва ауи садгы-  
литІ. Саргы аурала йсхІвитІ, мцыра алам-  
кІва йаргы шаъу ауи акІвпІ. АрыцхІа  
квлейсызра, баргвыра, гвмачІыгІвара,  
швхІакІва ду дрылашвата, цхърыгІагІвта  
йзалырныс адин йадынхалуа тшырзына-  
йырхарквын, ауралагы йгІайыртуа йара ауи  
аджяуап заджвыкІ акІвпІ: «ЙчхІа! удуней  
хІатлазтынгы уахрат лашарахапІ! Ауат  
зымгІва урынйарныс йзхІвахяз анчва  
йакІвын. Анчва йуыхваз йгязчважвауам».

Йахъа ауи апхІвыс дымпсуа датша баякі, йпхІвыс дныжъхга, хмышкі ахІа зхъымцІуа йсаби дпсызарквын, йубарын айфандгы, ауи йцхърыгІагІвчву акъвыръан моляквагы, амуъазингы ауи йыкІядыгв апны нагІв-гІагІврата йтарцІуз. Ауат зкІапІикІа дуу йчІвыпІ.

— Йудырума, Иван, — йхІван, Сергей датагІаштІчІвахтІ. — Спсылагы сгвылагы сазыразта ауи ачкІвын йыститІ хтуманкІ, далацІайцІаргІатІ йан.

Иван йынбжягІв йгвы йгІанагыз швабыжта йгвапахатІ.

Сергей ауралагы дшаъаз ауи акІвын: анхачва-бзазагІвчва рыуа аджвы йызнийыз ачІыдагІа йара йызнийырквын, ацкІыс рыца йхыгІата йзалуан.

— Щта, спсы йапшу Сергей, уара гвчІагІврата йуыму, швагата йазалуаш гьсыздырам.

— Момо, Иван, сара сгвы хътІыпІ, сгІазрийыз аурышв уагІа ргвыцкя шхътІу апшта. ГвчІагІв чпарала, йбжу агІвычІв-гІвыс йцхърыгІарала сара сгІазрийыз аурышв уагІа ауралагы адуней апны рапхъа датша уагІакІ гьдмыргылтІ. Сара сызпу ауи аурышв уагІа па цІабыргыта сырзалра стахъызтын, гвчІагІв ду сымата саъазара атахъыпІ, йзапш уагІазлакІгы рыхъазла, анхагІвчва бзазагІвчва йгІарылцІта йаъазтын, ауат рыуа швара-гІвара йалашваз дгІалызгара атахъыпІ. Арат йрапшу ауыс-

ква схара ахъаз, сымч, сынасып ныжьхта, гІвгвықІ сымазтынгѣи, азакІы тысхра атахъыпІ. Ауи акІвпІ йшаъу сара сызпу аурышв уагІа. Зпсы дыззыщтІымххуа агІвычІвгІвыс йаъара цхърыгІара дазыбжата адуней аджвгѣи дыквта йгъгІацІрым. Ауи згвы йыззымрыцхІахауа йгѣи йтлакІѣуашла цхърыгІагІвта йзамылуа агІвычІвгІвыс йыму ащтанчІв гвыпІ. Сара сурышвпІ. УахъчІва сара, аурышв, абаза чкІвын гвжважвамгІва йыквта сйыдгылтІ. ЙзалыргІатІ сджьып йгІатыцІуа акІапІикІа цхърыгІарата. Ауи сара насып дута йспхядзитІ.

16

Азамат йан лпсра зджяра йгІанымхауата щарда дазнархъвыцтІ. ЗымгІва рапхъа ауи йнардыртІ: бзичва йубауа агІвычІвгІвыс дучвыдзырныс йнахъата йшхІатлу. ЙащтагІайуата, даланарпштІ ауи ахъахъыхра йайчву ашвхІакІва цІола, ага йымчызтынгѣи, ауи ззынарху агІвычІвгІвыс данамальынтшу, йжвгІвахъаква йшырзщтІыхуа, йчва цІагъа йшизытардзауа. ЙцІхъвахуата, йнардыртІ ауи таразта дшыъу ауи апш гІвычІвгІвыс, данчважвауа йажваква цха дзыта йрыхъагІазтІхІва, гвчІагІв йчпаъра анатахъу, йгвы дзхІахъвхауа. АуагІа рчваква шапшым акІвпІ ргвквагѣи шапшым. ЗакІгѣи йапшхымкІва, ауи йдырыз: йшыъу гІвычІвгІвыс, гІвычІвгІвысыгІа дукІ рыламкІва, урыцхІазтын, хъащтІыхла йгІауым-



пшуа, йбаю йкІалта багъята йырнапІыцІар-  
хъауа, ауи йамгІашхъва дырбзарныс  
рыбызквагы хІазырта. Азамат, йзымкІуа  
йыладзка апша хъчІвачІва йгІайшІасуа  
йлакта йаквнаршвуа, гІазаб лбауа длыгІза-  
та, ауаса йхайыр дызшІпсгІуз лымбаскІва.  
зынцІра йалгаз йан лпсхъа дацІагыла  
анышвынтара мгІвала дшымгІвайсуазгы  
йгвы арса йгІанагуан: «Йшпапшхуш гІвы-  
чІвыгІвысыгІала ани йквасквасуа сапхъа  
йгыла йцауа айфанд Мырзабакъи йгы  
арыцхІачви акыт йгІатанагаз аурышв Сер-  
гейи? Ауи айфанд гІвычІвгІвыскІ гвymхата  
данйыквчважвуш арса йхІвитІ: «Ауи ау-  
рышв дйайгвапІ. Ауи гвчІагІв гыймам:  
агяуыр дйыгяуырхпІ!» Момо, ауи йажвакв  
сара ужвы йзлахъасцІахуа гяъам. Арат  
агІвымышкІ сара сыла йыцІсызла йхІакъпІ:  
айфанд йажви уыста йхауи хвакІи тобакІи  
рызбжяпІ. Щта, йызлудищтІ ужвы рыцІа  
гІвычІвгІвысыгІа айфанд Мырзабакъи  
арыцхІачви, я анбжягІв Сергейи... Сан  
лпсхъа щтІаз Мырзабакъ тшахънайыр-  
гатІ, дауырта йлызсыргылуашта, йсымамыз  
ахча гІасаунацІкІяра, ауи йыщта сыгътай-  
мыргылтІ. ЙабагІазг, сквш гягякІ йсыгІа-  
мчынуашыз ауи ахча? СрымхІвауа,  
гвчІагІв ду сзырчпан, аурышв Сергей йгы  
арыцхІачва йгІасырттІ. Абан ужвы, упшы,  
ауи айфанд, ахча афгІвы анйыхІа, йъама-  
чамаквagy йцІыхъва йтагыла, гвчІагІв  
сзырчпауашва анышвынтара йцитІ.

Азамат йан данпсы амштахь мызкы анахъыцI, чрына далагахра мурадта йчпатI.

Ауи йгвы йгIанагуан: «Сан рыцIа мызкы дызджябатI. Ужвы чрына салагахра атахъыпI. СквшыкI аъара счрынпIта, йгIасынхауа сан садакъата йлыквсерыдзпI. Сан анышвынтара мцыра дыцIазла гяурым, хъатымкI лзысчпара атахъыпI. Уыста сыздуургыллакIгы схъвы сзыхуштI. Сан, адуней дъадзаквыз сыхайыркI лыквымшвазтынгы, ужвы йштлакIбуала садакъа хъвыдаъа дгIаанызжърым».

Азамат рыцIа дызхъгвыргIвауа чрынта зны дпшцIалуаш акIвпI.

Ауи йан лпсра апхъала дызчыныз Меремкъвыль СалыхI ауи ахIа дгънаймахвхуашызтI.

Азамат йан данчмазагIвха, дгIайхта дибара, закIыла дылцхърыгIара йтахъын. Ауаса хабза уагIвырсызта йаъан ачрын дызчрынъу абая йъизындаъа зджярагы дцарныс дгяхвитмызтI. Ауи ауысла йара дызцынхуз антахъгыт ачрынчва йызнымкIва драйкянгяштI.

— Ауи йнашкква анбзию зны йаквуыршвузтын, угяуиштуашым, — йхIватI ауасахча чкIвын. — Ауаса СалыхI йнашкбзита данубуш мачIпI. Ауи йыгвлачва баякква рыуа заджвы дангIайра, уйыдгылыр-

квын, ахъацлара тшайыргата уауищтырныс ауаштІ.

— АуинцІкІяра сан мыгІва дпситІ! Йшпасчпауа? Йсамалья? — йхъа йыгІвна-пІыкІлагы йыма, Азамат дхъвыцуан. Йал-лакІгы алтІ, сйызцапІта сйыхІвапІ, сан хъвахъвата дгІвнасырпсуашма?

— Уца, Азамат. Абан зыхъыз рымхІва-хыз дъагІайуа йара, — йхІватІ ауасахча, амгІвала йнапІы йрауа.

СаляхІ дангІадза, Азамат ауи йтшы агъвра дамцІасын, дгІатшыжвихтІ. Абая йуысква дрызцІгІата, дджвыквылхырныс тшазичпауа даналага, Азамат токяль йчпан, тшизынайырхатІ:

— АлахІ уылпха ситатІ, закІыла суы-хІвушын, СаляхІ... Ауи лачвгяла дангІай-пшы, Азамат йхІвуз ажвагызынамырдзахтІ.

— ЙухІвуш хІвата уакъвыцІх! — йхІван, быжь дула Азамат дгІайыквцІыртІ.

— Уа, СаляхІ, сан дчмазагІвыпІ. Лха-бар шгІагауала, арат йцІыхъвахауа амш-ква рпны рахІагы дхІатлахатІ. ГІвба-хпа мшыла саууштырныс суыхІвитІ.

СаляхІ закІгы йымхІвауа, йтшы да-квчІван, дджвыквылхырныс тшаназичпах, Азамат датагвъаджъхын, дйыдххылхтІ, гвчІагІв ззырчпара зтахъу лактала ди-пшуа.

— Уара ачкІвын йызбауа угвы шы-гъытІ. Уан лчымазагІври сара йсзухара атахъу ауыси зладхІвалая? Сара уара хвы-

ла усзычрыниті. Йанутахъу уцахуа, йанутахъу угІайхуа—ауат зладзуш сгъГІвычІвГІвысым. Сычрынква дрыуата аджвы, йплатла намдзаскІва чІвырхъа гятипрым! ЙГІаугвынгІвыма йуасхІвыз? Мо ухІвузтын, йамахІкІуая? АмакІчІвы гхІымам, йуфаз ухъвыта ухъа ъанарху уца, саба йаба дъацаз уцатІ, ауаса спны гІахъынхІвых гъуымахым, схъащтахъ шзымбауа апш уызбарныс угъстахъым.

— Ари йуыс датша уыспІ, СаляхІ, — йхІватІ йхъарамкІва йгылаз ауасахча шыкъапщ цІагІв хІагІа, йан дчмазагІв рыцхІата дщІапІ.

Арат ажваквa анигІа, СаляхІ йтшы гІахъынйырхІвыгтясан, ауасахча чкІвын дгІайыдххылтІ.

— ЙшпакІву, йшухІваз, ала йгІанарийыз? Йсчпуш уара йсурбума? — СаляхІ мцата далашватІ, ащагъра зхъыз йГІвылакІ угІадрыхІушта ртара йгІатыцІтІ, тширгъван, йнапІыцІакІыз акъамчыла ауасахча чкІвын дйыстІ.

— Ма, йдыр уара уапш пхтыкІ сара дгІасачважварныс насып шыымам! — йхІватІ датша ажвакІгъи йымхІвауа, атшы дащхъвасын, акытла йырхаухтІ.

Азамат, агІмызкІы йчрыншагъи аладзуа, йан чмазагІв дъалыщтагІайыз ахъаз, йгвчІагІвынтшаз СаляхІ йчрынра дгІакъвицахтІ. Ужвы ауи йпны дхъынхІвыхыргъи дшнаймахвхуашыз Азамат таразта йдыруан.

Азамат чрынта днайахвра ахъаз дйы-  
хІварныс, КъамботыргІа Якъвып йпны  
дгІайтІ.

АчкІвын щардагІвы йырхІвауата йгІа-  
хян, Якъвып йапш жьыхъ змам, зчырцква  
лампахшала рчрынша рчвызфуа, ауат ма-  
гІаны змадзам ахъазла рчва йтазхуа абыжь-  
кыткІгьи дыртамхарныс ауаштІ-хІва ши-  
зырхІвуз. Ага ауаса йаъазтынгьи, Азамат  
датша гІамаль чпарта гыйымамызтІ: дчІва-  
та дзырчушда, дабадгылуаш, адгылыртата  
йымая?

Азамат Якъвып йлачвгяква дрыгІвыздюз  
ачкІвын йара йапш чкІвын цІагІв хІагІа  
шлахъа пшдзакІ йакІвын. ЖвагІсквшакІ  
йнайхю ачкІвын йура йачвкІягвата йышву  
ахъамгІвартхъ йыпІкъ пшдза тІакІв аруы-  
баджыбун.

— Уаргьи ари йпны чрынта упщІума?

— Щта,— йхІватІ ачкІвын пшдза, ма-  
чІкІгьи дпшвырхъыччауа.— Уаргьи чрынра  
уалагарныс угІайта гІацІпІ?

— Ауи акІвпІ йсгвыгъу, саща.

— Йабоу, уахъчІва азальым йанйымш-  
мыз угІаквшватІ,— йхІватІ ачкІвын, псай-  
спадзата, йбжы зджякІы йыргІарныс дачв-  
рыхІауа.

Азамат ачкІвын дйыцта, Якъвып йтыдз  
ду абидоль днашылтІ.

— Абараъа угылазла, йгІвну дангІа-  
джвылцІхра, унашыл. Сара датшагьи уыс

сымапI, — йхIватI, Азамат абидоль дгIагIв-  
найжын, чIвырхъа ласыла дгIаджвылцIхтI.

Якъвып швабыж йнахъата дбаян: йуаса,  
йырахв, йтшан хIвычаква рпхядзара йар-  
гван йгIадзушта, акыт апны ныжъхта, апсы-  
хIва ауацIала ймачIын. Ауаса ауи пскIяра-  
лагъи ауат йырхъицун. Баязтынгъи, рыцIа-  
зтынгъи, ауи дыздыруата йауыз злайыпхюз  
«ачвайдза знапIыцIагIваз» — хIва акIвын.

Йнахъата йцIабыргын ауат йырхIвуз.  
Ауи зны сквш гIважви хвбакI дыртата йаба  
йаща Закрыя, гъычрала зыхъыз дзырхIваз,  
дйыцта къарча уатаркI апны гъычра йцан,  
уасашви швбжакI гIапхярцан, йшгIайхуаз  
йаланаган, ащарычIвара йабанардзатI. Йа-  
маркIы ачIвыя?

— Ауаса йгIахIцуа, сымгIващузтын,  
шви швбжакI надзитI, — йхIватI Закрыя,  
йыцтахъла пхар гIаюма-хIва дацапшуа.

— Щта, цIабыргыпI. Арат анагIвхIша-  
ра, ауахъ йсыму агIважви хвба рылата  
швкIы йнасырдзитI. Уаляхи, Закрыя, ауат  
ркъвнага шырзыхIха! Ужвыгъи ласыла зны  
хIрызгIайхпI, ауи гякIвымма?

— Ауат йухIвауа зымгIвадзугъи цIабыр-  
гыпI, Якъвып, ауаса ауасаква йаъарата  
йгягIвхIшушым. Сара сахIбапI. ЙанақIвыз-  
лакIгъи ахIба йхъвы рыцIа йщардахитI.  
Зъарая сахъыла чIыдата йхIщтийуа?

— ЗакIгъи!!!

— ЗакIгъи?..

— Шта!..

— Ауи шабу?

— Ауи шабу ари акІвпІ. ХІацгъычті, йгІагІгъычыз ацапшыпІ.

— ЙшухІвауала, уасакІгъи чыдата йгъІацуцІум?

— УасакІ ныжь, уаса шапІыкі чыдата йгънацщтиуам! Йгъяхым ауи алагара, хІацургъычгә, айхІара уара йаннауахвуаз. Ужвы саргъи схъацІахатІ.

— Момо, уара ухъацІара кІара ата-хыпІ. Ужвыгъи упынцІа таразта йгъузым-рыцкястІ... Йудырума уара йумгІану? Сара салала уара акІасамс уикІасамспІ!

— Ауи акІвма?

— Уара, амгвыхъ йагаз, ахІбагъи ай-цІбагъи уымдырхуа, ушпагІасачважва-квуауа?

Якъвып йахІба йазцІгІара джяуап гяйымтхті.

АгІвычІвгІвыс гІвычІвгІвыс дищырныс мурадта йаникІра, ашвыр ацкІыс дшвыр-хитІ. Ауи акІвпІта, Якъвып ужвы йлакта шцазла, агІвычІвгІвыс ныжь, ашвыргъи гІайрыхІарын.

Закрыя зныкі ахъаз уахъа Якъвып хІальта йгІайахвыз ззигара гымдыртІ, ауаса, ага йлащцаразтынгъи, ауи Якъвып йлакта дантапшы, ажва аламкІва, йгІай-гвынгІвын, зынла йкІярахватара дамцІастІ, ауаса, йабоу, йкІясачвахатІ: йара ауи ала-

хъвгІахъасра йаща йпа йакъама цІара  
йгвы йгІалагылтІ.

Якъвып закІзаджвыкІгъи йымчпазшва,  
дымгвжважвауа, йакъама йакІныз аща  
йрыцкян, атара йтайцІахтІ. Ауи агягяра  
днапшы-гІапштІ: ацІх уыла йгІацІасуаш  
дузымбушта йлащцаран, бжъы зхъыцІуаш  
закІгъи гымпІатІаууазтІ. ЙщапІ бырг апны  
аща гІайыцІчІвауа, йпсы дахъуа, дгвжва-  
жвапхядза дгврымуа: «Ай ласпа, ласпа,  
сбжя уаквчІва уызгІзан, ауаса гъычрахква  
рыхъаз уахъа сжъы гІауфатІ! Ма сшпаухъы-  
дзауа?» — хІва йаба йаща дщтІан. Ауаса  
Якъвып ауи йгврымра йлымхІа закІылагъи  
йгътамылуазтІ, йара йхъазы йзыгІанхуш  
ауасаква гІайгвалашвапхядзагъи, дгвыр-  
гъюнта, ауи аща гІазцІычІвауа йаба йаща  
йгвы ахъахъ дыквгІахІвырныс дхІазырын.

Ауахъ, Закрыя йпсы аналцІ, Якъвып,  
дгІаштІихтІ, дызквчІваз йтшы даквшІай-  
хІвахын: «АлахІ, алахІ сгямудзахтІ рахІа  
бзиддза йзбуз саба йаща дгІарщытІ» — хІва  
тширчІвыуа, амара гІатшкІарыцІымтаква  
рапшта акыт дгІаталхтІ.

Якъвып, ауи атшын уалагата уахъчІва  
йъагІадзас, йжъыру дижъырапІ — хІва  
жъыхъ йзимчпауа, йрычрынуа йчрынша  
йчвифитІ-хІва йылахъв гІахъамсуа, гъычра,  
хІарамчра, агІвычІвгІвыс гІвычІвгІвыста  
димпхядзауа дгІамгІвайситІ.

Ауи ащарычІвара ауахъ уалагата уахъ-  
чІва йъагІадзас швабыжта тшипсахтІ: ауи



ауахъ Якъвып уаса гІважви хвба рахІа  
гъйымамызтІ, уахъчІва ауат рхъи рцІыхъви  
гябабум, ауи ауахъ йъапІкъ-тлапІкъква  
сса-мссадза йаъаз, уахъчІва, йацкІыс гІвы-  
чІвгІвыс алачпа акыт дгътам ухІварыгъи,  
мцы гьухІварым, ашв мачкІ йтшвазтын,  
дзхъаламкІва дгъызнашылуам, рымдзата  
дызквчІвалакІгъи, дгъщтІнахуам, апхъала  
щардагІвы даларымхІвауа даъазтын, уахъ-  
чІва акыт зымгІва йшІацІгІтІ.

Щта, тшзымхІваджьюата йгІайылахая?

Йлакта квайчІва йшквайчІваз йгІан-  
хатІ. Ауи йлакта квайчІва ацкІыс йквай-  
чІвахыз йгвы йшаъаз йгІанхатІ.

Азамат алачвгяква дгІарыгІвыздаз  
Рауф йгІайайхІвыз таразын, уахъчІва  
Якъвып йанйымшмыз амшква йрыуапІ.  
Ауи хсквша йзычрыныз НашаргІа Мурат  
йчрынша йнахъауата йгъйымтуазтІ. Му-  
ратгъи ауи йзимуа, дгІайайбашуамца,  
Якъвып йгвыжвкІра апны днайырдатІ.

Якъвып йбыжь гвагІва дула Мурат йы-  
майкІуаз Азамат абидоль дышгылаз йагІун.

— Щта, ауи акІвпІ—ауаса амлага уыр-  
чарыквын, упыкв йгІасхитІ ззырхІвауа.  
Хсквша усырчатІ, уызгІвычатІ, знымкІва  
амла йучвагуз утгІачва тшыгІврала сырц-  
хърыгІатІ, ауи агвахъахъгъи хуасакІ ата-  
уыстхитІ. Уаляхи, йшсымдыруа уара, пхты,  
йутахъу, сызгІвахъвымызтын...

— ХІызлангІалыз—хсквша санузычрын-  
ра, гІвысквща йыртата гІвчвчІвыскІ гІасу-

тныс гякІвмызма, сызкъвырманхаз Якъвып?

— Щта, йуыстуа уымамачІума?

— ЙмачІпІ, спсы йапшу Якъвып.

— ЙаухІвуашя, ужвы ауи апхты? Уаля-  
хи, ймачІ гякІвымта, тІакІвгьи йшщарда-  
чву. Уа, наспсыз йгІалрийыз, ауи ахъца  
сгвыжвкІра йацсумырцІан, тшырдагвта,  
йуыстуа нахв мо ухІвума йгІахъсрышвгх-  
пІта, «зхъвы змамачІыз — йхъвы ала йчва-  
гатІ» — хІва ахуасакІ рыуа закІгьи умаухуа  
угІанхапІ. Убзира гІалцІра утахъызтын,  
чрыншата йуыстуа уадгыл, ауи акІвмызтын,  
уайгІваджьхыргьи, агІагырта гьуаухрым.

— Ауи шпаъу, Якъвып, йамна стдзагвы  
йта, хсквша руацІала хъащтІых сымамкІва,  
рахІа йуыс баргвкву сырзалыргьи, ажва  
сымхІвауа сзузычрыныз гІвчвчІваракІ рхъа  
адскІылырма-хІва акІвпІ. Ужвы йгІасчры-  
ныз гІасутхра апІатла аннадза, уайгІва-  
джьхын, ачвчІвысква уасахатІ. Йгыгвана-  
хІымма ари йсзухауа? УгІай, суыхІвахитІ,  
пшыртакІ сзычпа.

— ЙауыпІ йупІатІаз, уара цІапса, уахъ-  
чІва! Сара зны закІ ансхІвара уалгатІ,  
гІвба гьсхІвахуам. Йуыстуа уымгвапхуз-  
тын, уца, йъаутахъдзу утхІлаусыха!

— Ауи йамыкІвпІ, тауи гванахІпІ, ауи  
хІарамчрапІ.

— Уара йызбауа щарда ухІвуштІ. Ма  
йамыкІв, ма гванахІ, ма хІарамчра! Уара  
пхты, йгьуапшым сара шІарггъвала йгІа-  
сачважвуш!

Азамат абидоль дѣагІвнагылаз ауат  
рчважва бжы атарала йагІуз Якъвып  
жыхъ йымамкІва дышкшауи Мурат йчхІуз  
аудын бжы ракІвын.

...Азамат йынхаша Якъвып швабыжта  
йгвапхун. Якъвып йпхІвыс Сафяти йари  
йанырхъазхарыз, шардала Азамат йунашва  
лайхІвуан:

— Уаляхи, тажв, гІвыра гІазлыцІуа,  
йшгІайылцІуа. Бипшы ауи Азамат дша-  
хъуа...—араѣа, йажва йхІвушыз ацІыхъва  
йнаймырдзаскІва, Сафят дапылкъятІ.

— Ари зхъамыжв йтацІапсахыз йуна-  
шва шардала йгІаурахитІ. Сара ари акІв-  
пхІва йгъсыздырам, ауи ачвзаба бжяра  
йхъубагІауа? Анибырг санйылачважвара,  
йсгІванпспІ.

— Момо, тажв, бара йбтахъдзу бхІвар-  
ныс бхвитпІ. Араѣа бари сари йхІхъазыпІ,  
хІбжы згІауа дгяѣам, ауаса ауи быхыгІв  
пачва рыуа заджвы ауи дйапшхазарквын,  
адуней сара йсыдунейта йызбарын. Ауысха-  
ра апны дцІарапІта, — акъвырахъа дхъы-  
питІ, — ззырхІвауа дапшпІ. Дчважвауа да-  
лагахырквын, ари хІымгІанда ухІвушта  
ажва гъгІайшІыцІуам, йылахъ аквыта зны  
дгъубум. ЗымгІвадзугъи уыркъвыцІхта,  
йныкъваша гІваца уайхІвапсауата даѣапІ.

ЛхъацІа арат йцІыхъвахуз йажваква  
Сафят швабыжта лгвы йыцІалтІ.

— Анчвиныс, хъала быжыны дгылыргІа-  
тІта, ани ачвзаба па спачваква паргван

дшГамдзара. Йгьсыздырам ауи гІазлухуа,  
ауралагы упачваква угьрыквпшуам.

Якъвып йыпщІа чрын щардагІв  
пщІыщІтІ, ауаса ауи мшкІы аджвы ажва  
бзила йыхьыз гьГайгваламшватІ. Азамат  
йыхьыз йымхІвауа йгызычхІум. Ауи дйыр-  
хъвыхырныс рахІа йуыс хІатлакву йыйтуан.  
Азамат ауыс, ага йхІатлазтынгьи, цІба  
йзацІымбахуа йырхъюн. Якъвып амш ра-  
хІа йангвымхадзаз Азамат джнянах адхІва-  
лала чвагара диштиуан, ауи шуыс ласым  
йдыруата. Ага йласымызтынгьи, Якъвып  
йхІвара йзымдырхуа, Азамат, джнянахкІла  
йцаз дгІарцІымхъвахауа, йгІвджянахкІгы  
ачва йарчІвауа, йаргы уарадыжв йхІвауа,  
дгІахъынхІвыхуан.

Азамат йхъвымкІва уыс щарда йхара  
йыхъвда йташвун, ауаса йанакІвызлакІгы,  
ага уыс хІатла дазалыргьи, йшатахъу апш,  
мцыра аламкІва, йырзачІун.

Якъвып, Азамат данибарыз, щардала  
арса йгвы йГанагуан: «Йгьсыздырам сара,  
ачваба па дгІазлихыз. Анхара йазынйыр-  
хахырквын, кянгышра аламкІва, гІвыджь  
рхъвы йырзачІитІ, сгІапситІ-хІва мшкІы  
йылахъ гяквицІум, ауарад йпыкв йгыквшв-  
туам, йсзыджямщахуа, данчважвауа йхІва-  
уа йажваква ракІвпІ. ГІапсара йбитІ-хІва  
йчва гьгвымхахум, рахІа-рахІа, мшкІы ац-  
кІыс мшкІы, рыцІа тшарыцкьитІ, аща гІа-  
йылхватауа дкъапщхитІ. Ауаса йыъу—дыз-  
гІзахыз йаба, йынцІра чрынрала йгІайгтІ,

Йангы йаба дызлайагыыз гяамызтІ.  
Сара хыгІвпачва сьмапІта, адуней  
закІгы ргвы азыхътІымкІва, атихІа-  
гІвачва зынгы рлакта йтымцІуа, йгІа-  
дзынгылитІ. Ай, саба уихътынхатІ, спа-  
чва рыуа аджвы зымгІвалагыи ари дйапш-  
харквын, йсляжызя?

Зны Якъвып йпачва рыуа заджвы дчма-  
загІвхатІ. Платла амакІва Якъвып Азамат  
дгІазшІитын, айфанд йпны дищтитІ.

— ДшчмазагІвхаз зымгІва йалыргата  
йахІв, дшчварчвачвауа ухъураштылпІ уа-  
ра. Анахянат ашІагІварыхІква рыуа за-  
джвы дсщтийырквын, йалайырпІатІуштІ,  
йгІаугвынгІвыма, Азамат?

— Дара бзита йгІасгвынгІвытІ, —  
йхІван, Азамат мгІва дыквылтІ.

Айфанд Азамат йхІваз даздзыргІвын,  
кьтап хъитІытІ. Йпхдзы йрыцкяуа дпшгІитІ.  
Азаматгыи ашвамгыыцІара дыцІагылапІ.

— АлахІ-алахІ, ари апш згІва мчы са-  
ра йгысымбадзастІ, — айфанд йджяйщауа,  
анапаква ахъирышвтитІ. АхІы, йгІасаутІ  
ауи.

Азамат айфанд йгІайыитыз адуа, дан-  
гІайхуаз агІан, йымдыруата тутын алай-  
чватІ. Ауи тутын шалайчваз Сергей йпны  
дангІаджвыквылх акІвпІ гвы анайт. Араъа  
Азамат хъвыцра ду далашватІ. Айфанд  
йпны дхъынхІвыхума момкІва датша гІа-  
маль гІаяуума? Йшпасчпуш, арылагыи ласы

снамдзахырквын, азальым йГайхъачІвуштІ.  
АхІы, араса йсчпапІ. Якъвып йунагІва йыз-  
гІаныхуата заджвгъи дгъыгІвнам. «Айфанд  
йГІвытІ» — хІва сара йздыруа агІвба-хпа  
хІарыфла закІ хъысшвгІата йзгарыквын?..»

Ауи йГайгвалашвахтІ, йара йынбжя-  
гІвта йыцчынуа Рауф Якъвып йпа йГІа-  
йыквихта, йымаз акъарандаши зчва чвкІв-  
рыхта йГІважъхаз ашвъабгъыы тшыткІи  
рыбжа йГІайыйтыз йджып йштаз.

Азамат щарда дамкІуа, акъарандаш  
тшыти ашвъабгъыыжви гІатихтІ, зджякІ  
хъишшвгІатІ, адуа апш йамгвайцІахын, ай-  
фандгъи дйыдымсылхуа, Якъвып йыз-  
гІайгхтІ.

Азамат йара дшгІашылуаз Якъвып  
дгІайцІгІатІ:

— Хвыта йхІвауая адуа ахъаз?

Азамат зынла джяуапта йыйтрыз гъйым-  
дыртІ, «щарда схъвыцырквын, мцы шсхІва-  
уа сгІардырпІ», йхІватІ дгІамцІасын, араса  
джяуап айттІ:

— Ари адуа дзы шйыжвуа, дарбзихара  
атахъыпІ, хымшкІы йапынкІылата йыжв-  
уазтын. Данбзихара, сыскІ ссызгІадиры-  
гыргІатІ, — йхІватІ.

АпскІяра зайГайлуз Якъвып асыс ауна-  
шва анигІа, дгІагвжважвачван: «Ауаса йа-  
ба йымдырхуа йныс. Уаляхи, дуа йГІвып-  
хядзѧ сыскІ йыртлазарквын, йапш ари  
абыжъпсихІвакІ дыртамкІва, дшбайаха-

рыз!» — йхІван, адуа Азамат йгІайнапІы-  
цІихын, йпхІвыс Сафят йылзираутІ.

Сафят, зазата дгІагылын, адуа гІа-  
лахвтІ, чІаткІ йталцІан, дзы ацІалчвауа  
далагатІ.

— Анчва, тІакІв йшахъуцачвауа. Упа  
данбзихара, сыскІ йзутира гІауылахитІ.

— ЙауыпІ, йауыпІ йхІхІвахуа гяъам.  
Ауаса гварта злалу сус-суспІ. Дуа тшыткІ  
ахъаз сус дукІ укІыта йутырныс йсыма-  
шардапІта акІвпІ.

АчымазагІв, хмшкІы адуа дзы йымжв-  
скІва, дбзихатІ. Якъвып, ауаса йкІыта  
йыздирганцІыкІяра, Сафят йцІыхъва  
дгытымцІтІ.

Азамат дибапхядзагы Якъвып йгвы  
дзашлуз йыхыгІвпачва рыуа заджвгы  
йгвы йшахІвауа апшта дъанымыз акІвын.

АхІба Индрис йпхІвыс гІагра йахъна-  
хІвахян. Ауи сквш гІважви хвба даныртал  
далаган, ари хвысквшата йаба дизыпса-  
тлыхвитІ, ауаса йылахъ зджярагы йгыгІа-  
цІымцІтІ.

## 19

АхІвссаква Индрис дгыруам-хІва  
йууркъванчушта йгяъамызтІ. Ауи, йпыкв  
алаща апны йгІашІарышвта, хІалъла йылу  
рпны йыцІшвтхуа, пхІвыспакІ лгвы йагва-  
пхушта закІы гъйыламызтІ. Йуура, къвра-  
гъта, йауырачван. Ихъа ахуан апш йчІврын,  
йылаква тшвачванта, ртара агІылахІва

ЙгІатпшуан, йпынциа дучванта, йлақта чва-  
да рахІагыи йаруыба-джыбун. Псатлыхвра  
дандырцарыз, дмычІвчванта, дыззыдырцаз  
апхІвыспа гІважвакІ йызлахІвырныс йгъйы-  
лымшузтІ, ауаса ауи йаба, йымлыкв дхъна-  
хта йыцгІайыз, йпхІвыс уахъчІва та-  
цанадылра дула днардылуан. Азамат йбзи-  
барагыи ауи атацанадылра апны йгІаншатІ.

Ахъмарра ацІыхъва йнамдзаскІва, Зур-  
ят тшгІадрдыхтІ.

— Йыбуа, Зурят, рачвакІы ласы  
бгІайхтІ, — лхІван, ашв этІыта дгІазжыыл-  
хыз лан Маридат дылцІгІатІ.

— Йсызнийыз гъсыздырам, мма, слак-  
ца хъынхІвуа, зджякІквата сцан, хІуна-  
къващ Усыф тшгІайсрыдхтІ, — лхІван,  
тшылмыртІлауа зынла ачварта тшылал-  
рышвтІ.

Зурят ахъмарра далалызжътара гІвыс-  
кваша цІуан. Ауи ауат агІвыскваша руаца  
чкІвынчва щардагІв рхъа рчІвыхымкІва  
абзибара мчыта йдлыркІытІ.

Ахъмарра аларгата, ауи ахІвссаква  
дангІарылагылрыз, дрыламгІващауа дгІа-  
рылккІгІун. Лыпкъ цІагІв-ххвата, лшІа-  
хъа гяжъ пшдзата, лхъабра лыщхъва йта-  
суа, дгІахІвырныс дангІаквылрыз, ачкІвын-  
чва рнапІасра духунта, йлыцгІахІвуаз йхъа  
ду йбауа, дъадзагІахІвыз йымамачІта дгІа-  
квцІхуан.

АкІвашара кязу аннадзарыз, Зурят дгІа-  
зрыкІвашуз ачкІвын абгата агягяра гІван



дгъгІакІврымштуазтІ. АчкІвынчва рыуа дгІазрыкІвашара акязу змадзузгъи, «йабачара знымзара-зны акязу гІасадзапІ» — хІва, Зурят лахІа пшырта йымамкІва, «сшылпшчвауа гвартумиштІ» — хІва мадза-мадза йнапшы-гІапшуа йгылазгъи щардагІвын.

Айшыста йухІвушызтын, Зурят лыпшдзара зныбыжь йнайхята, хъылпа зхъу дхънамхуашта дгяъамызтІ.

Млыкв бзигъи рыма, пшдзаралагъи йрыгхауа аъамкІва, щардагІвын Зурят йгІалышталуаз ачкІвынчва, ауаса ауи ауат рыуа аджвгъи бзи дба-хІва лгвы йгъгІалнамхІвуазтІ.

Ари ауыс йахагІвазуз Зурят лынбжягІвчва хІвсысаква лыштахъла щардала йлыквчважвун: «АлахІ-алахІ, лыпшдзара гІакІв даладухумцара, штшылчпара гъылдырхуам. Йнахъата тшлырпагъитІ. Уарасара зхІвауа ачкІвынчва харзынаква йгІалышталуагъи йлачвалымща тшылчпитІ. ДабагІатыцІх ари, ауат рапш чкІвынчвагъи лымуа, хан йпа йакІвма дызццарныс лгвыгъу?»

Зурят лынбжягІвчва ауи ауысла лчва ахъазыкІ йылхъырхуан. Пагярата апхІвыспа йлылаз гяъамызтІ, ауаса лпсы йгІащтІнахуа, абзибара лгвы йгІатазыршвушыз ачкІвын дгъинымІасызтІ.

Йахъа Якъвып йтацанадылра апны, Зурят йлылалымхІвадзакІва, зхабар щарда-

ла йылгата, ауаса йара шыу зымдыруаз  
абзибара лызгайтI. Ахшам анагIвс, ахъв-  
марра шыц-шыц йаларгахтI. Джасы най-  
гвгъауа бая чкIвынчвата акыт йауазтын-  
гы сасыта йгайызтынгы, атацанадылра  
йгаднагалыз тшадыркIылын, гвыпта, ате-  
чара йызцан, ажвра джвыквырцIатI.

Агвып райшва абаза рызкъ шара-бза-  
рата йыула йчвыта рквта йтагылапI.  
Йыквымя ауат райшва! Абар, адари апш  
йгIважъта, ашырдза баста, асысыжъ псыла,  
ашвыджъ, агвагвыщыжъ, аквIужъ, ачашв,  
акъальтама, ахIальуа, абахсыма—зымгIва  
атенгъыз апш йщардапI.

АчкIвынчва йчитI, йыжвитI. АхIвсса,  
йымпIатIауа, ауат йырхъадзгылапI.  
Акъвабызгы акIыжкIыжгы, йанкъвакъвуа,  
абаза уарадкава йрыситI. Азамати Рауфи,  
гвщтIыхра азрымамкIва ауат райшва  
нкъвыргитI.

Абахсыма зхъа йташыз асас чкIвынчва  
рыуа аджвы йшлахъа швпIа йгIаквначвуз  
апхдзгы йджып йгIатихыз аблятакв  
шкIвокIвала йрыцкяуа, дгIагылтI:

— Уа, гвып, ага ссасызтынгы, гIвба-хпа  
ажва сшвырхIварныс снашвыхIвитI, —  
йхIван, агвып йыртхIамадата йчIвас Дауыт  
тшизынайырхатI.

— АлахI-алахI, йзамуая, йхIва закIгы  
йутахъу, — йхIватI тшызрагIымстауа йчIвас  
Дауыт.

— Уа нбжягIвчва, хIара уахъчIва хайыр

уысла хІалачІвапІ. ЗунагІва хайыр уысла  
 уахъа хІчІвугъи рынцІра аурала ари апшта  
 йдырга! Зыхъызла хІалачІву зылахъ ала-  
 лыз Индриси атаца чкІвыни ракІвпІта, ры-  
 насып цІолата йчпа, ауат срыджягІвагІв-  
 хапІ зхІвауагъи, йынцІра уасахчата йгауа,  
 гъынгъи пхынгъи йхъамыжв йыжвгІва йыз-  
 тымхуа, уахъчІва хІара хІызлачІву агвып  
 апш гвып дызрыламшвауа, хІадагІвача  
 гвыпкІ- дрылашваргъи, драчварымщауа,  
 апхІвыспа злакта дтапшуа, ллакта хъыл-  
 гІвауа, нцІрата йыму йырга!. ЙащтагІайуа-  
 та, гвып, сара йсхІвуш ауи акІвпІ: агвып  
 рыхъызла ари ашІа лрыдзырныс йлыститІ  
 Зурят.

АпхІвыспа дкІязызуа, йылдыркІыз аста-  
 кан, уау тазшва дачврыхІауа, йналахвтІ.  
 Дпхашумца, ласгъи закІы гылзымхІватІ.  
 КъомракІ, астангангъи лыма, ачІвыла дщтІа-  
 пшуа, йылхІвуш йгъи йшылхІвуш лымды-  
 руа, дгылан. ЙцІыхъвахуз, гвы лчпан, ар-  
 са дгІалагатІ:

— Спсы йапшу сайщчваква, ари уаута  
 сащрыгъи, швара швыхъазла тшасырщрын,  
 ауаса, швара йшыжвдыруа апшта, абаза  
 хІвсысаква шІа щтІыхІх гяхабзам, ага ауа-  
 са йаъазтынгъи, асас уахъа хвы сзичпан,  
 йхъвы гІаситатІ. Йхъвы йазхІатІ, дырбауа,  
 дыргІауа, дызлалуа агвып йарала йпшдза-  
 хауа йынцІра йгатІ. Щта, сшвыхІвитІ, сай-  
 щчваква, ари хвы ду ззысчпауа ашІа йъаз-  
 гушла сшвырхвитырныс.

Зурят ашла ыалгушызла ддырхвитті,  
бзиддза йылбауа йылтуазтын. Агвып  
бжыкІ рхъымцуа йдауышвахатІ. Зым-  
гІвадзугыи ла царала Зурят лахыла  
йпшуа йалагатІ. ЙазакІылпшитІ. Аджв  
аджв мадза-мадза йайхІвитІ: «ДзачІвыя  
Зурят хяпш бзи йылбауата араъа йыгІвну?»  
АзджякІгыи ргвы йгІанагитІ: «Адуней  
мильуанкІ ацкІысгыи, араъа йалачІву  
йрыдадзамкІва, сара йгІасылтында!»

ЗымгІвадзугыи йрапшымкІва, ауи ашла  
гІайыквшвара йашІпсгІуз ари асквшкІ Зу-  
рят йлыщтаз СаяхІ бая йпа Рашид йа-  
кІвын.

Зурят астанан лымтйыскІва, Рашид,  
дгвжважвауа дгІагылын, арса йгІарылай-  
хІватІ:

— Уа, гвып, йшхІхІваз апш, ашла зыл-  
туа бзи йылбауа йакІвпІ, — йхІван, дшгІа-  
гылыз апшта, гвжважвагІва йыквта  
дчІвахтІ.

— ЙбгІама, Зурят, ари ашла збтуа—ба-  
ра рахІа бзиддза йббауа йакІвпІ.

Зурят, закІгыи лымхІвауа, рахІагыи  
ачІвыла дщгІапшуа далапатІ. Ауыла ауи  
атхІамада йлырдырра лтахъын, ауи йхІваз  
шгІалгвынгІвыз йгыи йшйылтуаш рахІа  
бзиддза йылбауа.

МачІкІ анахъыцІ, лхъа зынла йгІа-  
щтІылхтІ, агвып тшатарзыналырхахын, ар-  
са йралхІвтІ:

— Сайщчваквa, ари асас йгІаситта

йснапыцлакы ашла спсы ацкыс хвы азыс-  
чпиги, ари апш сара хвду ззысчпауа сглай-  
мыршвхлакывауа йсзирьдырныс Азамат  
сйыхивиги.

Зурят лашла ашвхымсала йгылаз  
ачкывын йзылрауги.

Агвып йалачываз алалпсгиги.

Ауат рыуа аджвы, адуней хяхь-цахь-  
харыгы, ари йганшаз ганшапигымхива-  
рызиги. Аджви аджви ахьвлапшуа, йырхива-  
ра рымдыруа, кьомракиги йнайтиги. Агвып  
рдауышвара йапхяхауата Рацид йпи-  
тшыгиги. Ауди дчважвара ахьаз, атхиламада  
дшицигиуш йымдырхуа, зынла дгладгигиан,  
Азамат тшизынайыхатиги.

— Хла-хла-хла, напсыз йгалцыз  
швхымса хьягыла, хьямыжв гивартхь,  
аглапын хывынап ацкыс йчкывру —  
ауди йуквнагауата йглауылтдзушума? Ду-  
хыччауа йуылтти, уара астанан унапыцла  
угылапиги. Уара уакывсакывзарквын, ари апш  
швхлакыва сзымчывауа, акьяма стамакь йа-  
ласыргылын.

Ашвхымса йхьягылаз Азамат, Зурят  
йылтыз ашлагы багыята йнапыцлакиги, ай-  
шва дазгайын, дгладгылти.

— Уа, Дауыт, — йхиватиги Азамат, йна-  
пыцлакы ашла дапшуа, — хлара хлгларь-  
йыз ауралагы хабзата йрыцгамгивайситиги,  
агвып ахлбата йдырчываз, апыпха дапшыз-  
тынгы, ауди йажва йаздыргывуа йгы хвы  
йзырчпауа. Щта ауаса йанаьазара, хлаба-

чва йГартынхаз сахъымпауа, уара тшузынасырхитІ, уахъа агвып рпны йауашгьи йамуашгьи щаквзыргылуаш уажва акІвта йазызбауа. Ауаса йанаъазара, уахъала хвы зму атхІамада, суыхІвитІ, суырхвитта, ари ашІа йГасыртыз ахъызла гІважвакІ суырхІварныс!

Рашид, тшатайзымчхІахуа, гвыжвкІра ду дшалу аща квайчІва апш йаквшвыз йлакта йГанахІвауа, йтахъу ажваквва, йпсы йалаххуа, хвитта йзымхІвауа, быжь чІвыхъла дцІыруа датагІаштІчІвахтІ:

— Момо, хІара уара йуапшу афакъыраква хІгырызнымхатІ, хІрыздыргІвытагьи амаль гямам, ауи гякІвымма, гвып? — йхІван, тшкІайрышвхтІ.

Дауыт Рашид кІара йайхІвра гытахъымызтІ. АчІвыя чрыныжвкІ йыхъазла Дауыт Рашид йгвы дзасуаш? Ага ауаса йаъазтынгьи, ауи асасчва дырчвпхашан, хабзанташта, акъылыдата тшдирдырра гытахъымызтІ. Ауи ахІатырла, Рашид дашІайрысын, Азамат йажва наййырдызахтІ. Азамат ашІа ййжвтІ йгьи йГатарчвахыз Зурят йлитхтІ. Зурятгьи ашІа зчІвыз йылтхтІ. Асас закІы-гІвба ажва йхІватІ.

Араъа Рашид, йзымчхІахуата, дгІаджвылцІтІ. ДшГІаджвылцІуаз, «УнаджвылцІ, уымшвузтын, наспынтша», — йхІватІ, Азамат тшизынайырхауа. Азамат, йща гІазыршуаз Рашид йгвы йзйырчІвара йтахъыта, зынла дгІаджвылцІтІ. Ауат атдзы

аштахъла йабакъвдашатъ. Араба Рашид,  
йакъама глатичъвакын, Азамат дизытрыстъ.  
Азамат шапыла Рашид акъама злайымаз  
йнапы дасын, акъама йнапыщъйырцтъ. Ауи  
йаштаглайуата, йкъару йшгланагуазла йхъа-  
дзылмхларта дастъ: Рашид джлахлатъ...  
Араба йдру-чрухан, агвып зымгва абагла-  
джвылдатъ. Йаурын шарычъвара гланшар-  
ныс, алыгажв-тажквва ракъвмызтын. Ауаса  
ауаба йгънамдзатъ.

Ари ауахъ йглашларышвта Рашид му-  
радта йчпатъ, къвлейта дшглайшашваз ап-  
ны Азамат йымгва дапырихырныс. Уадыр-  
гвана Зурят дглайгта, адуней мыгвала  
йлиргарныс. Азаматгъи йглайгвынгъвуан,  
Рашид, йкъва-йсгларыгъи йща йхахра дша-  
щталуашыз. Ауаса Азамат ауи дукъ дгя-  
хъымгвыргъвузтъ. Ауи дыззхъвыцуаз Зурят  
лакъвын. Бзирала ауи Зурят пхъвыста  
дгъглайыртуашым, ауи хлакъпъ. Дглайырт-  
дзарыгъи, унагъвара дшпалалуаш? Йтдзыжв  
уахъчъвамызтын-уачъвы йклатъуштъ, хъад-  
кыларта гъйымам. Йара ахъвмаррагъваца  
злакъвйыршуш гъйымам...

«Зурят, сара дшызбауа йапшдзата, лар-  
гъи сглатбахитъ. Схъацъара азымхъауата,  
Зурят дсызгламгуазтын... Момо, ауи глан-  
шата амаль змам уыспъ, закъ глатхъвыцра,  
закъ глаура атахъыпъ...» — Азамат ари йа-  
пшу азхъвыцракъва уахъгъи тшынгъи йхъа  
йгътымшвтуазтъ.

Азамати Зуряти йґарбжяшваз абзибара щардаґвы рыхъаз йхъґырахатґ.

Ауат, джящахъвата йырбауа, рґвы арса йґанауан:

— Ауи шпау? Алахґ йаґвикъяхуа йбаю Саляхґ йпа Рашид дґбылуам, ани кґядыгвґи унаґвагъи змакґва, чрынла зынцґра гґазгуа, гъынґи пхынґи зхъамыжв йтымцґуа Азамат дґлалылхтґ, ауи апхґвыспа длагамызтын, йлагуа?..

Азджякґгґи ауи джяуап артхуан:

— Ауи акґвпґ, щта, йалапшуа далыдзгґитґ ззырхґвауа. Тшлырпагюмцара, ужвы лхъа ъалкґыхыз убитґ.

Арат ракґвымкґвагъи, ауат аґвґыджь рбзибара, дара йрылшаз абзибара йанґлаквырхра, рыцґа атаразра йаргванта йаквчважвузгґи аъан.

— Бзи йырбауа аґвґычґвґыс йыму амлыкв гякґвым, йара йакґвпґ. Зурят, абая йпа Рашид длымбауа, арыцхґа Азамат бзи дылбатґ—хґва дшпауыркъванчара атахъя? Ацха аъара хъґла адуней йгъыквым, уацґыхъвангґи йызтахъым йгъифум. Закґгґи ауи аъара чкґвынчва алапшы зчпуз Зурят дґгузыргґващарым. Азамат «дрыцхґапґ, дчрынпґ» уымхґвушызтын, бзи дызлаубуш хґаль щарда йылапґ. Пшдзара-ла уалагарквын, уйыґвпшта датша чкґвын угызыпшґларым, нхара ухґварын, чвуандыр адхґваламкґва, мшкґы агвашв дґгварцґуам. Йлакта гвыргъя зны



утапшызтын, ужвыгы зны стапшыхында—  
хІва уазыгвѣаджытІ. Йыла мгвыргѣяуа,  
йпыкв мпшвырхѣыччауа ауи ачкІвын мшкІы  
гІвычІвгІвыс дибата гыгІаццІрым.

## 20

Зурят лаба Аслян йпхІа Якъвып йычрын  
Азамат бзи дылбауата ахабар анигІа, йы-  
гІвщапІыкІ хѣырхыргы йгвы йѣадзамсуа-  
шыз аѣара, ауи йгвы йастІ, йылаква лаш-  
царахауа, щата йыцІаз йыццІтІ, йгвы агІв-  
кѣята, йара ауаѣа дымпсуашта йгѣхѣайым-  
цІатІ.

— Швара атгІачва йанакІвызлакІгы  
швынасып щачвпынцІала швасхитІ. Акыт  
рахІа баята йту СаляхІ йпа дангІалыщтал,  
бара, апхІвыс хѣага,—ужвыгы лагІа  
дыгънамдзастІ,—бхІватІ, бчІвыуа балаган,  
йгѣбымуытІ! АкѣасихІабляква ангІалыщ-  
талх «уакѣвыцІ лыда пхІа дгѣхІымам, акыт  
дгІатахарыгІатІ»,—бхІван, йатабпкѣяхтІ.  
Зѣаразя ауи ауат рпны чмата йгІалтны-  
цІуашыз? Йббама ужвы йылчпаз? ДзачІвыя  
ауи акыт апны бзи йылбаз? Акыт рахІа  
йрылхѣчІвгІата, зыкІядыгв рахвы ныжѣхта,  
цгвыкІ тшкІарам йакІвпІ! Дйыт ужвы ауи,  
ахѣага йхѣагаху апхІвыс. Швара швакІвыз-  
ма бая айгвачва зквнагуз? Швара йшвквна-  
гуз дгІашваутІ! Ауи ларгы баргы йгѣжв-  
барым! УачІвы ахІа пІатла амакІва, ауи  
хІунагІва лбгынитІ, СаляхІ тацата дйыс-  
титІ! Чмата йгІаситуашызлагы хІайчва-

жвахят!.. Баргы уачы адаквача шала-бырчывуш тшазрыхазыр.

- Аслян зджяра йгланымхауата дгвычывгвыс жыян. Ихиваз, йчвгя-йбзийызтынгы, йтгачва йыцрымхиваква амаль гямамызт. Мачкк йпшагылырныс йалагузудын хлатла йхвгун.

Назир, Зурят лаща, апещ даннашыл, лара лылахь швабыж йаквын, ачва йазпсуа йчва лыма, закггы лымхивауа ахакв дыдгылан, ауи дылчвухъарамкква йара Назир йпхыс Зарылягы ачвартагъвы махъа дыдгылан.

Ауат агвуджыгы гвтыккк - йшаквчважвуз, Назир йыцтабыжъ аныргга, зынла йшаншадрысхыз рлактакква йгархивун.

Назир, дчварныс арымдза глайызтыз йпхыс Зарыля тшылзынайырхан, арса йлайхвт:

— Бара агвна бца, хлан былтахъхарныс ауашт. Сара Зурят йылхъазыта тлакквслачважвушт.

Зарыля, ажва алалымцлауата, Назири Зуряти рхъазы йгланылжыт.

Къомракк агвуджыгы, уахъчва ахланцгра йабамбаскква йайчважварныс йачвпхашауазшва, закггы абырымхивуа, дауышвата йчван.

— Йбуа, Зурят, рачвакы бнашхыяп?— йчван, дылцглат, Назир, йажвакк мчыла дадырцалта йдырхивауазшва, агыла йглайшыцлауа.

— Йгы сшнашхыям, Назир, ахъязыкІ ауаса йубитІ акІвмызтын, уца мцыра аламкІва, схъа мачІкІ йсыхьгІвацитІ, — лхІван, лхъа гІащтІылымхуа, йара ачІвыла дщтІапшуаркІвуз Зурят Назир йажва джяуап гІалтхтІ.

— Уаляхи, мцыра аламкІва, Зурят, закІ тархІвауа закІ шаъазара. АхъязыкІ мцыта йырхІвауата йгыгІащтІрым: агІвычІвгІвыс йылахь ангІащтІуа йылахь аквылитІ.

— АчІвыя, Назир, ауи ззухІвауа?

— АчІвыя ауи зысхІвауа, былахь гІащтІ.

— ЙшпакІву?

— ЙшпакІву, йшпакІву! Ари сквшыкІта йбышту Рацид дыгьбымдырхума? ХІаби Рацид йаба СаляхІи ангІалтІ. Тацата быргарныс адакІвача уачІвыхъа йгІайитІ. БалгатІ, Зурят, ауи ауыс бара йалабцІахуа гяъам, йхайырхатІ. Йалуашыз алтІ, бнахьгІахьыргьи, йамуаш уыс ахъаз хІаба йудынгыи быквбмыршван. Ауи бара быхъаз хІани сари ажвата йхІачвайщаз базымцІгІахын. Щта, ауаса йанаъазара, сахща, хІаба бхъа йтахъымкІва гякІвым, ауыгыи дызшту бзазартата йлыхъвуш унагІва давшварма-хІва акІвпІ. СаляхІ йазыгъу дунагІвапІ йпа Рацид йакІвпІта—йапш чкІвын акыт дыгьтам ухІварыгыи, мцы уымхІвушта акІвпІ дшагъу. ДжягІвагІв дызмам дгяъам Йызхвыта йыбдыруая, ауи ачма щардата, хІыджягІвагІвчва рыла кІылнахуа, хІыкІя-

дыгв · йгІатшкІарахІцарныс. Ауаса бара  
закІыта тшыбчпапІта, баргыи хІаргыи йа-  
кІвым ажвала акыт хІыдбыргІапІ. Ауи  
акІвмызтынгыи, хабар мцыта ани Азамат  
бырг бзи дыббауата йынкъвыргитІ.

Зурят, лаща йажваква анылгІа, зынла..  
ЗымгІвагыи йрапшымкІва, йылчвымгыыз  
ажва «Рашид» ллымхІа йангІатас, къама  
царата йгІалылахын, луацІа аргъатІ.  
Ллакта джягърута йхъынхІвуа йалагатІ,  
дкІахІара апны днадзан, ауаса лынцІра  
апхъа йлыргылуата бзи йылбуз ажва «Аза-  
мат» анылгІах, лгвы йыквхаз ьазагІвата  
йгыи къарута йазалуа, гІапын марата лгвы  
арыхъгІан, дщахъымчІвалуа дгІащаквхатІ.

— Назир, — лхІватІ тІакІв анахъыцІ,  
Зурят, лаща тшизыналырхан, — уари сари  
аныкІ луацІа хІгІатыцІтІ. Ацри йаъара аду-  
ней хъгІа дыквта йгъхъасцІум. Щта, ауаса  
йанаъазара, Назир, сгвы йтата уара йуа-  
сымхІвуаш закІгыи гъам. Рашид, дызба  
ныжъхта, йыхъыз згІарыквын, джяхІанам  
алащцара стапшуата дсчвымыгъпІ, йуагІу-  
ма? Азамат—дызбитІ. Антахъгыт зымгІва  
уара йшутахъу йгІаныщтх. Сара ауи ауыс-  
ла датша йуасхІвхуа гъам. Ауаса, Назир,  
цІакІра аламкІва хІаба йсызйахІв: Рашид  
йпны сцара ацкІыс, амаша стата тшісыр-  
бапІ. Зурят, ащтанчІв гІазсыз йапш,  
дгвъаджъуа, ачвартагъвы тшталрышвтІ.

. Назир, ауи кІара лайхІвитІхІва магІаны  
шамахмыз анидыр, закІгыи йымхІвауа,

дгІагылын, Зурят луыс зкву йаба йайхІвыр-  
ныс агІвна дйызцатІ.

Зурят лхъазы апещ мцыра дгІагІвна-  
хатІ. Ауи ужвы ари асахІат адуней йгІан-  
шуз закІгы лакъыль йгялнардум, бзи йыл-  
бауа Азамати лари амырхта, йылчвымгъу  
Рашид дйыртныс ацІыхъва йштагылу шва-  
быжта лгвы йыцІалчван... Ауаса ауи лгвы  
дгътышвтуам Азамат. ЙачІвыта лгвы дац-  
чпая ауи ачкІвын! Йазылгвалазя ауи аду-  
ней млыквта йыквыз. Йгъылтахъым. Адуней  
атыбгІара апны лынцира йапхъу Азамати  
лари хвитта йацбзазарныс акІвпІ ауи дыз-  
зыбжу. Ауат адгъыл аггъвара, ага йгІва-  
разтынгы, гвабан тІатІата, ажвгІванд  
чІыхв дари хъызата, ахІахъв къазхъчыта  
йырзалрын, рахІа йанхътугы, аджв йгвы-  
ла аджв дйырпхарын. Ауат ацбзазарын  
уахъчІва мчыла йырбжьырхуа абзибара  
зынгы йымхъуа, рахІа-рахІа йкъагІауа,  
ауи къару ду гІарнатуа, ауи акъаругы  
йызкву адуней рахІагы йпшдзахара ахъаз  
йамайгъдзауа. Щта, ауи йнахъата йнасып  
дууын. УахъчІвала ауи анасып ауат рыхъаз  
йхъарапІ: бзи йылбауа Азамат дгъбаямхІва,  
йылчвымгъу Рашид йбаяра ахъаз мчыла  
дйыртитІ. ЙачІвкъванчагІая ауи? Йшпа-  
щтІнахуа адгъыл апны ауат акъванчагІа-  
раква нкъвызгауа? ГвчІагІв ду зму алахІ  
йакІвпІ, рхІвитІ. Щта, алахІ гвчІагІв йчпа-  
та ауаса йалзарквныз йамазя: мшзаджвыкІ  
адуней хъахъ-цІахъхата, йбаю дрыцхІахата,

йрыцху дбаяхазарквын! Уацыхъван ауи лаба Азамат дшбаяхаз анидырра, ажва алайымцлауа дййтрыни! Йзачывытагы йылтахъызя, ужвы ари асахлат лгвы данащца Азамат йлакта лашара дтапшырныс, лара лыхъаз хвы ду зму ауи йажваква арса ллымхла йлатгарныс: «Зурят, Зурят, бари сари хынасып айгайтI, зынги йалымцхуашта хылахъква анылтI, бымшвахын, ужвы хлара хламызхуаш къару адуней йгыквхым! Хлапхъахыла бара йббапI, бзи йубауа дуыцта адуней алашара апны убззарныс хьларата йалу!» Ауаса, йабоу уахъа ауысла Азамат—дылгвыгъарапI.

Азамат, Азамат — йзачив лашарая ауи Зурят лыхъазла! Ауи акывзтхива, ауи лпсы апш йылбауа ажва «Азамат» хвитта йылхварныс дгяхвитым.

Зурят нашхыяра ду далата, апещ алащцара лхъазы ачвартагъвы дтапI. Йымкъвауата щта быжъквакI лаглатI, лгвы зынла араса йатагланагхтI: «Ай ауат Азамат йщтабыжъзарквныз! Ашв ггайтгыта, — бхъазы алащцара бзылая? — хива дгашылзарквныз...» Дызлу алащцара йара ауи асахлат йнурхарын. Ащта быжъква ангаргванха, Зурят зынла гвы алттI: ауат зчывырхъатыпщу дзачывызлакIгы йгвыжвкIдзаз заджвы шйакIву.

Ашв лижвума ухивауата йгайтгын, Аслян дгашылтI.

— Дабо лара, апхивыспа харзына? —

йХІван, Аслян йбыжь гвагіва дула гвауата дазцігІатІ.

Ахы йтышвтыз апш ласыта Зурят дгіащтічІван, амза алыркІыті.

Асыс, агвы мгІвауа, амшв йангіамціасра йшкіязызуа йайчвата дкіязызуа, Зурят ачвартагъвы махъа дыдгылтІ.

Аслян, ажвакІ йымхівауата, йтвыжвкіыз йгівылакІ амцабыз гІарыцкіъяуа, Зурят ларгван днаскІятІ, йагъма напіыла йымаз ашамкъя хІагілата йщтіихын, Зурят дылцігІатІ:

— Айшыста йхіва...

Зурят, ачівыла дщтіапшуа, ласы закІгыи гылымхіватІ. Аслян йкъару йшгіанагуазла дкшатІ. Ашамкъя ащта чвахІвата Зурят лызкв йанылтІ.

— Бара гъбакІвымма сара сызцігауа! Йсхіваз бхума момківа бпсы тысхума?

Быжь мачідзала Зурят лаба джяуап гІайылтІ:

— Спсы тых!

— СатабысхитІ?

— Ухвитп!..

Аслян, жьыхь ткъвым йымдыруа, йапынкІылата, йкъару йшгіанагуаз даталысхті. Ауи дызсуаз, лкъару далгата, ллакціа шхъынхівауз гвы анайт «ЙухІвауа садгылитІ» лйырхіварныс ймурадта даталыквціырхті:

— Йціхъвахауата сыбцігІитІ!

— Момо!..

— Щта, дзачІвыя?

— Ауи... — араѣа Зурят, лкѣару ма-  
чІдзахауа йалаган, ажва «йуымуа» гылза-  
цымхІвахтІ.

— Дзапшыя ауи зыбхІвауа?

— Аза-м-а-ат... — лхІван, Зурят лылаква  
хъылгІватІ.

— А-а-а, Азамат? ЙауаштІ! Дыгьбба-  
рым, ауи анцІрата йбыму..

УацІыхъван атшын, щыбжян апш, лы-  
лаква ангІахъылтІых, Зурят дѣагІвназ або-  
ра апны акІвын.

СаляхІ йыдакІвачаква амцІиштхтІ: та-  
цата йгІайгуашыз, лаба аудын хІатла  
ѣалыкквицІаз йгІалцІла, уахѣа-уачІвы  
дпситІ рхІвауата, дчмазагІвахтІ.

Зурят, лыла гІахъылтІыта, лакъыль ан-  
пшгІа, йапхѣахауата лгвы йгІаташваз Аза-  
мат йакІвпІ: «Удынта сара йсыкву уапшры-  
квын, сщапІы сыквгылхырныс хѣацІауа-  
чвапІ, ауаса Азамат йлакта зны стампшы-  
хуа спсуазтын — сгІванпспІ. ЙзгІанызжѣ-  
уая... Азамат... санспра, счва алахѣай-  
бушта».

Ауи йлыхѣвдаз ахІамель лнапІы хѣчІва-  
чІвадза йгІацІашватІ. АхІамель гІалыхѣв-  
дылхын, дапшытІ: «Ари ахІамель аѣара бзи  
йызбуз сынцІра апны йгІасыднамгал-  
сызтІ. Ауи сбзибара ахѣаз ари апш удын  
хІатла ззыштІысхыз Азамат ащагѣи шакІну  
йыздсыргитІ. Ауи ари ахІамель йакІну аща



йбапхядзагы, йгІайгвалашваргІатІ, гвыла-  
гы псылагы бзи дшызбуз».

Щарда мцІуата ахІамель Азамат йгІай-  
напІыцІашватІ. Ауи йакІныз аща дапшыта,  
аблятакв шкІвокІва йамгвайцІата, йджьып  
йантайцІа, Зурят йлызйымаз абзибара ра-  
хІагы йымчхатІ. «Зурят, — йхІватІ йгвы-  
ла, — сара бара бзибарата йбызсыму цІола-  
рата йаму схІварныс сгялагарым, ауи злас-  
хІвуш ажваква ужвыгы сыбызшва йгялам.  
Ауаса сара счва алахъаббарныс ари аду-  
ней йбыстуашя? Йсымая? Сара бзи съаб-  
бауа ахъаз, удын бзыргаз баби мчыла  
бзыртуаш абая па Ращиди йшырхІвауа  
апш быргта, срыцхІапІ. Сара спхдзыла  
Якъвып йапшу ащажвыгІвчва баяхитІ».

Азамат ауахъ дщІалхтІ, ауаса, ачва  
дамгауа, йыквшатІ. Щажьыта, ансимшгІа-  
дза апш, дгІагылын, уыста йырзачІалуз  
алйырган, йылахъ швабыжта йаквыта ачва  
хІаджв адзхъа дчІватІ. Ауи дгвжважвитІ:  
йацы швабыж йчмазагІвыз Зурят йлыз-  
нийыз гыдырам. Ауи ахабар йырдырныс  
зыхъвда йыквицІаз Рауф дгяъахым. Ауаса  
дхъвыцуа дщІваз, Якъвып йтачанкІа  
нкъвызцуз Птуу, атшбора апахъ дышгылаз,  
дизыгІацІыртІ:

— Азамат, арахъ угІай, Якъвып йуыз-  
шІититІ.

Азамат, ажва алайымцІауата, ласыта  
дгІагылын, Якъвып дйызцатІ.

— УызгІаздыз ауи акІвпІ, Азамат, —

йхІватІ Якъвып, ажърыдз псыла йфуз ашша  
йпыкв арыкІазкІазуа, — уахъчІва Эльдар  
йтаца днардылитІ. СхакІва уаквчІвата,  
ауаѣа тшуратлас уасырныс уцитІ. Сара йы-  
здыритІ, уара уапшта аджвы йшизыгІамры-  
гІвуаш стшы. Абаракъ анджвыквыргара,  
аджвгъи йумырпауа сара схакІва йгІанау-  
рыгитІ. СаляхІ, тширхъацІа бзиуа, йхакІва  
апхънысырныс ныха йхІватІ. СхакІва ауи  
йныха асмыржакІва адуней сгыгІаквхарым!  
ЙугІама, Азамат? ✓

— ЙызгІатІ.

— Щта, ауи ахІа йуасхІвуа гъам, уца.  
Ахъвмарра апынгъи уыла тІакІв йуыр-  
пшыпІ. УахъчІва усырхвититІ.

— Саргъи закІыла суыхІвушын,  
Якъвып, — йхІватІ Азамат.

— Якъвып, лачвгяла дгІайпшын, йгІа-  
цицІахтІ:

— ЙуасхІвыз рхъйата, уацІыхъван зны  
усызгІай!

Азамат дгІаджвылцІхын, азальым йуна-  
шва шйырхъюшыз ацІыхъва дтагылтІ.

Эльдар йхъвмарра, быжъкыткІ йгІа-  
тымшаскІва, йхъвмарра духатІ. Акыт йтаз  
ныжъх, сасчвата йгІаднагалыз, рхъазы тша-  
дыркІылыргъи, кІядыгвкІ дырчвуашта йща-  
рдагІвын.

Ахъвмарра ашымта бырг йаннадза, зым-  
гІва йырнамрадзауа йыззпшуаз атшура-  
тласра джвыквырцІатІ. УазымцІгІан тшы-  
гІвта араѣа йаднагалыз! ЗымгІвадзугъи

йыртахъыпІ, ртшква айгІайра гІатыргара—  
абаракъ гІагра апны.

Агвы йалайырхІауа, уипшырныс хІва-  
псагІвата атшы зрыхъвмаруаз чкІвынчва  
гъмачІмызтІ. Ауаса, йаднагалыз зымгІва  
йыргвапхауа, Азамат дызквчІваз атшы  
йрыхъвмартІ. АйхІарагІв — ауи дзымдыр-  
уазгы—азазцІгІатІ: «ДызкІвынуда ауи?  
ЙачІв бзи дангІалуая атшы! АкІвдыр ахъа  
дтаргІзама ауи ачкІвын?»

ЙцІхъвахуз, атшыгІвква, йызбжялыз ау-  
рам йбжямшвауа, алюдан баракъ джвы-  
квыргатІ. Аджв аджв йнапІыцІихуа, акыт  
лагъьдза йыгІвтІ. Абаракъ Азамат йангІай-  
напІыцІашва, аджвгы дгІайхымрыдзауа-  
та, ахъвмарра ьалаз акІядыгв дгІахъын-  
хІвыхтІ.

Ари амщтахъ гІвыджь-гІвыджь йандыр-  
къвакъвуа йалагатІ: «СаляхІи Якъвыпи  
рхакІваквва апхъындрьгІвыргІатІ!» —  
рхІван, йаквыцІыртІ. ТшыгІвта акІядыгв  
йтшкІараз йгІарылырдатІ гІвыджь: аджв —  
Рашид, аджвгы—Азамат. Абаракъ йджвы-  
квыргушыз гІарпыразгуз ахъацІа, раргван  
дгІамдзаскІва, Рашид дщхъвастІ, дипырах-  
хын, абаракъ гІайнапІыцІижватІ, Азамат-  
гы дизымпшуа йджвыквигатІ. Азамат, ауи  
аниба, ахакІва дызквчІваз цІиста йрыпсс-  
гІан, хгвашкІ дрыгІвымсскІва Рашид ди-  
хъьдзатІ, абаракъ гІайнапІыцІихын, акыт  
данрылцІ, алагъьла дгІахънымхІвуа, райша  
акыт гІвынала йырхаутІ.

Рашиди Азамати КІвар бах йнатанагатІ.  
АКІвар йаннатал, апхъа йгылаз Азамат  
дызквчІваз ахакІва агъвра ашІайыргъвауа  
далаган, йГІайырпсайспатІ.

Рашидгъи ауи апшбыргта йчпан, агІвы-  
джъгъи тшазынадырхатІ.

Рашид йакъама зынла йГІатихІватІ:

— Насыпсыз йГІалрийыз, «аквту ащы-  
га ащамхы йГІацІнахитІ» — хІва йъастахъ-  
дзаз акІвар угІаталтІ. Уара упсхъа уа-  
хъчІва араъа йтыргушта гІацІпІ! — йХІватІ  
Рашид, акъаплян йафуаш ашвыр анабара,  
штшаквнарышвуа апш, Азамат тшйыкви-  
рышвырныс дхІазырта.

— ЙыГІбапІ хІГІвыджъ йтыргауа, —  
йХІватІ Азамат, айшыста.

— Сакъама цІарапІ, скъару тапІ. Уара  
уызлагІасабакІуаш, напІыршІашІума?..

— Сара уара йуапшу гІвыджъ рыхъаз,  
акъама гІважвижваба рымазаргъи, абджяр-  
даъа срайГІайырныс огвыгъапІ.

Рашид, йтшы аргвандзата Азамат йГІа-  
йыдицалын, акъама гІайылайцарныс тша-  
зичпатІ, ауаса ачкІвын дымшвауа, йыла-  
ква ахъамсуа, йлакта данГІатапшы, дызла-  
кшушыз йакъама ашІайкІыхын, йХІватІ:

— Уара, хъамыжв, йъакІвызлакІгъи  
угІаспшІагылитІ. Бзи йызбауа Зурят сы-  
лахъ данылра апукъятІ. Щта, ауи уызГІвар-  
ныс угвыгъума? Ауи сара йануызсыргІвара,  
ани ухъылпá чвкІвры сара йсхъапІ!

— Уара ухъылпа, ари самгІа йаКІну ахІвынчІвы аласрыцкярныс йгъстахъым, йауа ухІварыквын, ауи кІасамс хъылпапІ. ХъацІара злу сара схъылпа апш зхъу раКІвпІ, ауат йрымапІ махъвшІа, абари уара йуапшу акІасамсква акъама рыма йшкІязызуа йщахъзырчІвалуаш.

— Ауи акІвма?

— Щта, ауи бырг акІвпІ!

Ращид йакъама анГІайкъя, Азамат дымцІастІ, йгІайнапІыцІихын, йхъарамкІва йштІаз ахІахъв йаквикъян, гІвбата йагІви-чІватІ.

— Ма йгІанхаз нахвх, ауаса ужвинас уызсуаши узымсуаши уымдыруа аквту арыба апш къарудаъа уйыжвымхъвпалын, — йхІван, йакъама бжата йййтхтІ.

Ращид, Азамат йзихази йажвакви цІхъва амахымкІва дгІадыршын, тшимдырхуа тшйыхъвцІайрышвтІ. Ауат агІвыджъ щарда йабанкъвхІватІ. Ращид уипшрыквын, думдырхуашта дцатІ: чГІвычата йшвыз зымгІва алажжвахатІ, удын хІатла зквшваз йлакта чуанцІгІвата йаквшвытІ, йбухарска хъылпа гІвызджяра шІрыгягята напІыла йыма, ауи закІгъи йзымхІвахуата, дыщхъвасын, акытла йырхаухтІ.

АйГІайра зчІвхаз Азамат, гвыштІыхра йыма, ауи дйыщтахъпшуа дгылан. Ращид данхъараха, тшгІацайырпан, Азамат дгІай-зыцІыртІ:

— Йуырдыр, хъамыжв, ужвыгы уари сари хIшабархъвыхуаш, йайгIайуа дубапI! Азамат ауи дйыщтацIырхтI:

— Ауи саргы йсхIвитI, класамс! Йана-кIвызлакIгы схIазырпI уара супшIалырныс. Азамат йажвакв Рашид ййыргIара гытахъымызтI, ауаса апша, закI алымшв-туата, йлымхIа гвырпынцIата йтахуа йта-нагатI.

Рашид йгвы дащуа дымгIвайситI. Ари ужвы дшыу апш эджакIы дырбарыквын, Азамат ари йгIайзихаз згIауа йырхIвушя? Ауи днапшы-гIапшын, йбжы аджвгы йымгIушта йаниба, йхъа араса йайхIвтI: «Рашид, Рашид, акыт рахIа йбаю йпа! Агъата йузалыз уара уапш аджв йакIвма? Момо. Щта, дзачIвыя? Акыт захIа факъыра тахым. ЙгIаузихая ауи уагъа? Бзи йубуз апхIвыспа йара рыцIа бзи тшлирбатI, ауи йатайчвахта... Рашид, Рашид, ауи йгъзным уара дъадзагIауысхяз. ЙзыргIва-йзумыр-гIван, ужбы быжыны йфатI. Зурят дгIай-шIкъяхта, КIварбах апны удынта йгIауы-квицIаз йыквумцIахуазтын, йара хъамыжв йшихIвауа апш укласамспI».

Рашид йгвы йъадзалдзгIуз аъара Аза-мат йхъа духун, ауаса удынта йагъа йыкви-цIаз йымамачIхан, швабыжта дайгIваджъ-хуан: «Ай, саба утынхатI, сгIващатI, — йхIватI Рашид дйыщтахъпшуа—йчва рахIа-гы дтахыта, йкIвдырхъа дташIахIвахта дауштхра атахъын... Момо, зныкI ахъаз

йыквсцІаз аудынгы ауашті. Дуней хІаадзакву хІагъачвапі, йара йхІваща, знымкІва хІанйапІ. ЙанакІвызлакІгы йгвы сара йсыркІыпі, йхъацІа ауи, Зурят!»

Азамат йгІайгыз алюдан баракъгы йтшы йадхІвала, акыт дталхті.

## 21

Азамат, Рашид дипкъата абаракъгы рчвгІайгта, дангІайх, Якъвып йгвапхатІ, йшпакІву ухІварыквын, абаяква, йананйара, ршІа бзи адырхІвазтіхІва, амахъарыхъвара ъамаркІуа йгІалцІла, рпсы абатыхуа, йапшІагылитІ.

— Азамат дгІазшІышвт, — йхІватІ Якъвып, йхакІва шкІыдхІвалаз ахъышвла йаниба.

Азамат зныкІ ахъаз йгвы гІакІязызті. «СдиркІуашзапі», — дазхъвыцті ауи.

— Сажва уырхъйатІ, Азамат. УызгІвадахатІ. Ауаса Рашид йзухаз гяуам, ауи уымчпарата йучпатІ. СаляхІ удиркІырныс дащталті. Ага усычрынызтынгы, уалашІахІва скІядыгв утыргара гъстахъым. Ауи гІатымшара ахъаз, ухъа пщцІумгакІва йгяуашым.

Азамат йхъа кІашван, атшбора ахъыла йырхаутІ. Араѡа Рауфи Мурати йызгІайын, багъята йнапы ркІыті.

— УызгІвадахатІ, Азамат, йчва дтаухыті, Рашид, — дгвыргъюн Мурат.

— Ауи гъуысым, ауи амщтахъ йгІаншуш

акІвпІ йуысу, — йхІватІ Азамат, йылахъ аквыта.

— АчІвыя йгІаншуш?

— СаляхІ сдйркіныс ацІыхъва дтагыгылапІ, ужвыбырг Якъвып йгІасайхІвтІ.

— Ауат алахІ йнагІалат эквшваз, ауи акІраква ракІвпІ хІызладыршвауа.

— Якъвып швхІащахвыжъ баякІ йпны сищтийырныс йхІвитІ.

— Уца, уца. УъанызлакІгъи учрынпІ.

— Сцарын, зны сгІахъынхІвых ауашзарквын. ЙухІвауа тамампІ. Сара сыхъаз ауаъагъи араъагъи счрынпІ. Ауаса араъа сара йсхаквпІ, хІабачва, хІанчва араъа йгІатадритІ, араъа йпсыхтІ. Саргъи араъа стапсыхра стахъыпІ.

— Ауи цабыргыпІ. Ауаса уыркІрыквын, Сбыр уыргарыквын, гІахъынхІвыхрата йуымаху гяъахым. Ауыгъи ухъумраштылын.

— ЙзачІв заман мчыя, йзачІв дуней уагІвырсызя. Ари адуней захвагІара зыквымя?

— Ауи, Азамат, зынгъи цІхъва гяйауашым. Ауи акІвпІ акъвыръан йгІанахІвауа, анчва уйанкъвакъвуашма?

— Швбжыы швмырдууын, зджякІы йдшвыргІапІ, — йхІватІ Рауф.

— ЙыргІарыгІатІ, Рауф. Ауат ауи аъара уырчвымшван. АщажвыгІвчва зрыдзуащ акъару тшгІащтІнахитІ, рхІвитІ, Россия апны. Мурат йухІвауа сгядгылуам. Акъвы-



рѣан уари сари хІынхата, Якъвып-йѣачва лагакви йари хІыгІзара атахъыта йгыГа-нахІвум, йГІанахІвузтынгы йгытамамым. ЙшпакІву ухІварыквын, хІара хІацапш гІвычІвгІвыспІ. АчІвыя абаячва рыца йзлагъю? ЗакІылагы! Айфандквагы абаячва йрытланыкъвагІвпІ. ЗымгІвагы зшту хІара хІчва шхІхъырхуаш акІвпІ. Акъвыр-ѣангы ауи ахъазла йГІандыршатІ.

— Ауи ацІолара уаламлын, Азамат. Анчва йпны йГІалбгІаз аквайчІвара знапІы-цІугы ауаса урыквымчважван. Ауи ацкІыс-гы, уара ууыс хІалашвырчважва.

— Ауи цабыргыпІ, — йхІватІ Рауфгы.

— Азамат уыркІрыквын, угІахънымхІвы-хуа удрыдзпІ, аурышвква урыладзпІ.

— Уаляхи, Мурат, сара урышв йуацІа сштамдзра. ЗуацІа стадзуа Якъвып-СаляхІква ракІвпІ. Аурышв-рыцхІачва хІара йхІапшдзата, абаячва рджябагІа йацІапІ. ХІара хІызладырлагауа, арыцхІаква, ач-рынква тшызладхІымкІылуаш ажвапІ ауат. Ауат ажваква хІара хІкъаруква акъвыр-гитІ, йгІаугвынгІвыма? «АнхагІвчва зымгІва тшадхІкІылта, абаячва хІрысра, йквхІчІва-къра атахъыпІ», — йхІвитІ Сергей.

— УикъвыцІ уара Сергей. Ауи бзира угязигушым.

— АцІабырг утахъызтын, Сергей йгы арыцхІачва ракІвпІ сан дыцІазцІахыз, йгІаугвынгІвыма?

— Ауыгы шпаухра?

— Ауат йґасыртыз ахчала дыґасґатІ.  
Уымсылман баячва аджвґи йнапІы гьсз-  
ґаймраутІ.

Якъвып... — йхІватІ, ашвхъымса йкв-  
чІваз, Рауф.

Зынла ачважвараква ашІадрысын, йын-  
хауа йалагатІ.

АчІвыя тІызшва араџа узыквчІву? Са-  
хІаткІ айхІа цІитІ араџа уыквчІвизштара.  
АчІвыя йшвзымхІвахуа? — дрыквцІыртІ  
ачрынчва Якъвып. — Азамат, арахъ угІа-  
дзыргІвы. Хвысквша хвыдаџа усзычрыныр-  
квын, атутанакътара гьусырбарым... АчІвыя  
ухъа штІыхта уызґасымпшуа? Уґалигара  
ахъазла, асуд кІара йутра гятахъымма,  
ахІмыкъ йґалрийыз? Швара ахІайуанква  
адуней шалу жвдырума?

— ЙшухІваз апшта, уахъа сазхъвыц-  
пІта, уачІвы щымта йуасхІвпІ, — йхІватІ  
Азамат. «Сара снаспынтшаґла йара файда  
шґалихуаш дащтапІ, алахІ агІвыма пхдзы  
йайрыхъварарыз», — йгвы йґанатІ ачкІвын.

Азамат ауапІажв йхъытІвата ауандыр  
дъаныз аджвы дихъварушва йбун, ауи  
йыхъаз адуней бампІаґІвахатІ. АзакІы  
йшІихырквын, азакІы йшІайыргылуа, ту-  
тын йчвитІ, аячІваква дырпшитІ. Ауи  
ахъвыцра мчы далапІ: «Хвысквша Якъвып  
хвыдаџа санизычрына, хІан рыцІаґи  
псхъвы лзысчпарныс гьсылшахуашым, Зу-  
рятґи... — араџа Азамат йгвы ґайыхътІ  
чвґята. — Зурят, Зурят, зымґІва ґлазхъшаз

бара бакІвпІ. ЙпщІасцІуштІ схъа бара  
быхъаз. Момо. Якъвып йхІвауа сфайда гя-  
лам. Датша гвбзыгъаракІ гІасхъвыцра ата-  
хъыпІ. Сыздгылуада, сзайкянгяшуада? Зур-  
рят дадгылуашта йыздыррквныз, днасахв-  
рынта, ащхъа абна сылалхрын. Сшпалачва-  
жвауа, сшІа шпалзынадзауа? Рауф дыл-  
зысщтирма? Ауыгьи йызхъауцІадзушта  
дгяъам, дгІадыршварыквын, йхІвахуаштІ.  
Я Сергей даъата йаквшварквныз гякІвмыз-  
ма. Ари адуней апны йсамалья? Йсчпарыя?

АшыячІва хІагІата тшангІащтІнах, Аза-  
мат йылаква хътІыта йчвадахауа йгІаккІуз  
аячІваква дырпшуан. «Арат алаква хІайля-  
та срыщтанымкъвакІва йгяуашым. УачІвы  
йшгІашауа, Якъвып сйызцапІта, хвысквша  
чрынра сшадгылыз йасхІвпІ. Ауыла сща-  
пІы срыбагъяпІта, сымгвжважвауата йсчпа-  
ра атахъу сазхъвыцпІ. Сергей сйайкян-  
гяшпІ. Ауди хъацаІа гвыбзыгъапІ, мгІвакІ  
сыквицапІ. Зурятгьи тшлынсырйапІ» —  
багъята йщаквйыргылтІ.

Азамат мачІкІ ачва дагатІ. Ауди пхызла  
Зурят дйызгІайын, дгІайайбжюмцара, щар-  
да гІайалхІвтІ. УадыргІвана напІ пшкала  
йхъабра квайчІва гІалщщытІ. Азамат ачва  
дгІалкъятІ, дгІапшызтын, йшатІ: Рауф  
йхъабра дахъуа дгІайыршыхитІ.

— УылачвтІ, ахъацаІа. Угыл. Анахъ  
Якъвып дджвыквылуашта уара дуызпшитІ.

Азамат дгІагылтІ, тшйыршшван, Якъвып  
йахъыла дджвыквылтІ.

— Шта, йухасая? Сбыр тшдургума мом-  
кІва спны угІанхума?

— Упны сгІанхитІ. Сбыр стапсуа ац-  
кІысгы, скыт стапсыхырквын, рыца йа-  
гыпІ.

— Ауи шухІвушыз здыртІ сара. Уара  
абзии агвымхи узалыргитІ. Атшква кІвдыр  
гІарыквца, атаман аотдел йпны хІцуштІ.  
Ауи йакІвпІ уара упсы знапІыцу. Йшыр-  
хІвауала, СаляхІ, писар дикІын, тхІаусы-  
хара йгІвытІ. Ауи дхІайляпІ. Мурадта  
йкІыз гІайдахІвра ахъазла, йымлыкв дгІай-  
гьдзушым. УжакІя са, тІакІв тшрыцкя,  
астаница удырума? О-о ахІмыкъ, уара ста-  
ница убахяма?

Якъвып йнашхква бзийын, ачважвара  
дазычпан. АчІвыя йзымбзихуш—ймурадква  
аквшитІ.

Азамат дгвжважвауа йжакІя йсатІ,  
дшгылаз, хІатыкъкІ адикІылын, шей тІакІв  
йыжвтІ. Ауи, атшква кІвдыр рыквицІата,  
атшхъапарта йаныдихІвал, йамгІаква дыр-  
пшытІ—йщачвхъабаква гІаркІылпшитІ.

Якъвып хяпщ эквчву йырызна мЪа,  
акЪама, йчухІа кІвымжвы, йбухар хъылпа—  
чгІвыча бзита йымаз зымгІва йыдигалтІ.

— Якъвып сара суыцумырцан, самгІа-  
жви сари унапа ухъысхпІ, — йхІватІ Аза-  
мат, йамгІаква дырпшуа.

— А-а, утдзагвы рылачвтІ! УыжвгІан-  
дзара ушІа акІызма? Ей! ЙыжвгІума? Ари  
чгІвыча абгаквакІ гІайышвашвца!

— Ауди думырцарыквын, йгямуума? —  
лхІватІ Сафят.

— Ауди бара уыс гязбымам!

— Ани упачва харзынаква рыуа заджвы  
дуыщумырцума, йа муазтынгы... Ари ачв-  
кІвры закІгы гыйыгужьхуами!

— Сара дгІвыча схІватІ! ЙрахІвта,  
ддыргІвыча. Сара хъылпа схъапІ, пхІвыс  
лхІвала сыгыныкъвум!

ДакъикъаквакІ анахъыці, Азамат  
йкІвымжвы, йакъами йари дахъых-аціых,  
ахІачІаш дгІаджвылшвтІ. Ауди Якъвып,  
йтшы гІайыртІлатІ, агъвра ашІа йкІын,  
дтшыжвицілатІ. Йаргы, апша дщІнахыз-  
шва, йтшы тшаквирышвтІ. «ДзачІв щала-  
ся. Индрис тІакІв ари йхІаль-аъащаква  
йыманда, бзазаща уйырбарын», — йгвы  
йгІанагтІ Якъвып, Азамат лаціыхъвала  
дипшуа.

## 22

Амара анурква ангІаунашт, Якъвыпи  
Азамати агвашв йгІагварціті: Якъвып ап-  
хъа дгылата, жвыхв чІвырхъакІ раъарала  
Азамат ауди дйыщтагылата. Якъвып, йха-  
кІва рыціагы йрыхъвмарра йтахъыта,  
йыщхъвала адзарта дтакшун. Йара йацкІыс  
рыціа йкъвлайсызквас рпны асалям атара-  
ла ауди йхъа мачІта йнайыркъвуан, йацкІыс  
йбаяквас—тшацайырпунта, аргамта салям  
райхуан.

Акыт йанрылці, Якъвып бгъа-бгъарала дджвыквылтІ, ауи йцІыхъва дтагыла, Азаматгыи дквас-квасуан. АмгІва атшпы, ущамхъа йгІадзауа, хІвра гІайуан. АхІврапшдзаква йгІархъыцІуаз афгІвы, швабыжта йгвы йахъвауа, йтайгун Азамат. Ауи акыт дангІарылсуаз, Зурят дылбара йтахъын. Азамат, ага днапшы-гІапшызтынгыи, Зурят йыла дгыгІацІамшватІ. «Ужвы, Зурят, йсызниквауа гъбдырам. ХІара хІбзибара баргыи саргыи хІыхъаз йгвалырдызгІагахатІ, хІаквыддзахырнысгыи ауыпІ. Ей сара сЗурят, бара баба, дбаядзамызтынгыи, азаъаква дрыуапІ, сара йсмагІаныя? Ауи сара бшгІасимтуаш збымдыруая. АрыцхІа йчва шарда ташвитІ», — дхъвыцуа дымгІвайситІ Азамат.

Якъвып апхъа-пхъа дгъым-гъымуа уарадкІ йхІвун, уадыргІвана дашІасхын, дъацауа дшнашылуаш, йхІвуш, йшихІвуш дрызхъвыцуан. Ауи атаман отдел дызцуз заджвгыи йайхІвырныс гымурадмызтІ.

Якъвып, йтшы гІашІайрысын, дгІатшыжвцІтІ. Азамат ауи гвы гяйтатІ.

— Арахъ угІайта, ари атшы накІы, ачІвыя ауи аъара уызыхъвыцуа? Сара йуасхІвыз йгъзхъауымцІума?

— Йауа йазыхъасымцІауа? — йхІватІ Азамат, йызнийыз тІакІв дачвпхашауа.

— Арахъ угІадзыргІвы ауи уурышв, йыхъыз ачІвыя йара, псыкІ дылзгаз?

— Дзапшыя йсурышву?

— А-а, думдырх тшучпапІ ужвы, Иван йыгІвза шта?

— А-а, Сергей Алексеевичи?

— Шта, шта, Сергей. Ауи ачІвыя йгІа-уайхІвквауа? ЙцІауымкІын, йгІасахІв, на-спынтша, убзира гІалцІпІ. Сара уара спакІ йапшта усрунагІвара саштапІ. АлахІ йхІы-цихІвузтын, Зурят пшдзагы дуызгІазгпІ.

— АчІвыя сара Сергей йгІасайхІвуаш. Ауи урышв быштва сйырдыритІ, апхяра-гы мачІкІ сазибжытІ.

— Абаяква йыквчІвакьра атахьыпІ, — йхІвитІ, ауи гякІвымма?

— Уаляхи, ауи апш ажва йхІвауа йшзымгІас, — йхІватІ Азамат, Якъвып йта-хъу тамамта йгІайгвынгІвуа.

— ЙауыпІ, хІъацауа хІнадзарыквын, йыгІбапІ штшучпауа.

Якъвып, йуыс аниба, дтшыжвылхтІ. йгы зынла бгъабгъара дула дджвыквылтІ. Ам-гІва аурала ауи дгыгІацампштІ йгы дгъым-чважватІ. Азамат гвакъвпра шыц дала-шватІ. «Ари зунагІва рылачвыз йтахъу ачІвыя? АчІвыя ауи Сергей Алексеевич дзищыхІалыз? Атамам алахІ йдырхпІ, ауа-са ари амгвычв мурад бзи йымата сгыгІа-джвыквимдатІ. Ссакьра атахьыпІ.

Астаница атыдзаквгылаква, акьлиса, ат-кванква аниба, Азамат швабыжта йджяй-щатІ. Тыдз шкІвокІва дукІ йнадгылын, йгІашгІастІ. Азамат дтшыжвпан, Якъвып дтшыжвихтІ. Ауи тшйырдууа, ахъалырта-

квала дхъалын, йтЫз ашв днашылтІ. Азаматгы атшква йымата дшгылаз дГІанхатІ. Ашв ахъахъ йкЫдыз агІвыра Азамат шІчІварамцара дГІапхятІ. «А-а, ари атаман отдел ззихІвауа акІвпІ», — дазхъвыцтІ ауи. Азамат, дгыламцара, амара йхъа тнажвГІатІ. ЙцІыхъвахауата, Якъвып дГІаджвылцтІ.

— Атшква ауаъа йыдхІвалта, угІай, — дГІацІрытІ ауи. Азамат атшква кЫдихІвалын, атдзы днашылтІ.

— Ари йасхІвуа тамамта йгЫгвынгІвуам. ЙахІв урышвла, Сергей дшпаршавику.

— АчІвыя, ари уахІ йтахъу? — жакІя жажа ду зквыз, ахъацІа къапщ, квтанай Азамат дГІайцІГІатІ.

— Сергей—хІва хІкыт урышвкІ дтан, ауи ймагІну ййырдырра йтахъыпІ,—йхІватІ Азамат, Сергей Алексеевич дихчара йтахъыта. Ужъы акІвпІ, Азамат-Якъвып йтахъу анидыр.

— АгагІв Сергей агазджяра йныкъвитІ, сара ауи йылыздыргІая? Длагума ари?

— АчІвыя ауи йхІвауа? — дазцІГІатІ Якъвып.

— Сергей ймагІну хІара йыгІдыритІ, — хІыбышвала йхІвахтІ Азамат.

— Гаспадин, спасибо,— йхІватІ Якъвып.

— АчІвыя ауи спасибо зГІасайхІвуа? — дазцІГІатІ атаман.

— Сергей—хІва хІкыт йтаз дтыцІхтІ, щарда цІитІ. Ауи швара дтшвцахта йхІвитІ.



Адгяква аурыщквва бзи йгырбум, ауи ахъаз аківпі спасиба ззихівауа, — йхіваті Азамат.

— А-а, ауи аківпі «паршивый» ззихівауа. Ужвы йгласгвынгівыті, — йхіван, атаман апещ глатирыхівачвглауа дхъыччаті. — Аурышвыжв йыбыгівквагы гыуаухрым.

— Ауи апш паршавик хікыт йнатанугузтын, сглайта йшйасхівуаш, йара сшизцабыргу йахів, — йхіваті Якъвып.

— Господин атаман, сара сахі днауыхівахиті урышв ткъвым хікыт йнатаумжырныс.

— Длагапі ауи уахі, сычківын, ачырквъчпагівыжквва, акъанджял аквцагівчва, аъзагагівчва рщапты ъанамдзауа аъума. Ауатла Россия ащхъа бзазагівчва йырцхърыгіті. Россия, йглаугвынгівыма? — атаман Якъвып тшизынайрхаті.

— Спасиба, — йхіваті Якъвып, квырмыш йчпауа. — Унайх, Азамат... Бзила, агосподин, — квырмыш атайчпахті, Якъвып.

— Бзила, — йхіваті атаман дъачіваз дгламгылуа.

Якъвып аткванквва гламидаті. Йартмаккъва рызна хіап-чып йхвгіаті. Ауат рхъахъгы Азамат йура аъара йнадзауата кілчхърыпхракі рыквицлахті. Уадыргівана, ачарта днашылын, дыгівщнацікІяра дчаті, дыжвті, Азаматгы йуацла дахъуа атшквва дрыдгылан. «Арат раківпі йбаю, йтхаджьюа.

ТамампІ Сергей йхІвуз. Ауаса ари амгвычв уызгІвымсхыз дхІвапІ. УапшыстІ ауи йпхыцІайцІаз? Сара сихчарныс дгІайуата йхІвахитІ. Аурышв бызшва йдыррквныз, дыззгІа-йыз гьсимырдыруашызтІ, — дхъвыцуа дгылан Азамат.

— Унай ужвы, суысква зымгІва ахъвдаквысшттІ, — йхІватІ Якъвып, тІакІвгьи дага-магауа ачарта дангІаджвылцІх. Ауат, атшква йрыквчІвахын, йгІаджвыквылхтІ. Астаница йангІарылс, Якъвып Азамат дыдицалтІ.

— Уара ахІмыкъ лпа, уахъчІва хІызлачважваквас, ушІа йтыхта гІвычІвгІвыс йъайаухІвыз, ухъа хъсчІвапІ, йгІаугвынгІвыма?

— ЙгІасгвынгІвытІ, — йхІватІ Азамат, дшимыргвыжвкІуашыз даштата.

АмгІва аурала Якъвып йхъа йыртшхъвун, атамани йари айгварата йрызбжю йхІвун. Акыт йгІадзауа йаналага, йхІватІ:

— Угыларта ухъумраштылын, снапа схъумхын. Азамат тшгІахъйыршвахтІ.

## 23

Азамат дыдыркІырныс йшащтІу Зурят йылгІатІ. ЙлазхІвызгьи лаба йакІвпІ.

— Азамат дрымкІра бтахъызтын, — йхІватІ ауи, — Рашид бйыцца. Мо бхІвума, Азаматыжв Сбыр дыргуштІ.

Зурят йылгІаз ахабар луацІа джямбрута йтачІватІ. Аслян ауи лчва штшапсахуаз

йырхъвыхуан йгъи, йара йхІвауа дадгылауашва йбан, йпхІа тшаталзынайрхахтІ:

— Бара бпхІвыспа гвыбзыгъапІ. Ани афакъыра бйыццарквын, бынцІра арыцхІагІара бшацІымцІуаш збымдыруая? Сара сажва багъяпІ. Азамат бъайыццаз, сыкІядыгв нцІрата йбыму бшапІы гыгІагварабгущым, дунейлагы ахратлагы бсыхІарампІ. ЙгІабгвынгІвыма?

— ЙгІасгвынгІвытІ, — лхІватІ Зурят, лхъа наркъвы, лыладзква дырхъварауата.

— АчІвыя щта, айрыш, джяуапта йгІасыбтуаш? МомкІва ужвыгы зны бчва тштасбырхуашма?

Зурят лхъа наркъвы дгылапІ. АцІабырг лхІвитІта—дырщитІ, йгылхІвумта — йгятауыхуам.

— ЙауыпІ, гІвымшкІ пІатлата йбыститІ. Базхъвыц. ЙауыпІ счва йтбыршахяз, сыла хътІыта аджямагІат сгызырлапшхуам.

Зурят лаба данджвылцІ, ачІвыуара тшалттІ. Жъыхъ зму гІвычІвгІвыс ауи лчІвыуа быжь гызымчхІарызтІ. Зурят ачІвыуара ашІалрысын, ахъвыцра тшалттІ. «Азамат хабаркІ зсемырдыруая? УгІай, сылашара, хІайырчважва, йыхІчІвууа хІбзибара шхІчпуш хІаквырчважва. Сара схІазырпІ, суыцта Сбыргы снайырныс».

— А-а, пхІвыспа мышхаз, бзачІв айрышя. АчІвыя бзи дгызбум ззыбхІвауа? Сара бзи дызбузма баба? Абар ахыпчІва апш хІбзазитІ. БйыщцахуаштІ, лага.

Зурят лхъа, лан лгвытшы йыдта, тшыл-  
зашІамкІуата дчІвыуан. ДшпамчІвыура,  
гвырбзигата йлымаз лангыи бзи йбымбауа  
бйыцца—хІва анлхІвара. «Момо, Рашид  
йпны сцара ацкІысгыи, спсрыквын рыцІа  
йагъыпІ. Йынджыгы адзы тшастхпІ, йа-  
мудзахуазтын...»

— Ди, бпшыстІ, хІла аджвы йайшитІ,—  
лхІватІ Зурят лан.

Зурят атдзы дгІаджвылкъязтын, Рауф  
атвашв апны дгылапІ. АпхІвыспа, апша  
дарыпсгІазшва, зынла Рауф йпны днадзан,  
алаква йкъвылцатІ.

— Зурят, бгІадзыргІвы! Сара ласыта  
сцхра атахъыпІ. Уахъа, цІыхквтаква ра-  
пшта Азамат ани швгвара арыхъварта,  
атІупква ъалу апны дбызпшуаштІ. Бйыз-  
гІайуашма? ЙасхІвхуашя?

— Йара йанитахъу схІазырпІ.

— БангІаджвылцІра, тутын найырк-  
кІуштІ. Бзила!

— Абзи уанйатІ, Рауф.

Зурят лгвы атара йтыцІуашма ухІвауа-  
та дгвыргъюн. Ауаса, данхъынхІвых, лан  
лазцІгІара йбергълым джяуап алттІ.

— Дгъсыздырам, дгІвыма кытпІ, Муса-  
хІва аджвы дизыпшгІитІ.

— ДызМусуда, саразйан.

— Сиздрума. ХІкыт аъарагІвшара Му-  
сапІ.

Йанхъвла, Зурят ахъышвыгъвква алыр-  
кІыхын, дгІаджвылымцІуа, лпещ дыгІвна-

чІван. Ауди джасы шей лыжвырныс ыалы-  
муыз аунагІва апны заджвгы йгьджяйым-  
щатІ, йшпакІву ухІварыквын, йцІхъвахуз  
азаман ауди мацІдзан атгІачва данрыла-  
чІвуз, ахъазыра тшалтлун.

Абар, аунагІва апны зымгІвагы  
щтІалхтІ, йдауышвахатІ. Уангвжважвауа  
йачІв псайспатагы йцауая азаман. Зурят  
ахъышвыгъв бжа дзхътІгІа дкІылпшитІ,  
лыла ахъылымхуа атІуп цІла дапшитІ.  
«Ауди йхъа джвыквигушта гІацІпІ. Сыз-  
лащаквигІуаш ажваквакІ гІасайхІвуаш-  
запІ. Сара йшпасчпуш? Съацауа бнай,  
схъа бтахъызтын йымхІвузтын, йшпасчпа-  
хуа? Уара уъацауа снайуаштІ, улсырта  
спсыртапІ-хІва шпатшйыдсхІвалуаш? Ауди  
гыпхашарамма? Ауди хІвсыса цІасума?»—  
дазхъвыцуа дщтІан Зурят. Ауди апшта, йа-  
квылхуа—йаквылцІауа, дщтІаз, атІуп  
цІла апны ккІаракІ налбатІ. Зурят, дгІагы-  
лын, ахъышв лтІытІ, псайспа тшкІыллыр-  
хІван, днапшы-гІапштІ: заджвгы дгъям.  
Дауыш лхъымцуата дкІылстІ, дчІван, тын-  
чта днапшы-гІапштІ. ПатІаукІгы анлым-  
ба, атІуп ахыла йлырхаутІ. Зурят лахъв-  
гІахъасракІла ацІла ажъора йыцІагылаз,  
лпсы ацкІыс рыцІа бзи йылбуз, дзына-  
дзатІ йгы тшылзымкІуата тшйыхъвцІал-  
рышвтІ. АцІх лашцара шахІатта, йазазпс-  
уаз агІвыджь закІгы рымхІвауа йгылапІ.  
Ауат лахІварата йрыму ажвала йгъузыхІву-  
шым, ажва, зацкІыс хъагІа аъам рдакьи-

къа, рчвнарыдзныс йачвшун. Йгылан ауи апшта Азамати Зуряти, аджв йгвы кшара, аджв даздзыргІвуазшва, рынасып йазхъарымцІауа. Азамат йбзибара лыбра йгІахъыцІуаз афыгІв гвапа кяхв йнатуан. Зурят, дымпхашахуата, Азамат йнцІарала даулымштуата длымазлара лтахъыта, тшйыдлырггъвалын дгылан. Ага ауаса йаъазтынгы, Зурят апхъа тшгІалдырхтІ.

— Уабайырцаз уахъчІва ауи амгвычв уагІвырсыз?

— Астаница хІаъан.

— СалыхІ удйыркІырныс даштата рхІвитІ. Ауат алаквa ужыы думрыфын, утыцІ. Апхазквa рпны акІвма, зджяра уца. Уара уыркІыта йызбарагІатІта, салпсгІапІ, йгъсзычІарым. Сара...—араъа, Зурят лажва ацІыхъва днаймырдзауата, Азамат дыззгІайыз лайхІвуа далагатІ.

— Зурят, сыла йапшу, спсы йапшу. ХІара хІпхашара йгІахІнатра гяъам, йхътІыта хІгвы йтула хІайчважвара атахъыпІ. Аджвы хІйымбаскІва, ласы-лас хІайырчважва. Бара йбгІаз цІабыргыпІ. «Хвысквша хвыдаъа усзычрынта, угъдсыркІрым», — йхІвитІ Якъвып.

— Учрынха, йамуазтынгы уызбалапІ.

— Момо йгяуашым. Ауи йхІвауа мцыпІ, уахъчІва астаница дызцаз Сергей ддйыркІырныс акІвпІ, Сизычрынуашта йасхІвтІ. Сергей сйынйанцІыкІяра, ауаса йсымчпакІва йгяуашым. Ауи йапш хъацІа ауат

агІвыжьфагІвчва дырнапІыцІаршва йгя-  
уашым. ЙбасхІвуашыз ауи акІвпІ, баргы  
гІамалькІ гІахъвыцта, тшыкІ. Сара Сергей  
сйайкянгяшта, араѣа стыцуаштІ. Бара...

— Уѣацауа снайуаштІ, упсырта спсыр-  
тапІ, урадаѣа мыш заджвыкІгъи адуней  
сыквызларныс гьстахым. Суымзарарху-  
шызтын, сгІанумжын!

— Зурят, сара сызлабайгвгъуз бала-  
гІацІтІ. Спсы ѣадзату хІацызлапІ, анцІра  
бгьсызарархарым. Йамуыхуазтын, хІкри  
щхъаква хІкъарчІвахьпІ.

— Ужвы закІгъи сгячвшвахуам, адуней  
шыц-шыц сгІаквылхтІ. Йанутахъу аза-  
ман сара схІазырпІ. ЙхъацІа, хъацІакІ йа-  
пшта гІвзата сшузалра.

— ЙабахъасымцІахуа, ауи збхІвауая?  
ЙшзгІазла, Ращид бйыцымцузтын, шваба  
хІарамта бичпуштІ.

— Ауи апны днасырдзума. Ращид йна-  
пІы гІасхъсымрысра ахъазла, сымкянгяшуа-  
та адзыгІв тшастхпІ.

— Зны башІас, анаѣа аджв дпІатІауитІ.  
ЙхІызкІылпшума?

— ХІтышт, йара уахъа, ужвы-ужвы,  
ахІа пІатла амакІва, хІтышт!

— Момо, ауи уазхъвыцра, тшазадгалра  
атахьпІ, — дщаквикІытІ Азамат йпхІвы-  
спа. Хъара йныкъвуз тшгІайраргвантІ.  
Азамат дчІватІ, дыцІпшызтын, йынбжягІв  
Рауф йакІвпІ.

— Бымшван, ауи Рауф йаківпі, хіара хіихчиті. Зджякі ныкъвитіта аківпі этшгІахійырбауа. Щта, йшбасхІвыз аківпіта, бзила, сара ахабар гІабсырдырхпі.

Ауахъ Зурят дгъымчвті. Ауи Азамат йгІалайхІвыз швабыжта дайгвыргъюн: мацІ-шардазтынгыи, агІвыджь ацбзасуштІ.

## 24

Чва ухырныс ужвыгыи ахІвра айдзаркІван, ауаса Якъвып напсыяжв Азамати Рауфи ащхъа йхъайцылтІ. Ауат йапхъахауата тып рчпатІ. УадыргІвана атшын Азамат чвахыгала дхуан, Рауф дмацІауытІ, атшбыгква йрыцІаратІ. Хъвлапны агІвыджьгыи Азамат йуыс йалачважвауа амца йшадзхъачІваз, урышв хъацІакІ дгІарыдгылтІ.

— Швыхъвлапын бзита, — йхІватІ ауи.

— Сергей! — Азамат, дгІаштІчІван, тшйыхъвцІайрышвті, — УабагІатыцІ? Йшпабзийыз!

— Йубума, сара сшаъу, сызтахъу дыздыритІта, сйызцитІ, — дымшыркъватІ Сергей. — Сшврайгвушма, ачкІвынчва хахваква?

— УабахІымрайгвахуа, угІачІвал, уартмакъгыи уыхъвдых. Ари сара сынбжягІв бзи Рауф йаківпі, датша заджвтыи дгъям

— Ауи бзипІ, Азамат. АчІвыя ауи аъара уызсзыгвжважвуз? — дазцІгІатІ Сергей, йартмакъ щтІайцІан, амца дадзхъачІвауа. — Якъвып астанѳца уъайырцаз йугІаз



акіВма? Уымшван, сара Якъвып йгыи ауи йапшкву тшгырнапІыцІасыршварым.

— Уара йалудыргІауая Якъвып йхІваз? ЙгІауазхІвда? — йджяйщатІ Азамат.

— Ей саща Азамат, хІара хІуагІаква йъакІвызлакІгыи йаъапІ, хІара зымгІвагыи гІбитІ, зымгІвагыи гІдыритІ. ХІара, Ленин йунашвала ауагІа нхагІвчва бзазаща пшдза шрауаш хІазабакІтІ, ауи ахІатырла ауагІа хІара йхІыцІагылапІ, йгІаугвынгІвыма? Ауат ракІвпІ ауи ймурад пІай гІацІзырпшыз.

— Азамат, дзачІвыя ауи Ленин ззихІвауа? — дазцІгІатІ Рауф.

— Ленин ауахъ Россия даъапІ. Ауи абаяква аъахымкІва бзазаща пшдза гІан-йыршарныс даштапІ. Ауи йгъихъазым, уагІа гвыбзыгъа щардагІв йыцпІ, — йхІватІ Азамат, Сергей дипшуа.

— Азамат йучпауа тамампІ, абольшевикква рпартия атурых арыцхІаква, ауат ззабакІуа гІаргвынуыргІвра атахъыпІ. Адгъыл йгыи абаяква рырахкква арыцхІачва йрытхуштІ.

— Ауи бзипІ, ауи акІвпІ хІара хІыз-шІпсгІауа, — йхІватІ Азамат. Сергей йхІвак-ваз, аурышв бызшва бзита йзымдыруаз Рауф йайхІвхтІ.

— УнагІва щцІу апаштахІ дшузахъыхра!?. Ауи къару йымапІ.

— АчІвыя Рауф йхІвауа, Азамат?

— ЙгъхъайцІум, апаштахІи абаячви хІзыквчІвакьюашта?

— АуагІа рымч дупІ. АуагІа, йацІагы-  
лата тшгІащтІырхырквын, йырзымчпуш  
гьяам. АзджякІ тшангІащтІырхра, азджякІ  
йшвата щтахъла йахъхырквын, закІтъи  
гъузычпушым. Акъала дуква рпны йабу  
арабочаква афабриканткви атйыгІвчва бая-  
чви йрысуаштІ, апаштахІ йгьи ауи йуыс  
нкъвызгаквауа амырцуштІ. Шваргьи  
швзрычрынквауа шврысра атахъыпІ. Зынла  
тшацгІащтІыхІхта, ауи йшсхІваз апшта хІа-  
цкшарырквын, авласть хІара йгІахІкІуаштІ  
йгьи хІхвитта, хІтхаджьюа хІбзазуштІ.  
ДзачІвызлакІгьи йхъа дазынхахуаштІ.

Рауф Сергей йхІвуз йгвы аквкІта даз-  
дзыргІвуан, йъагІайгвнымгІвуазгьи Азамат  
йгІайхІвахуан. Ауи йгвылагьи йпсылагьи  
йтахъын аурышв дызквчважвуз апш бзаза-  
ща, ауаса ауи гІанырша йауашта дукІ йгя-  
зхъайымцІузтІ.

Асас йшыртлакІъуазла йчІархІтІ. Рауф  
дычвхтІ. Азамати Сергейи, йайчважвауа,  
ахІвраква рфгІвы йафгІвышвауа, аячІва-  
ква йырпшуа, абзазаща бзи йазхъвыцуа,  
йазнацІауа, шарда йчІватІ. Азамат йуыс  
эквыз зымгІва Сергей йайхІвтІ, йгьи мгІвакІ  
сыквцІа, йхІван, дйыхІватІ.

— ЙшухІвауа апшта, абна уылалхта,  
абаячва. уыҫмабакІуата уылачІвазлар-  
ныс, сара сгязыразым. Сбыр уыргауатагьи  
йгьстахъым. Датша закІы гІахъвыцра ата-  
хъыпІ. Згарта смауа Зурят лакІвпІ. Ауи  
дгІаныжь гяуашым, дыдзуаштІ, дуыцта

уджвыквлырнысгы йшварапІ. ЙауыпІ, Азамат, уычвх, тшыртынчх. Ауи ауыс гвжважвагІвала уадгыл гяуашым. ХІазхъвыцпІ. Якъвып тамамта джяуап йутатІ. Ауаса Зурят йгІалщыхІалырквын йылхІвушыа, йылчпушыа?

— Ауи хІгязымхъвыцпІ, Сергей. Лари сари хІайчважважътара 3—4 мшы рахІа гъцІуам. Уара сунымйакІва ауи амгІва дызквсцІушыз гьсызламхІвтІ.

— ЖауыпІ, Азамат. Саргы сгІапсатІ. Уымшван, закІ глахІхъвыцпІ, уыпшдза дгьгІаныгІжърым..

Сергей акыт дгьтамылтІ, АзаматыргІа рпны гІвымшкІ тшпсищан, мгІва дыквылхтІ. Ауи йгІайгыз алистовкаква Азамат акъвтыр йган, йыззихІваз алыгажв йййттІ. Ужвы Азамат Сергей йгІайхра дазпшуан, йшпакІву ухІварырквын дангІайхра акІвын Азамат йчпуш анлырхуашыз. Акыт йгІатыцІта йгІарыдсыллакІгьи хабарта йаъула йырцІгІун, ауаса Зурят лунашва аджвгьи йгьимхІвузтІ. Зурят щымтала щажъдзата дзгара дщцалауа йдыруан Азамат. Ужвы ауи гІайрысабапра йтахъхатІ. Азамат, йхъа башлыкъла йшІайхІван, акъвтыр абзазгІвчва йырчІвыта ауахъ йгІайкІыз алаша даквчІвата, нырчв атшпыла дшымгІвайсуаз йыквшатІ. Зурят даниба, йагІвичвын, адзыгІв дыртІ. Зурят дмырхІара ахъазла, йбжъыла тшлирдыртІ.

— Буысква шпаѳу, Зурят? МчыбжыкІ ахІа йгьсымгатІ бзымбауата, — йхІватІ Азамат, — аргвандзата длыдымгылуа.

— АнцІра угьсымбахуашдзысщан, спсы гвжвайуан. АчІвыя сара сзургуш, йамынагы сгягарым, уара закІ узырымхаргІатІ.

— Бымшван. Ауат алаква тшгьрыстрым. Хабарта йаѳая?

— СаляхІ асуд уайтатІ, удйыркІра йтахыпІ. Рашид дѳаубкѳаз рѳва йгІатнацитІ. Якъвып уижятІ. Ужвы уара ухѳа амаль учпахра атахыпІ.

— Бара закІгы гыгІабарымхІвума?

— Уара рыла уыцІырхырквын, сара йгІасылагушта гІацІуаштІ. Йара ужвыгы хІаба ансимшы дгІасайситІ, баста мыжда сирыфитІ.

— Бара бадгыл. ЦІабыргыта йсхІвитІ, бадгыл. Ауаса тшрычмазагІв. Сбзихарквын, сйыццапІ, — хІва йрахІв.

— Сара, йара ауи акІвмызтынгы счмазагІвыпІ.

— Арахъ бгІадзыргІвы, уахъынла, джясква анхъшвтра, атІуп апны атутын ккІара рхъвыхла. Ауаса акІвымкІва хІабаба йгяуыхуашым. Бзила, анахъ пхІвысквакІ дзгара йгІайитІ. Сара ачвахырта, акІвар цІола апны, сывпІ. СгІамдзаскІва, кІара гІаншузтын, ахабар насырдырх. Бзила, хІабабахпІ.

— Бзила...

— ДзачІвыя щымтадза йбыдзхѳагылаз

атшыгІв? Азамат йакІвма? — дазцігІлатІ  
апхІвыскІ, дзгара йгІайуаз.

— ЙабагІайгыз ауи апш тшы Азамат.  
Йгьбымбума къазакъ тшыпІ. Ани акъвтыр  
дауапІ, йтшква йчвыдзта йхІвитІ, йыздыр-  
уада ауи йгвы йтадзу.

— Йчвыдзыз здыруада, закІ йауырквын  
йгьычуашын, — лхІватІ апхІвыскІгьи.

— Йыздыруада йакІвхарнысгьи ауыпІ, —  
лхІван, Зурят агІвада дгІакІыдылхтІ.  
Ауи дылбун Азамат аурышв къвтыр дазым-  
цауата, адзы дшатагІархуаз.

Зурят Азамати лари райчважвара ам-  
штахъ, «лылакІ йычвырквын, анахяни аза-  
кІы гьычвуам» ззырхІвауа дапшхатІ —  
атІуп лпшыртахатІ. Ужвы Зурят лхьы-  
швыгъв гялыркІыхуам. Рашид йхабар гІа-  
лархІвыргьи, «зны ари сызгІва сшвыррбзи-  
хах, ужвы ауи дгьсляжям», — лхІвитІта,  
йахъналыртитІ.

Ахваша атшын тшпсырщара ахъазла,  
акыт антахъгьыт анхагІвчва йрапшта, Аза-  
мати Рауфи апщаша ахъвлапын агІвна  
йгІаталхтІ. Араъа Азамат дыддыркІырныс  
мчыта ацІыхъва йштагылаз, ъуытлхІагьи  
шпщІарцІаз ахабар йгІатІ. Азамати Рау-  
фи, намаз чпара йцарныс аурамхъа апны  
тшазызкІуаз, агвып йрызцатІ. Ауат къом-  
ракІ йайчважватІ, рынхараква шакІвшауа  
агьиква йрыквчѡажватІ.

СаляхІ дшагІвсуаз Азамат йыла дгІа-  
цІашватІ.

— Арахъ углайсті, уара хъамгівартхъ  
йглайрийыз!

Азамат зныкі ахъаз дйызглайра гьиму-  
радмызті, ауаса, ага дщажвгівызтынгьи,  
дахібапі, ахіба хвы йзычпара атахъыпі.

— Уара йудырузапі, уыста зціхъва  
стагылу? — йхіваті Саляхі, тлаків йан-  
наскія, йхъа щтіхъта Азамат дйымпшуа.

— Йалыздыргіая, — йхіваті Азамат, ай-  
шыста.

— Йудыруа аъара тшузымдырхті, хіва-  
нхада! Уара чвківры уаківма сара спа  
швхіаківа йзызхуш? Агвымхараква, аціа-  
праглараква анынкъвугуш йудыритіи?

— Сара гвымхара гынкъвызгум.

— Ушла ашларыс, агівлакі йгларбжбы-  
швтыз!

— Саляхі, йаківым уымхіван. Рашид  
йара дгласщыхіалті, ауи аківымківа, сара  
стйищымхіалті. Ужвыгьи, дгласщыхіалуа-  
зтын, йгьйыгівсщтуашым.

— Уара, алапс йгланарийыз, учвыгъхан  
ари акыт утапі. Ма, «йгьйыгівсщтуа-  
щым!» — Саляхі йлаба гіаціхіван, чвгята  
йкьяті. Ауаса Азамат алаба, йхъа йазыгла-  
мдзасківа, дамціасті, йглайнапыщлижван,  
агвара йхъирышвтті.

— Саргы угласысуашті, ауи аківма?..  
Уара, факъыра, унапы гласхьысыргіатіта,  
уачівы уан улыдзхъадоырціахпі. Йжвбу-  
ма, ари напа змам йсзихауа? — дціриті. Са-  
ляхі, йшитлакібуала. Ауаса йалагылакваз:

зымгІвагы йчрынквуз раківын, йырмагІа тшырчпатІ. СаляхІгы, ауи гІайгвынгІвын, ачкІвын хвыц агвара йгІлахъирышвтхыз алабагы найахвын, амаджыгтла йырхаутІ.

— Уара, цапса, уачІвы ахІа платла амамкІва, уалашІахІва удсмыргузтын, уара суапшпІ, — йхІван, датаджвыквылхтІ.

— Азамат уласчвахатІ, — йхІватІ Рауф, йгІаншаз йымгвапхауата.

— Йшпаучпуш, дкшитІ.

— Ужвы ауи дгыуайгьдзахрым.

— Рауф, ужвыгы йгыгІаугвынгІвуам, йайгьдзауа, жьыхъ зму бая уынцІра дгьумбастІ. Ауат щажвчвапІ, жьыхъ зырхІвауа гьырдырам, йыгІбапІ йари сари йалашІахІвахауа.

— АчІвыя уара ухъазы йучпуш, дара шардагІвыпІ.

— Момо, Рауф, хІара рыцІа хІайхІапІ, хІымчхъапІ.

— Сыгыцум амаджыгтгы, ауи йгІасна- тыз ахІа анчва хІпхдзы фачва йримтхтІ.

Араъа Азамат дацапан, йара йтдзыжв дазцахтІ, йхъбкІыхын, йахъаркІы-царкІыпІ, пахьгы штахьгы хІандырхъватша- хатІ. Азамат йгвы тшаднакІылуа, акІядыгв мцыра шарда дтшкІарапшытІ

— Абар ари акІвпІ утдзгы рылачвтІ ззырхІвауа, — йхІватІ ауи быжь штІакІдза- ла. Йтлийыз ацІапха гІамихын, днашылтІ. Йан данпсуаз дызквыз амшІ чвартагьвыжв дыквлын, дхъвыцуа далагатІ.

Ахъвыцра цюлата йаланахІвас Азамат,  
гвы айымтуата, йгІалащцарахатІ. Ауди дгІа-  
гылтІ, йгвыла, — «бзила, сызцІаргІаз ат-  
дзыжв», — йхІван, дгІаджвылцІхтІ.

Азамат, йхъа наркъвы, йуысква шан-  
йыргІалуаш дазхъвыцуа, дызрычрынуаз  
Якъвып йпныла дымгІвайсуан. Акіядыгв  
дантшкіаралх, Рауф дгІайпыралтІ.

— Уабацах, мачІ цума сузыпшгІауижъ-  
тара угъсаухуам?

— АчІвыя йгІаншаз?

— Амаджыгыт апны СалыхІ уара уыста  
астаршина йайхІвтІ, зымгІва шалагылаз  
астаршина уахъа ахІа платла амакІва  
ушдйыркІуашыз йхІватІ. Ауат зны уырна-  
пЫцІашвазтын...

— ЙыздыритІ, Рауф, йухІвуш: «Угыыз-  
гІарнапЫщІхрым». Ауди цІабыргыпІ, —  
йхІватІ Азамат. — Сара йсчпушыз саз-  
хъвыцтІ. Уахъа ахІа платла амакІва  
араъа стыцІитІ. Уара угІасцхърыгІара  
атахъыпІ.

— ЗакІгъи, йсылшауа гьуагъясщарым.

— АуагІа йштІалхуа йаналагара, хІы-  
гвла Али йтшбори йбакъи йалахІцІитІ йгъи  
уара уцІры-цІыруа, — абора йаластІ, — хІва,  
Якъвып йунагІва унаххылитІ. Ауат йштгІа-  
чву амца рычвра йыгІвуаштІ. Ауди азаман  
гІасрысабапитІта, сара Якъвып йчгІвыча-  
кви йабджяри гІасахвитІ. Уара, ауат мца  
рычвра йшцауа бырг, Зурят лпны унадзитІ.  
Ауди ласыта тшадлургалитІта, Тоба ду



швазцитІ. Исхъаштылуан йара. Уара усыц-  
найырквын, рыца йагъыпІ. ЙшпакІву ухІва-  
рыквын, ауи дъацаз удыритІ рхІвапІта, са-  
ра старала уара уыркІыпІ.

— СнайуаштІ.

— ЙауаштІ шта, хІангІалтІ. Ауаса уар-  
гыи чгІвычала, абджярла тшадугалра ата-  
хъыпІ. ЗакІыта апхар наджвыквылта йнахІ-  
хъыдзарквын, хІхъа хІзыхчара атахъыпІ.

— Ауи зкІвпІи йбалахІу. Сара Якъвып  
йхакІва саквчІвуштІ.

— Сара абора йаласымцІаскІва, Али  
йалаша чарахса гІатыздапІ.

— ЙауаштІ, ауи гвыбзыгъарапІ.

— Зурят шта, — дазцІгІатІ Рауф.

— Ауи дуыцта Тоба ду апныдза щъа-  
гІвта швнай. Уара утшгыи сара йназдапІ.  
ХІананйара, Зурят скІвдырхъа дгІатасыр-  
чІвапІ.

— Уаляхи, ауи шамура. АджвырагІв  
нахІыштал агъиуазтын, уара закІгыи гъу-  
зычпахрым.

— Ауи гъуысым. Сара ауат рпсарчІвы  
гъгІасыквхарым.

Ауахъ ауагІа анбайаух, анбжягІвчва  
йырхІваз гІандыршатІ. АхыгІвгыи агІв-  
тшыкІ йрыквчІвата, КІвар цІолала йты-  
къян, йгІарыдахІвыз йайгвыргъяуа, ащхъа  
сырт йхъысуата Апсны йцауа амгІва йтагы-  
ла йымгІвайситІ.

— Зурят, кІаразын тшы баквчІвахяма, —  
дазцІгІатІ Азамат.

— СаквчватI, рыца санчкIвыныз, уымшван, сгькIашвушым,— дымшыркьвитI Зу-  
рят.

— ХIымгIва ласы-лас йамыгIдара ата-  
хьыпI, йгIахIышталырныс закIгы гяз-  
хIвам,— йхIватI Азамат.

## 25

Али йтшбори йбакьи дрычвырныс, акыт  
аъарагIвшара айззатI. Амца дрычвта, ауа-  
гIа анамцIыцIх. Якъвып йчрынчва йгIарыз-  
шIитуа далагатI.

— Ауат алапс пынца йгIатышвтквас  
чвахра йызхъамылх ачIвыя? Сара йдсыр-  
бапI йшпсатлыхвуа! — дцIритI Якъвып.

Йпачва ахIачIаш, абора, апахь йгылаз  
ауандыр — апщIа зымгIва амадрыстI,  
аджвгьи гьрауам. Абора йтапшызтын, аха-  
кIва гьтагылахым.

— А-а, сжыы гIайфатI, алапс баранта  
йгIалрийыз! ДшыркIуашыз анидыр, йхъа  
апыригатI. Рауф дгIашвау, ауи йгIайсыр-  
хIвапI йыгIвзэ дъацаз! — дцIритI, дххIвитI  
Якъвып.

Рауфгьи данырмау, Якъвып йпакI астар-  
шина йпны, йпакIгьи СалыхIыргIа йщтитI.  
Алыгажв зальымыжв йунашвала, апщхъа-  
такIлагьи пхар ауырщтI. Рашид йгвып  
Апсны йцауа ащхъа хьыс мгIвала йджвы-  
квылтI.

— Азамат адгя хIпны йнымшасыз  
йчпатI, ауи апхIвыспа длылахъвмарта дгIа-

кІайрышвхуашті, — рхІватІ, акыт абзаза-  
гІвчва рыуа баяквакІ.

— Ауи Рашид дйылахъыччара ахъазла  
акІвпІ Зурят дызджвыквигаз, — рхІвун  
азджакІгыи.

Йара ауи агІан апхарква апщхъатакІла-  
гыи йымгІвайсуан, амгІва йгІарпшІашвауа  
йгыи акытква рпны йазцІгІун АзаматыргІа  
рбазтын, ауаса рышта йыквшварныс гыры-  
лымшузті.

Рашид багъята йхъайцІун, Азамат йы-  
шта дштагылу. «СихъыззапІ сара ауи ачв-  
кІвры, атшгыч! Алы йхъа йтасырчІвапІ.  
Сара сзымуа Зурят, ауи дылхъымсдзастын-  
гыи, «длылахъвмартІ», — схІвапІта, лнапа  
лхъысхпІ, мгъымцала дыдсрыбылпІ», —  
дазхъвыцуан Рашид, агвып рапхъа дгыла  
дъамгІвайсуаз.

— Саям аляйквым, архъа хъацІа, —  
йхІватІ Рашид, атшанхча хъацІа дйыдгы-  
луата.

— Уаляйквым саям, агІамдагІвы, —  
йхІватІ атшанхча.

— Йараби, тшчва аджвырагІв агІвсуа  
йубадза?

— Уаляхи, ауат арыла... Момо арыла  
йагІвсуа йшсымба, — йхІватІ атшанхча,  
йгІайцІгІауа мурад бзи шйымам гвы анайт.

— Уаляхи, ура анхада йшуба. ЙгІа-  
хІва ужвыбырг? — дцІритІ Рашид.

— Момо, йгъзымбатІ.

— Сара ушІа гІаунасырщтпІ, — йхІван,

Рашид атшанхча дйысуа далагатІ. Атшан-  
хчагы дгІакшатІ. Араѣа Рашид йыгІвза-  
чва надзан, атшанхча йчва дтархытІ, ауаса  
ауи закІгы гьырмайхІвтІ.

Ауат ртшква йырмайгьдзауа йымгІвай-  
суан, аныла—арыла йазцІгІун, атш шапІты-  
пла йгІардырныс йаштан. Ауасамцара,  
адарарта йнадзауа йаналага, амгІва апны  
пхІвыс башмакъкІ гІараутІ.

Ари Зурят йылбашмакъпІ, — йхІватІ  
Рашид, данапшы. Ауи йхІваз йыгІвзачвагы  
адгылтІ. Ужвы ауат ртшква закІылагы  
йырмайгьдзахуа адарарта йхысуан.

## 26.

Абашмакъ йыщта рчвыдзра ахъаз, Аза-  
мат датша мгІвакІ апны йкІайрышвтІ.  
Ймурад аквшви йаквымшви йырхъвыхра  
ахъазла, йыщта йтагылуазтынгы абджярла  
дгІарпшІагылра ймурадта, Азамат ацІла  
ду дыквчІвата дгІапшуан. Рауфи Зуряти  
мгІвайсуан. Ауат Апсны тшанхчаква рпны  
йнадзара атахъын, Азамат ауат ауаѣа дыр-  
хыдзахуашын.

Ужвы Азамат, ймурад шгІайыдахІвыз  
аниба, дайгвыргъятІ.

Рашид йгвып йызтагылыз амгІва ащхъа  
адарартадза йарцатІ. Ауаѣа йтшыжвцІын,  
агыгяра зымгІва гІарпшыхвтІ. УадыргІва-  
на йайззахын, йайкянгяштІ йгы ащхъа  
хъыс мгІвала Апсны йцарныс йщаквдыр-  
гылтІ. ЙыгІвбахауа атшын ауат Азама-

тыргIа къазчIвахыз атшанхчачва руатар  
йныквылтI. Рашид йгвып чатI йгыи, тIакIв  
тшанпсырща, уыста йызщтаз рхIватI.

— ШвызыпшгIауа агIвычкIвынчви ап-  
хIвыспи, абари акIварла йтысын, агрузин-  
ква рпныла йцатI, — йхIватI алягIвпажв. —  
Ауат закIгыи рызнымиуата агрузинква  
рпны йнадзастын, йгышвыртхуашым, швыр-  
щтамцIгIахын. Ауаса араъа амгIваква гвы-  
мхадзапIта, ауат йъацуз йзынадзатI  
гьсхIвум.

Рашид ахIба йхIваз дазымдзыргIвуата,  
йдйырбаз амгIвала йгвып джвыквидатI.  
АлягIвпажв дгълагамызтI, аркъандаъа уыз-  
ламгIвайс йамуаш амгIва, РашидыргIа  
хъара йгямщтитI.

Ауат ауахъ апхаз тшанхчаква рпны  
йпхян, ащымта мгIва йгIаквылхтI.

ЗакIы-гIвба мзыдза акыт шабгаз Аза-  
мати Зуряти йрылачважватI, псайспамцара  
йырхъткъяхуа йалагатI.

Йымкъвауата апаштахI дахъырцатIхIва  
ахабар ангIага, абаячва рхъа рляжхатI.  
Араъа Азамат дырхъаштылдзахтI.

## ЦІХЪВАЖВА

Хікраль апны граждан айсра джвыквцІахѣнацІыкІяра, Азамат Сергей йцхърыгІарала, нхара дъалайыргаз атшы тлапкѣбзиква зырхІуз апхаз Кацоба йпны дынхатІ. Азамати Рауфи атшква йырхъпшуан, атшырыгІвраква рпны йгІадрыгІвуан, Зурят Кацоба йкІяма—чамаква дырзыджвун. Азамати Рауфи атш балахІква йрыквчІвата йгІаныршахаз аКрасна Гвардия йалалтІ.

Ауат злаз агвып рпны Сергей дкомиссарын. ГІвыма пхдзыла йчаквауа руыс цІыхъва анарйаухуз, датша къралькІ йцахырныс змурадта тенгъыз КвайчІва апны йазцаквас райхІарагІв рмурад гыгІардамыхІвтІ, атенгъыз йзымыруата йкІхатІ. Араѣа Зурят йлымдырдзакІва АзаматыргІа лыднагалтІ. Ауи Сергей Алексеевич аштаб апны мацІаугІвыта днайахвтІ йгыи, айсра алгата, йѣакІвызлакІгыи Совет власть щаквгылнацІыкІяра, ахѣацІагыи апхІвысгыи айсытІ. Айбацра дукІ амцтахъ Азамат йахѣимгауата Зурят длызгІайлун. Йара

дангІамирагъи, Зурят, Сергей Алексеевич  
дйыцта, Азамат йэскадрон апны йчун. Аот-  
ряд шабгаз Азамати Зуряти рхабар рды-  
руан.

Азамати Рауфи ужвы, дара йшырхІвуз  
апшта, адуней шалаз гІаргвынгІвытІ. Ауат  
йзапхюн, йзыгІвуан, аурышв бызшвагъи  
бзита йырдыруан.

Айсра амцтахъ Рауф къвырльыкъв  
йхауа ар дгІарылахахтІ. Азаматгъи йта-  
хъын дгІанхахырныс, ауаса партийна нха-  
гІвыта хІшыпІаква рпны йгІащтихъз Сер-  
гей Азамат дгІайымдхкІва йгъйымуытІ. Ауи  
Зурятгъи дйыцта акыт дангІаталх, бзи дыз-  
бузгъи дзымбузгъи рпыралтІ, йрайхІвахІвтІ.

Азамат акытсовет дапредседателята  
акыт апны Совет власть йрыбагъятІ.

Йымкъвауата Совет власть йагъачвата  
акыт йтакваз йгъи абна йылалхыз кІхатІ.  
АуагІа хвигта йпсыпнкъвгауа, йынхауа,  
йчауа бзазара джвыквырцІатІ.

Азамати Зуряти йыртахъдзаз, йзыз-  
хъвыцуаз абзазаща раутІ. РацкІыс насып  
ду йымата гІвычІвгІвыс адуней дыквта  
йхъарымцІауа йбзасун:

*Табулов Исмаил Абубекирович*

А З А М А Т

На абазинском языке

Редактор *К. Х. Братов.*  
Художник *В. И. Бекетов.*  
Художественный редактор *М. П. Бертник.*  
Технический редактор *З. Т. Темирова.*  
Корректор *Ч. Х. Татаршао.*

---

Слано в набор 3/VII-63 г.

Подписано в печать 31/X-63 г.

Формат 70x92 1/32. Печ. л. 5,375.

Усл. п. л. 6,3 Уч.-изд. л. 5,21.

Зак. № 2802. ВУ 36167. Тираж 400 экз. Цена 16 коп.

---

Карачаево-Черкесское книжное издательство,

г. Черкесск, ул. Ленина, 38.

Черкесская типография,

г. Черкесск, ул. Комсомольская, 32.



